

**SIXTH LEGISLATIVE ASSEMBLY OF MIZORAM
(ELEVENTH SESSION)**

LIST OF BUSINESS

FOR SIXTH SITTING ON TUESDAY, THE 24th JULY, 2012
(Time 10:30 AM to 1:00 PM and 2:00 PM to 4:00 PM)

QUESTIONS

1. *Questions* entered in separate list to be asked and oral answers given.

CALLING ATTENTION MOTION

2. **Pu P.P. THAWLA**, to raise a matter of urgent public importance under Rule 59 of the Rules of Procedure and Conduct of Business in Mizoram Legislative Assembly in the matter of recent occurrence regarding “Mizoram Public Service Commission Combined Competitive Examination held on 28th June, 2012”.

FINANCIAL BUSINESS

General Discussion on the Budget for the Year 2012-2013

3. General Discussion on the Budget for the year 2012 - 2013 (to be concluded)

NGURTHANZUALA
Secretary

....

S P E A K E R : Rorelna vawng thate chu an eng a thawl e, englaipawha fel taka titu nen. SAM 106:3.

Zawhna leh chhanna hunah kan lo kal leh tawh ang a, zawhna No. 81-na zawt turin Pu K.Liantlinga ilo sawm ang.

Pu K.LIANTLINGA : Pu Speaker, Tourism Minister zahawm tak, ka zawhna Starred Question No. 81-na :-

(a) Mizoram Tourism Department hian Tourist Lodge leh Centre hmun engzatah nge a neih? Hmalak mek nen min hrilh thei em ?

(b) Mizoram Tourism Department hian Staff engzatnge a neih? Department hian hna tha taka thawk turin Staff engzatnge a mamawh belh min hrilh thei em ?

S P E A K E R : A chhang turin a changtu Minister zahawmtak Pu S.Hiato ilo sawm ang.

Pu S.HIATO, MINISTER : Pu Speaker, member zahawmtak Pu K.Liantlinga zawhna chhanna (a) - Mizoram Tourism Department hian Tourist Lodge, Highway Restaurant leh Tourism Resort Mizoram chhungah hmun 38-ah a nei mek a. Tin, heng bakah hian hmun 12-ah hma lak mek a ni. (b) - Mizoram Tourism Department hian Regular Staff 109 leh Muster Roll Employee 158 a nei a. Hna tha taka thawk turin Staff a mamawh belh zat chu :- (1) Tourism Officer - 5 2) Asst. Receptionist - 17 3) Cook - 17 4) Room Attendant - 17 5) Chowkider - 18 6) Junior Engineer - 1 7) Asst. Engineer - 1 8) Plumber - 1 9) Principal (IHM) - 1 10) Dean/Vice Principal - 1 11) HODS - 2 12) Senior Lecturer - 3 13) Lecturer - 3 14) Asst. Lecturer - 3 15) P.A. to Principal - 1 16) Accounts & Administrative Officer - 1 17) Accountant - 1 18) Assistant - 1 19) Audio Visual Technician - 1 20) Peon - 2 Hengte hi Institutional Hotel Management atan belh a ni.

S P E A K E R : Zawhbelhna Pu K.Liantlinga kan la a, a dawtah Pu Lalduhoma, a dawtah Pu K.Lalrinthanga chuti zawng chu iti ang u aw.

Pu K.LIANTLINGA : Pu Speaker, ka lawm e. Kha staff neih aiin a mamawh zat kha a tam zawk a, building sak zawh tawh 38 a awm laiin 12 hmalak mek a awm bawksi a. Heng atante hian post sanction DP&AR-ah te emaw dilin tin, Finance lampangten an pe thei reng em ? dil a ni em? tih kha ka'n zawt duh a. Hetianga hma nasa taka laka Staff awm leh chuang si lo hi a buaithlak thei khawp mai a, Tourism hmalakna hi. Building construction ringawtah te a tawp thei a, staff-te an awm chuan si lova, maintain that anih si loh chuan reiloteah hnimin a bawhchhe leh mai dawn niin a lang a. Chulai tana ka'n zawh duh pakhatath chuan - Hnahlanah khian In 5 vel sak a ni a, mahse, staff an awm miah lo tih kha a ni. Chungte chu tunah hian dah a ni tawh em ? tih kha ka'n zawt duh a.

Tin, Tourist Lodge leh Highway Restaurant-te hian heng centre hrang hrangah te hianin a enkawl nan kumkhatah sum engzatnge hman ral a nih? tih kha ka'n zawt duh bawksi a. Tin, Tourist Lodge centre hrang hrang leh centre hrang hrangah hian Revenue engzatnge lak luh anih? Sorkarin Sum lakluh nan tak tak kan hman em ?

Tourism hi a pawimawh em em a, a pawimawh rualin Tourist kan neih mumal lohte pawh kha a awm ve thei a. Chuvangin Mizoram rawn tlawha lo zin

Foreigner emaw, India mi emaw ang chi kha kum 2011-12 chhung khanin engzatnge kan neih tih kha ka'n zawhbelhna a ni e. Pu Speaker, ka lawm e.

S P E A K E R : Pu Lalduhoma i lo ko ang.

Pu LALDUHOMA : Pu Speaker ka lawm e. Kan sorkar hian a vawikhatna atan Tourism Board kan Chief Minister zahawm tak chairna hnuaiah an han din a. Hmana kan thut khan heng building PWD ten an sak zawh tawh Tourism Department hnena hand over an duh tawh, staff an neih loh avanga an take over theih loh kha a tam em em tih kan hria a. Chuvang chuan, sak zawh tawh si luah si loh, tlangval sualtena tawmbuka an hman mai mai, an tih chhiat leh tawh pawh engemaw zat a awm tih pawh kan hria a. Tin, staff kan pek theihna hmun amite pawh hi hlep aia engemaw zat hloh an awm tihte pawh kan hria a. A damdawi atan chuan privatize mai ang tih kha Board chuan kan decide niin ka hria a. A rei viau tawh a, kha kha bawhzui a ni em ? Privatise tur chuan a tha tha atang hian tan sela, hlawk sela, zawngchhang sela, kan thalai hna neilo tam takte hian tuipui selang tih kha kan duh a ni a. Pakhat pawh kan privatize awm hi ka la hre lova, meeting-a rorel a, tha taka ziaha bawhzui leh si loh hi chuan awmzia a nei lova, eng anginng Department hian hma a lak tih ka zawt duh a. Tin, tunthlengin Tourism policy pawh kan la neilo a, a board te pawh hi kan va thu khat lulai ve mawle, term a liam mai dawn a engmah kan thawk hman dawn hlei nem mawle, eng harsatna nge awm a?

Pu K.LALRINTHANGA : Pu Speaker. Sorkar thar pian hma chiah khan Buhchangphaiah khuan Tourist building sak tur a awm a, chu chu contract hna pawh an lo pe hman tawh a. Tichuan hna thawh a ni a, an sa zo tawh niin a lang a, la hawn loh a ni. Hmanni khan a hmunah ka kal a, a chhungah te ka lut a, pindan kawngkapui hrang hrangte ka hawng chhin vel a, a khar hleih theih loh a, handle atanga block te tam tak a awm a. Khu khu hawn hmian siamthat leh tumna a awm angem tih ka zawt duh a. Tin, chubakah chuan Serlui B Hydrel Project bulah hian Tourist destination siam tumna a awm niin ka hria a. Tun sorkar tharah hian, sum pawh a fel thawkhat tawh niin ka hria a. Hei hi engtikahnge tan tur a nih tih kha ka zawt leh duh a. Tin chubakah chuan Tawipui 'S' Tourist Lodge-ah sawn Power supply tumna a awm em tih ka rawn zawt leh a ni e.

S P E A K E R : Pu Lalthansanga'n a phar naa kan ko lo mai ang, a chhang turin Minister zahawm tak i lo ko ang.

Pu S. HIATO, MINISTER : Pu Speaker, kan member zahawm takte zawhbelhna kha awm tak tak a ni a. Mizoram pumpuih hian thlen In Department dangin an nei tawh mang lova, khawpuih chiah hian Circuit House te a awm a. Keini chauh hi thingtlanga India ram hmun hran hran atanga lo zin tan te, Tourist atan te, tin, Mizoram sorkara official leh official lo te pawh thlenna atan hmun tin deuhthawhah a pawimawh lai lai hi Tourist Lodge kan dah a. Kan sawi tawh angin staff indaihlohna hi a nasa em em a. Chuti chung pawhin special takin nikumah khan Cabinet meeting-in regularise turin post 34 min pe a. Chu chu tunah hian regularise chhoh mek a ni a. An hmunah pawh midang dah chhoh mek a ni tih kha min lo hriatpui atan ka duh a. Tin, staff neih aiin mamawh belh hi a tam tih kha a dik a. Pakhatah chuan Bung Bungalow-ah khuan Institute of Home Management, North East pumpui atan kan sa a, kan la sa zo lova. Mahse hawn theih tep a ni a, hawn theih a nih chuan Lecturer-te leh a thawk tur kha tam tak mamawh belh a nih avangin mamawh a tamna chhan ka rawn chhanna kha chu a ni e.

Tin, pawisa engzatnge kan lakluh tih kha 2011- 2012-ah khan lakh 153 a ni a tin, hei hi erawh chuan kan mamawh hi a phurhruk vaklo tih kha ka chhanna ni tel se. Tin, foreigner lo lut zat kha 700 vel an ni a, amaherawhchu domestic tourist-te nen chuan 70600 vel kan nei a ni. Mahse, hei a hriat vek theih lova, keini record bak kha Hotel-a lo thlengte a hrana thlengte an awm thin avangin a kimlo mai thei a ni.

Tin, Pu Lalduhoma zawhna kha, Tourist Board hi Minister hovin kan thukhawm a, tin a policy turte pawh kan han duang a, amaherawhchu, kan Chief Minister a buai em em a, kan rawt hunah khan a awm rem chang lova, a rawt hunah khan kan awm rem chang leh lova, tunah pawh hian thu thuai thei turin Chief Minister pawhin hma min lakpui mek a ni tih kha ka chhanna ni se.

Tin, Tourist Policy pawh hi duan vek a ni tawh a, kan member-te pawh khan an lo en theih nan thawn vek a ni tawh a, thut hmasak berah tifel thei turin kan inngai a ni.

Tin, Buhchangphai hi kei chuan ka zuk tlawh lova, mahse a hmun a kilkhawr bakah tuiah te harsatna an tawh thin a, engtinngge kan kalpui ang tih hi privatize mai nise tihte hi ngaihtuah mek a ni a. Tin, Pu Lalduhoma zawhna pakhat privatization pawh kha, privatize han tih khan a khawpui lai chauh hi an duh a, Tourist Lodge Chaltlang te Berawtlang te, heng lai a hlawk lai hi an duh chu a ni mai a, a dang hmun kilkhawr lai hi chu an duh lova, chu chu kan in process mek chu a ni a.

Pu LALDUHOMA : A hlawk leh hlawk loh hre tur khan mipui hian kan hre lo hrim hrim niin ka hria kei chu. In zuar em kan thalaite hriatah hian in zuar em? Chuti anih loh chuanin duh ngaihna pawh a awm lova.

Pu S. HIATO, MINISTER : Ni e, notification chu tihchhuah a la ni lova, kha mi a englo atang khan khawi khawi atang emaw khan zawhna kan tawh thin a, a duh chuan dil theih ani tih kha kan lo hrih thin a, chumi erawh chu Board kan thutkhawm hunah finalized vek tura tih a ni a. Tin, Nagaland-ah te Privatisation an han ti a, NGO angah te khuan an han pe a, mahse an pamtul vek ta a, chu chu helaiah pawh hian YMA emaw Kohhran emaw pe ta ila, engemaw chenah chuan harsatna kan tawh mai awm mange aw kan ti a, chu ti chung chuan try chu a ngai reng reng dawn a.

Tin, Pu Rina zawhna angte Tawipui South te a thlengtu an awm lova, tunah hian Kohhran pe mah ila, tunah Baptist Kohhran te nen hian negotiation kan kalpui mek a, tin, khulai Sairanga kan Missionary rawn kaihna lai pawh Synod hotute nen ruahmanna kan kalpui mek a ni.

Tin, Serlui 'B'-ah hian Tourist ho hipna tur a awmin kan hria a, Sorkarin crore thum aia tam min rawn sanction tawh a, PWD lam kan department building zawng zawng hi pek an ni a, an indaih lova, churang chuan tun tum chu sorkar hnathawh nei lo Engineer engemaw zat an awm a, consultative Firm nei mek te an awm a, churang chuan restricted tender kha tourist development authority khan ruahmanna a siam a chutiang chuan ruahmanna siam a ni a. Tunah hian Lushai Engineering Works hnenah pek a ni a, tin pakhat construction work chu B.M Infrastructure Work hnenah pek a ni a. Hna an thawk mup mup reng a progress pawh a tha angreng viauva tih kha ka chhanna a ni e. Ka lawm e.

Pu K. LALRINTHANGA : Tin, Pu Speaker, Hnahlan chungchang kha a chhang lovin ka hria a, a chhang thei em ?

Pu S. HIATO, MINISTER : Hnahlan chungchang kha hmanah khan kan va hawng tawh a. Tha takin a function tawh a, staff pawh kan dah tawh e. Tin, Zokhawthar leh khithah Pu Thlenga Bial Farkawn pawh kha hawn tawh a ni e. Staff pawh dah an ni tawh e.

Pu K.LALRINTHANGA : Pu Speaker, Buhchang kha hawn hmam siamthat tumna a awm em? tih ka zawhna a ni e, kha kha min chhang thei em aw?

Pu S. HIATO, MINISTER : Buhchang chu kan exam mek lai a ni a, kan siamthat leh thatloh kha a hriat theih rih loh.

S P E A K E R : Le, zawhna 82-na zawt turin Dr.R.Lalthangliana i ko ang

Dr. R. LALTHANGLIANA : Pu Speaker, ka starred question No. 82-na Finance Minister zahawm tak chhan atan :-

(a) Pay Committee-in Mizoram Sorkar hnuai a thawkte hlawh chinfel sak a neih tawhte an awm em?

b) He committee hian engtingge heng harsatnate hi chinfel sak a tum? tih ka zawt e.

*Speech not corrected.

S P E A K E R : Chhang turin a changtu Minister zahawm tak Pu H.Liansailova ilo sawm ang.

Pu H. LIANSILOVA, MINISTER : Pu Speaker, Member zahawmtak Dr.R.Lalthangliana zawhna (a) Pay Committee-in Mizoram Sorkar hnuai a thawkte hlawh chinfel sak a neih tawhte an awm em? tih chhanna chu - Awm e, Pay Committee 2011 rawtna siam rem hlek hlekin Mizoram sorkar chuan a hnuai a thawkte hlawh thenkhat a chinfel sak tawh a. Category chi hrang hrang 108-te hlawh chinfelna Notification No.A.11014/12011-FIN(PRU) chu ni 04.7.2012 khan tihchhuah a ni. b)-na zawhna he Committee hian engtingge heng harsatnate hi chinfel sak a tum? He committee hian hlawh thu-a harsatna hrang hrang chu ngun takin a en a, tunhmaa pay revision lo awm tawhte tehfunga hmangin ruahmanna tlangpui a siam a. Chu chu Council of Minister-in tha a tih anga siamremin a pawm a, a chungka kan sawi tak ang khan Notification pawh tihchhuah tawh a ni e.

S P E A K E R : Dr. R. Lalthangliana zawhbelhna

Dr. R. LALTHANGLIANA : Pu Speaker, tun hnai lawkah harsatna an la nei cheu anih ka ring a, hei PARDC, Pay Anomaly Redressal Demand Committee-ah Employees Association 50 dawn lai a awm te kha an la lungawi vaklo niin a lang a. Nia, khawvelah hi chuan lungawina kim hi chu a awm lova, amaherawhchu thil thenkhat an harsatna genuine ve tak tak hi a awm ve thoin ka hria a. Hei a hnathwk zingah hian a te nawi deuh Taxation Checker tihte, Electrical Worker tih te, Printer tih te, Home Guard Bed Men tihte leh Constable atanga Havilder tihte 1986 atanga an level pui vawiina pha ta lo em em te pawh kha an awm niin a lang a. Sorkar hmasa khanin Pu Speaker ni 1.7.2007 khan theitawp chhuahin thil chu an ti ve a, engemaw chen a ching fel a. Group C post 56 kha Group B-ah te khan a hlangkai a. Amaherawhchu thil buaithlak ta deuh mai chu hei Sorkar thar an lo piang chho a, ngaihdante pawh a inang lo a ni mai thei a, kha laiah khan a hmasa a lo upgrade chho chi ang te kha tunah hian downgrade engemaw zat an awm a. Tuna kan Minister

zahawm takin a rawn chhanna ang khan khimi Finance Department Notification PRU unit-in a Notification hi keini pawh kan lo nei tho a, tuna a han sawi kha. Amaherawhchu, thil buaithlak deuh ni a lang ta a chu he Finance Department Pay Research Unit-in an tihchhuah leh 2011 a Pay Committee-in a recommend, Cabinet pawhin a approved hi helai lo chhuak nen hian a inmil tlat lohna lai hi thil tam tak awmin a lang tlat mai a. Hei kan Home Minister-te pawh nikum September thlate, kumin April thla-ah te pawh khan kan Finance Minister-te kan Sport Minister-te pawh khan an lo dawrin tawngkam tha takin thil tenau te te engemaw han tihfel bak hi chu a dang hi chu a tha tlang vek e tiin, tin, heng recommendation-a pay committee bikin a siamte pawh kan Chief Minister pawhin a acceptable khawp mai tite pawhin commend a lo pe tawh nite pawhin a lang a. An lawm viau lai khan hemi lo chhuak ta hian thil tamtak chin buaina awm chi a lo chhuak ta a, 82.7 vel hi hetia a lan dan phei chuan pay recommendation, pay committee recommend-na atang khan in drop niin a lang tlat mai a. Hei hi Cabinet decision te leh helai lo chhuak inanglo ta lutuk hi engtingge ni Sorkarin a tih dawn tih hi ka zawt duh a. Tin, an dinhmun a hmaa tlema lo ziaawm tawh ang chi te, khatianga han hniam leh ang chi te kha engtingge ennawn leh theih dan te a awm em? Chutiang chu ti dawn ta ang se engtikahnge ni ang tih kha Pu Speaker, ka'n zawt duh a ni.

*Speech not corrected.

S P E A K E R : Awle, a chhang turin Minister i lo ko ang.

Pu H.LIANSILOVA, MINISTER : Pu Speaker ka lawm e. Tunah Sorkarin notification a rawn chhuah tak kha, Cabinet-in uluk taka Pay Committee Report a thlir a, vawi hnih vawi thum a ngaihtuah tawh hnuah thu chhuak a nih avangin Pay Committee Report 2011 atang khan tun notification lo chhuak ta kha Cabinet-in kan sum dinhmunte en chung leh tin, service danga hlawn lo la tawh mekte a khawih chhoh dan turte pawh ngun taka zir chian tawh hnuah hei hi kan Sorkar hnathawkte kan duhsakna atan hian kan tihtheih sang ber a ni e, tia a pawm tak a nih avangin Pay Committee Report 2011 nena a inthlauh tak leh a danglamna tak chu a ni a.

Tin, Sorkar hnathawk chungchang hi lungawilo leh tlukpuite pha ta lo tih anga harsatna hi kum 30 dawn lai a ni ta a, chingfel tur hian Committee chi hrang hrang pariat dawn lai a lo awm tawh a ni, mahse, Committee-in hetiang hian nisela tia a han chhawpchhuahah hian lungawi tlanna aiin harsatna a thlen zawk emaw ni tih tur mah a ni a. Tunah kan ngaihtlak tak ang khan kum 2007-ah hlawn han chawhrual kha kan Sorkar hmain Fitment Committee 6th Pay hmanna tur khan khami behchhan deuh khan kalpui a ni a, mahse, Sorkar hnathawk tam ber khan kha kha tha an tih loh avangin leh Federation lamte pawhin enthat an duh loh tak avang khan leh kan Sorkar pawhin Cabinet Sub-Committee siamin ruahmanna siam leh a ni a, chu Cabinet Sub-Committee chuan State tihdan hrang hrangte pawh enin leh Central lama hlawn leh helaia kan Sorkar hnathawkin a an an pui deuha an ngaihte pawh an dinhmun thlirin uluk takin Cabinet Sub-Committee khan Pay chungchang zir chiangin Report a pe a, chu chu Cabinet pawhin Committee a siamin, a siam ang lo pawm ngawt kha a ni lova, mimal chuan tha han tih leh thalo thlirna a awm thei a ni. Mahse, uluk zawka ngaihtuah khan Cabinet-in decision a siam a, chutiang chuan hlawn siamremna kha a chhuak ta phawt a ni. Federation lam hotute leh Sorkar hnathawk pawl hrang hrang pawhin tha an ti a, tin, a hmaah khan inpawhnhniamte stage 2, dawnlai a tlahniamte awm nia sawi a awm a. Fitment Committee rawtnaah khan Cabinet Sub-Committee-te pawhin khangte kha uluk taka thlirin rual khai thei ang turin an siam a, chu chu kan sawi tak ang khan Cabinet-in a pawm tak Sorkar hnathawk tam berin tunah hlawn atana

an hman tak hi a ni. Chutih karah chuan Fourth Pay atanga harsatna neia in sawite leh tun tumah pawh la inkhai rual tawk lova, ennawn leh duh leh ngen pawl engemawzat rawn insiam an awm a, dilna chutianga representation hmuh hi 58 aia tam, pawl hrang hrang atangin a rawn lut a ni, chu chu Pay Committee 2011 khan zau takin a thlir a. Amaherawhchu, tuna kan sawi tak angin kan sum dinhmunte en reng a ngai a. Tin, chutih rual chuan lehlamah midang a va khawih leh theih turte leh an dinhmun pangngai tunhma atanga an lo nihna kha uluk zawka chhui chhuakin tuna Cabinet-in hetiang chin hi kan theih tawk sang ber leh a khairual thei tur anih hi tiin decision an siam tak chu a ni a. Tun tum an siamah hian a tlahniam zawnga hnuh hniam chu an awm lovin ka hria a; amaherawhchu, an beisei han phak ta lo erawh chu an awm nual a ni tih kan hria a, chuti chung erawh chuan, kan phak tawk bak hi chu anmahni Association leh PARDC hruaitute hnenah pawh maximum-a kan theih tawk, kan Finance dinhmun en reng leh midang a sawkhawk theih turte pawh thlir chungin, Sorkar chuan a en lo thei lo va, chuvang chuan, kan Chief Minister pawhin a theih tawka kan tih sak theih tur chu a sang berah hma lak sak che u kan tum ang a, kan theih bak erawh hi chu tih ngaihna a awm tawh lovang, min hriatthiampuite pawh a ngai ang tiin indawr a ni a.

Tin, he mi PARDC-a an hotu kan han hmuh thin te hi chuan Sorkar dinhmun leh kan hmalak dante hi an hrethiam hlein ka hria a, an chungah pawh kan lawm a. Amaherawhchu, la duh tawk lo leh la lungawi lo engemawzat chu an la awm niin kan hria a. chuti chung chuan eng emaw tia inthlem a, inveh kual thilin kan ti lovin ka hria a. Kan Sorkar hian kan tih theih tawk sang ber chu kan ti a. Tin, hemi piah lama kal leh tura innawr hi chu Congress Sorkar i tibuai hrim hrim ang aw, tihna rilrute a nih loh chuan kan Sorkar hnathawkte pawhin kan sum dinhmunte hrethiam leh mipui lam hma khuate pawh en chung a an kal ve tawh pawh kan beisei a.

Tunah hian Non-plan-ah a bikin kan sum pun dan hi 15% pawh a tling che che chauh a ni a, chuti hrual chuan Sorkar hnathawk hlawh hi tun Pay Revision-a kan kalpui danah hi chuan kum khatah annual increment 3% -in an hlawh hi a pung ngei ngei a, chu chu July thlaah leh December thlaah annual increment kan tih thin kha tun hma a a pun dan ang kha a ni ta lo va. Chutih karah chuan DA pung hi 7% emaw 8% emaw kum khat chhung hian vawi hnih a awm hman a, chuti a nih chuan non-plan-a kan sum han punna ang pawh kha hlawh lam atanah pawh khan a indaih lo ve thei mai dawn a. Mipui chan lamte pawh en ve a ngai tawh a ni. Chutiang dinhmun atang chuan kan Sorkar, kan Chief Minister te, kan Home Minister-te pawhin anmahni harsatna lai duhsak taka lo dawngsawngin theih tawp chhuahna tur tawngkam chu an thlah ngei a ni. Amaherawhchu, kan dinhmunte uluk taka thlir loh theih a ni lova, kan phak bak leh kan tih theih phak baka an harsatna chingfel tura hma lak erawh chu kan tlin lovah kan ngai ta rih a. Chuvang chuan, tuna kan han tih hi kan tih theih sang ber niin kan hria a, hemi chung pawh hian hlawh lama kan expenditure hi kum khatah vaibelchhe tel fein a pung leh dawn a, chutiang a nih avang chuan hlawh lamah hian kan Sorkar hnathawkte pawhin Sorkar dinhmun leh mipui lam chanvote pawh thlir chungin zahngai deuha kal turte pawhin kan beisei a. Tin, hei hi han ti phawt ila an rawn ti leh ang a, hei hian kan la ti leh ang chu tia indawm khamna awm lovin tun tumah hian kan theih tawk ang nia kan hriat kan resource atanga han en leh anmahni dinhmun 1974 4th Pay, 5th Pay leh a inkara Pay Anomaly Committee leh Cabinet Sub-Committee lo awm tawh zawng zawng leh Committee panga/paruk velin a lo thlir tawh a, an dinhmun thliah thliahte pawh han

thlirin tuna han tihdanglam, han upgrade takte hi, heng hi chu kan tih loh theih loh a ni tia han chhawpchuah leh pawm tel tak a ni e.

S P E A K E R : Pu Lalduhoma khan a phar a, han zawt ve leh sela a tha awm e, ani chauh midang chu la tawh lovang.

Pu LALDUHOMA : Pu Speaker, kan Sorkar hnathawk zawng zawngte an zavaia an lungawi kimna tur Pay Structure hi chu tumah hian kan duang theiin ka ring lova. Ka'n rawt duh chu, a thawk lai mekte mitmei ven telna awm miah lo hian Mizoram Sorkara kan Pay Structure thar tur duangtu tur Sorkarin ruat sela, a present incumbent-te hi chu pension thlengin tun ang hian kal ta sela. Appointment hmu thar piangin an rawn zawm tur tha deuh mai nawrh nawrh ngai tawh lo tur, Sorkar pawh a tawh tawh miah lohna tura siam hi a tha lawm ni? Sorkarin chu chu a ngaihtuah thei em? A then chu Central Pay Scale aia sang late pawh an awm tih kan hria a, State rethei tak kan ni chungin. A eng a pawh kha lo nise, tuna a thawk laite tibuai a, tiluhai chuang tawh si lo hian, a thar tur, a thawk thartena an zawm tur hi tha tak duang ila, tichuan kan problem hi tun atanga rei vak loah chuan a reh ve theiin ka'n ring deuh a, chutiang ngaihtuahna chu Sorkar hian a nei thei lawm ni? tih ka'n zawt a ni.

S P E A K E R : Awle, chu chu han chhang rawh le, a pawimawh viau a ni. Mizoram State Pay Structure kan siam thei em?

Pu H. LIANSILOVA, MINISTER : Pu Speaker, a har awm hlein kan hria a. Hei tuna kan han tihah pawh, tuna kan member zahawmtak rilrua awm kha kan hotute rilru chu niin ka hria a. Amaherawhchu, a tak taka han tih dawn hian a har hle mai a. A bikin Mizoramah hian hlawh hi kan buaipui rei lutuk deuh emaw ka ti nghe nghe a, keima mimal ngaihdanah pawh. Tin, tun tum thilah pawh kan dap zau viau a, State dang dinhmunte pawh kan thlir a, State dangah chuan 6th pay an hman hnuah hi chuan buai an awm miah lo mai a.

Tin, pay chungchangah hi chuan State dang zawng zawng aiin kan hlawh hi a sang a ni. Haryana-ah kan kal a, Punjab-ah kan kal a, Chandigarh, U.T kan kal a, tin, Tripura kan la a, Meghalaya kan la a, Assam kan la bawk a; chuang chuan tuna kan hotuten an theih ang tawka an han tih hi chu mi lo dawngsawngtu lamah hi chuan tuna member zahawmtakin a rawn rawtna kha thu tak, nghet deuha kal chu ni sela chuan kan tha tlang thei mai ang tih a rinawm a. Tunah kan Budget-ah pawh kan han sawi a, Non-development Expenditure-ah 67% vela kal a ni a, chuang chuan mipui lam hawi zawnga kan hotuten rilru an han hman leh kan sum dinhmun en hian, kan Sorkar hnathawkte hi duhsak hle mah ila tunah chuan an thawh sak mipuite leh ram hmasawanna atan hian sum tam zawk chu kan mamawh si a, induhsak reng thei chu kan ni tawh lo a ni, tih hi kan dinhmun hian min hriattir niin an hria a; chumiah chuan nghet takin din an tum niin ka hria. Tin, kan Sorkar hnathawkte pawh lehlamah chuan State dangte aia kan hlawh a that rualin Central-a kan tlukpuite kan pha lo tih a awm rualin income tax leh thil dangah hian facility kan nei tha a. Income tax-te kan chawi lo bawk a, chuang chuan tuna kan inenkawl theih hram hramna atana kan hotuten hetiangah hma an han lakah hi chuan kaltlang thei ila chu, tih hi kan Sorkar beisei leh duh dan leh ngenna; tin, tunah hian kan tih theih sang ber kan tiin kan hria a ni. Chu chu ka chhan theih dan ni mai rawh se.

S P E A K E R : Zawh lehna kha Pu B. Lalthlengliana a ni a, amaherawhchu, ani hi a thei lova, Pu C. Ramhluna a pe a. Nimin lama kan sawi ang khan kan Dan 50-na hmang khan hun ala awm chuan Pu C. Ramhluna khan a zawt ang a, mahse kan kalkan rih ang.

Tunah zawhna 84-na zawt turin Pu P.P.Thawla i lo sawm ang.

Pu P.P. THAWLA : Pu Speaker, ka lawm e. General Administration Department changtu Minister zahawmtak chhan atan ka zawhna Starred question no.84-na –
(a) Tuipanga Civil S.D.O. dah tawh kha a awmzui (function zui) tawh lo em ni?
(b) Awm zui tawh lo nise enge a chhan ? tih ka zawt e.

S P E A K E R : Awle, a chhang turin a changtu Chief Minister zahawmtak, Pu Lal Thanhawla lo ko ang.

Pu LAL THANHAWLA, CHIEF MINISTER : Pu Speaker, ‘Tuipang Civil SDO dah tawh kha a awm zui, a function zui tawh lo em ni ?’ tia a hriat avanga rawn zawt a ni a. Mahse kan hrilh tho anga, Tuipang-a SDO Civil chu kum 2009 khan sawn a ni a. A hmunah hian midang dah an la ni rih lo a ni. ‘Awm zui tawh lo nise enge a chhan’ MCS Officer Senior Grade-te indaih lohna a nasa hle a, chumi avanga dah zui tur an awm rih loh vang a ni a. Tunah hian Tuipang BDO in Civil SDO hna hi sorkarin a kawp tir a ni.

S P E A K E R : Zawhbelhna, Pu P.P.Thawla dawtah Pu Lalthansanga.

Pu P.P.THAWLA : Pu Speaker, ka zawhbelhna chu Sub-Division atan hmun hawn tawh, SDO Civil dah tawhna tun thlenga la awmte khawiah te nge an awm tih ka zawhbelh e.

Pu LALTHANSANGA : Pu Speaker, ka’n zawh ve duh chu North Vanlaiphai Civil SDO hi transfer a ni a. Tun thlengin dah ala ni lova, Additional D.C, Serchhip-in min rawn hmui a, hemi hi dah leh tumna a awm em? A indaih loh rual khan anni hi SAPB-ah hian Chairman an ni a, North Vanlaiphai khi town area a nih avang hian V/C te hian thuneihna an neih chiah loh avangin eng eng emawah hian harsatna kan nei nasa a, chuvang chuan khitilaiah khian Civil SDO hi kan mamawh hle a ni, tih kha ka’n sawi duh a, chumi chu min dah sak tumna a awm em?

Pu LAL THANHAWLA, CHIEF MINISTER : Member zahawmtak Pu Thawla zawhna kha enge ni kha ? (Pu P.P. Thawla : SDO Civil awmna hmuna la awm engzatnge ni tih ka zawt). Ka lo ngaihtuah lova Pu Speaker, an awmna hmuna awm ka hre vek lova, BDO-in an kawp nual a, tin, dah theihlohna hmun kan nei nual bawk a. Khalam pang zawhna kha a lo kal ang tih ka lo ngaihtuah lova, a tul chuan a lehpekah kan la inhrilh anga. Engpawhnise, ka sawi tawh ang khan hemi duty post atana officer hi kan indaih lova; chuvangin hemi bial pawimawh deuh awma han ngaih angahte pawh hian BDO-in an kawpte a awm a. Tin, hmun thenkhatah te chuan BDO fel tak takte an ni a. A mipui hian Civil SDO dah kher an ngaih lem lohnate pawh a awm a ni. Tin, North Vanlaiphai khian Civil SDO kan neih lohna a rei fu tawh a. Serchhip atangin kawp tir a ni a. Tin, Serchhipa Addl D.C khi kartin vawikhat tal tlawh tura tih a ni a. Tuna report kan hmuh danah chuan an lawm zaw mah emaw ni chu aw, tih a ni a. Chutiang chuan khilai Civil SDO-in a thutchilh ai mah mah khan tunah a kawptu an awm tho chungin Serchhipa Addl D.C kartin vawikhat tal han tlawha han riah chilh turin leh a tul ang ti tura tih a ni a. Chu chu a ti thin niin hriat a ni a, chumi avang chuan mipuite leh khawtlang hruaitute an phun lemlo niin kan lo hria.

Pu LALTHANSANGA : Pu Speaker, a dik angreng viau a, Sunday-te pawh an cham thin a. Kan la lawm tho hrih chungin post awmsa reng han awm ta lote leh SDO-te pawh khi min lak chhuah sak a, hei tun thlengin a la awm lova. Chung bakah chuan Agriculture Extension Officer-te pawh kha hun engemawchen a awm lova, a taha kan tah chhuah ni deuh berin ka hria a, tun hnaiah hian min han dah a, lehlam pangah chuan a bial neitu ang lampang atanga ngaihtuah chuan opposition bial hi min thlauhthla bik emaw ni aw, tih mai tur laite pawh hi a awm ve a. Chutiang attitude deuh chu mipuite pawh hian ngaih deuhna kan neih avangin min pe ve leh thei ngei se tih kha ka ngen a nih chu.

Pu LAL THANHAWLA, CHIEF MINISTER : Pu Speaker, a hminga ka bial neih vena district a ni a, han duhsakte pawh hi a awm viauvin ka hria a. Amaherawhchu, sawi leh sawi hnu sum indaih lohna avang kha a ni a. A tul zual bikah chuan ngaihtuahte pawh ngaihtuah a ni ang a. Amaherawhchu, kan indaih lo hle a ni, tuna kan dinhmunah hi chuan. Tin, Opposition an nih leh nih loh hi kan ngaihtuah tehchiam lova. Kan Minister senior, Home Minister zahawmtak bial Saitualah te pawh Phullen SDO-in a kawp ve mai tho a ni a. Kan harsatna a hria a ni ang chu, vawikhatmah a la phun lem hran lova. Chutiang chu kan dinhmun a ni e.

S P E A K E R : Khatiang kha loh theih loh a ni ang chu maw. Tunah zawhna No. 85-na zawt turin Pu K.Liantlinga lo sawm ila.

Pu K.LIANTLINGA : Pu Speaker, ka lawm e. Trade & Commerce Minister zahawmtak chhan atan. Zawhna Starred question No.85-na :-

(a) Aizawl khawpui chhungah hian market engzatnge awm? A luah man 2010-2011, 2011-12 chhung hian sum engzatnge hmuh a nih?

(b) Aizawl khawpuia market hrang hrangte hi Aizawl Municipal Council-ah pek tuma hma lak a ni em?

S P E A K E R : A chhang turin a changtu Minister zahawmtak, Pu Lalrinliana Sailo i lo sawm ang.

Pu LALRINLIANA SAILO, MINISTER : Pu Speaker, Member zahawmtak, Pu K.Liantlinga zawhna, (a) chhanna chu, Aizawl khawpui chhungah hian market 29 a awm a. Heng market atang hian lawmman (rent) hmuh theih chu hengte hi a ni. Kum 2010-11 ah khan Rs. 39,57,480/- a ni a. Kum 2011-12 ah hian Rs. 36,32,060/- a ni. (b) chhanna chu, tunah chuan Trade & Commerce lam atangin hmalakna a awm lem lo, tih a ni e.

S P E A K E R : Zawhbelhna, Pu K.Liantlinga, chutah Pu Joseph Lalhimpuia. Chutah Pu Lalthansanga.

Pu K. LIANTLINGA : Pu Speaker, ka lawm e. Dawr luah mante han thlir khan market 29 zetah Rs. 39, nuai 36 hmuh a ni a. Market pakhat hian kumkhat chhungin nuai khat lekte hmuh a nih avangin helai hi a luah man hi a hniam lutuk em ni? Tihsan tumna a awm em? tih kha ka'n zawt duh a.

Tin, dawr hi allotment an pekna te ni lo hian an rent out leh chhawn enggemaw zat hi awmin a hriat a. A hming neitu dik takten luah silovin mi engzatnge awm? Tin, tunah hre mai lo mahse, enfiah theih a ni ang em? tih kha ka'n zawt duh a. Tin, New market bikah hian dawr inkhar hi a tam em em bik mai a. Chu chu mi thenkhatin

allotment an neih kha an luah hawh tir a. Kudam-ah te an hmang niin a hriat a. Hei hi kudam-a hman tura phalna hi pek an ni nge, anmahni remruatnaa an tih mai? Hengte hi tihdanglam theih a ni em? A chhan chu market hi a tlar a, 10-ah dawr 4, 5 emaw kha Kudam a ni a. A tawp ami kha chu va pan a har a ni. A lun lo bik em em mai a. Tam tak tan dawr siam a harsat phah a. Chuvang chuan dawr siamte hian an tihtawp phah fo niin a hriat a. Khang ang chi te kha siamthat theih a ni ang em? tih kha ka zawhbelhna a ni e. Pu Speaker, ka lawm e.

S P E A K E R : Pu Joseph Lalhimpuia i lo ko ang.

Pu JOSEPH LALHIMPUA : Pu Speaker, ka zawhbelhna chu, Lungleiah sawn Super market bazaar kan tih hi hmunthumah kan nei a. Chanmari, Electric veng nen an inrina, Chanmari Agriculture complex thlangah kan nei a, tin, Serkawnah khian kan nei bawk a Ramtharah kan nei bawk a Pu Speaker, chungho chu Congress Sorkar hmasa hunlaia siam vek kha a ni a, ka'n zawh duh chu tunah hian kan super market lian ber Chanmari ami saw a nghing lui lui tawh mai a, tawhsual tawh pawh hlauhawm tak a ni tawh a, Ramthar ami pawh a ni bawk a. Hei hi kan Minister zahawmtak hian a thar saknate hi min ngaihtuah thei angem, priority-ah min dah sak thei angem? tih kha ka zawhna pakhatna a ni a.

Tin, ka zawhna pahnihna chu vawiinah hian a chhang thei chiah rih lo anih pawhin Session chhung remchangah min hrilh theih chuan sobji bazaar, super market kan tih ami atang sawn a luah man a rent fee kha kumkhat chhungin 2010-2011 emaw, 2011-2012 chhungin engzatnge sorkarin a hmuh tih kha Session chhunga min hrilh theih chuan ka'n zawt bawk e. Ka lawm e.

S P E A K E R : Pu Lalthansanga i lo sawm ang.

Pu LALTHANSANGA : Pu Speaker ka lawm e. Vawiin chu kan sawi ve dawn silova, Demand nimin lamah kan sawi zo tawh supplementary lamah kan han tang deuh a ni.

Hei, Aizawl New Market hi MLA ho zingah chuan a kal tam ve pawl ka ni anga, kan Home Minister hi a kal tam hle bawk a. Hmanni ruahsur laiin ka kal a, min dang ta a, a building saw a lo chhe em em mai a, chim mai te pawh a hlauhawm em em mai a, a then laiah tui arawn luanglut a, a then lailah a khawk tem tuam mai a; chu chu tih tur hre lo ka vak kual a, an mangan thu kha min lo hrilh nasa khawp mai a. E, kan Minister viak tha tak leh chak tak mai kan nei bawk a, hei hi chu lo thlen ka tum ange ka ti a, vawiinah zawhnaah a lokal hlauh mai a, ka'n thlen nghal a. Saw mi maintenance saw tu tih tur nge ni ang? Han lut tan chiah ila bawlhhlawh bawm han awm nghal ringawt mai, a mak a maka nasa bawlhhlawh atangin kan han tan nghal a, a chhung kan han lut a, bal lo a ram a awm silova, saw saw kan ei leh in lakna a ni si a, saw saw a tihdan engemaw kawng hmangte hi ngaihtuah dan a awm angem? tih kha kan Minister zahawmtak hi ka'n zawt duh bawk a.

Tichuan, tuna a building-te saw luah tlak a ni em? tih te hi Engineer-te rawna enchian ava tha awm ve. Ar zawrhna lam emaw, vaihlo zawrhna chung lai vel te saw ava han chhe nasa em em. Lirnging na lo te richter 4/5 vel lek pawh awm sela mipui saw kan thi nuaih mai dawn a ni a. Tin, sawtiang laia awm tam tak sawn

nichina an sawi ang khan dawr inkhar chhawnga mi hrang hrangin luah a ni a, tuna dawr luahtute saw a tir ami, a original kha an nilo mai thei a, record fel tak neih ava tha awm ve, tih ka'n rawt duh baw k a.

Tin, Aizawl Municipal Council a awm tawh hi chuan sorkar hi sumdawng tur nge ni a, Municipal Council kuta pek a, anni hian hei hi chu lo enkawl ta mai se, hemi hi pek tumna sorkar hian a nei em? tih ka zawt duh baw k a ni e.

S P E A K E R : A chhang turin a changtu Minister i lo ko ang.

Pu LALRINLIANA SAILO, MINISTER : Pu Speaker, an zawt thui hlawm khawp mai a, mahse tawi te tein ka'n chhang ange.

A hnuhnung ber, Member zahawmtak Pu Lalthansanga zawhna kha - sawmi kan New Market building saw a hlui tawh khawp mai a, kan hun hmaa lo sak tawh kha a ni baw k a, NEC-ah cheng vaibelchhe sawmpathum chuang zetin, tunah hian DPR kan siam a, kan submit tawh a. Tin, chutiang lo chuan terminal market angin, hmannah kan Chief Secretary hovin an lo rel niin ka hria a, a thuphungin an lo passed a, chumi chuan vaibelchhe za chuang a nih a rinawm a, kha khan multi - purpose deuhhle k khan ruahmanna siam tum a ni a. Amaherawhchu, hei hi chu policy matter deuh hlek anih avangin Chief Minister-te leh kan hotute thutlukna turah kan ngai deuh a, ala inchiah mek a ni a. Keimahni hian a building saw a chhiat tawh em avangin mipui himna atan pawh a tha love, tiin kan tlawh ve deuh reng a. Tin, in hmu thovin ka ring a, khami chawhmeh zawrhna thin chhe em em mai kha foreign atangten mi an lo kal a, central atangte pawhin an lokal a kan chawhmeh zawrhna hi an en duh ve thin a, chu chu kan hotuten nuai 122 min pe a kan sak thar vak a ni a, kan khawpui hmel pawh a timawi khawp maiin kan hria a, sak zawh tawh a ni. Tichuan saw building chhe pui saw a hlau awm khawp mai. Hmanni pawh khan a kang a, Ar zawrhna vel kha luah tawh loh turte pawh kan siam a, tiang chuanin kan ngaituah mek a ni.

Tin, Pu Josepha Lalhimpua, member zahawm tak zawhna kha Lungleiah sawn market-shop a awm kan buapui mek a, a market lian ber a saw a chhia a, wawi 2 lai pawh kan va tlawh ve tawh a, amaherawhchu, DPR kan han siam khan central-in rawn pe mai lova, keini hian sakna mai kan neih loh avangin duh aiin tihchak a har khawp mai. Tin, priority a pe thei em a tih kha chu Trade & Commerce hi Department a te a, kan budget tur hi a tlem khawp mai a vbc 4 emaw lek a ni mai a, chumi rualin revenue hi min han tuk sang em em khawp mai a, nuai 475 vel kan neih turah hian revenue hi 174 min beisei a, chutiang chu anih avangin central kan hnim hnaih mai a tha a, hemi new market a ni emaw khawilai ami pawh.

Pu Speaker, Pu Thlenga zawhna kha market 6 hi direct-in Department hian kan enkawl a, a bak 29 hi Local Council-in an enkawl ta a, market inchawm nan, chei nan leh an lo enkawl na atan hman a ni tlangpui a, a changin a chhia pawh kan han thawm ve zel a, chutiang ang chuan kan vil ve reng a ni.

Tin, dawr luah chungchang hi tunhma atanga lo tihchhuah kha a ni a, kan hriat angin mi ai kha an lo luah a, a then te chu chhung khat laina hnai tak

takte pawh a ni ang, thenkhat chu dam mawh hritlang, taksa fit loh avanga thian tha te lo luah tir te pawh a awm ang ka ring a. Tin, Pu Speaker, New Market kawng chhak lam amite sawn luah man kha an lo pe duh lova, kum 5 vel bawr kha cancel-ah kan vau ta a, tunah chuan an pe kim ta a. Tichuan heng ang 2010-2011-a nuai 39 lai ni si, 36 chauh ni ta kha ba an rawn pek loh thin vang a ni. Tunah chuan kan hmuh tur ang kan hmu kim tawh a ni. Tin, New Market saw go-down-ah te pawh an hman tih kha thudik a ni. Dawr 51 kan han luah tirah khan thenkhat chu a lo ping deuh hlek a, thil an han zuar ve a, 'nil' thak thak changte pawh an nei a, chutih laia an thil zawrh 'nil' leh 'help' nei lo ai chuan go-down-ah te pawh an lo dil phah kha a ni a, chu chu kan va hriatpui si se lova. Amaherawhchu, dawr khar thin saw 'han hawng teh u, in bul amite in tilun lova, a tawrh pawh in tuar ve tur a ni' te kan han ti a, chutiang chuan theihtawpin tan kan la.

Amaherawhchu, AMC-a pek tum a awm em tih lai kha chu, New Market-ah sawn kan han chhut danin family 3000 vel hian eizawn nan an hmanga, Association saw 71 a awm a, tin thawktu hi 30 chuang kan awma tunah hianin, khang zawng zawng kha AMC-ah hian chhung bawrh dawn ta ila a harsat ve ka ring a, tun dinhmunah chuan. Hetia thlai zuartute leh harsa te tea lo inhlawhfa ve te dinhmun en chuan hetiang kalpui reng hi a fuh zawk awm mange kan ti a. Tin, regular staff-te kan nei a, MO-in an ho a, tin, a fee collector-te an awm a, market inspector ang khan, khatiang thlengte khan an awm a, sweeper-te 20 chuang an awm a, khang zawng zawng kha kan kut ala nih rih si chuan kan kawh hi ala him em aw, kan ti anih chu. Ka lawm e.

S P E A K E R : Le, tuna zawhna alo luh lai khan Trade & Commerce kha Hon. Member-in a refer a, mahse Speaker chair atanga han ngaihtuah vang vang khan Trade & Commerce hnuai hian heng Aizawla kan market hi a awm vek lo a ni tih kha ring chungin a chhan theih chin chin chhang tur talin i pe ang kan ti a, tha takin kan Minister-in kan beisei phak bakin a rawn chhang a, a lawmawm khawp mai, tunah zawhna 86 na zawt turin Pu Lalduhoma sawm ila.

Pu LALDUHOMA : Pu Speaker, Finance Minister zahawmtak chhan atan kum 2010-11 leh 2011-12 chhunga contingency fund-te kha engtia hman nge anih? tih leh tihpun tumna a awm em? tih a ni e.

S P E A K E R : A chhang turin a changtu Minister zahawmtak Pu H. Liansailova ilo sawm ang.

Pu H. LIANSILOVA, MINISTER : Pu Speaker, Member zahawmtak Pu Lalduhoma zawhna (a) kum 2010-11 leh 2011-12 contingency fund kha engtia hman nge anih? tih chhanna chu, kum 2010-11 2011-12 chhung hian contingency fund atangin sum pekchhuah a ni lo.

(b) Contingency fund hi tihpun tumna a awm em? Chhanna chu, tunah rih chuan contingency fund hi tihpun tumna a awm lo tih hi ka'n chhan theih dan chu a ni.

S P E A K E R : Awle, kan hun a tawp a, zawhbelhna hun pawh a awm tawh lova, kan tihpur dangah kan lo kal anga, Member zahawmtak Pu P.P. Thawla hnen atangin a hun takah dan ang thlapin Calling Attention Motion putluh a duh thu kan hmu a, kan lo awm a, chumi hun hman tur chuan Pu P.P. Thawla ilo ko ang.

Pu P.P. THAWLA : Pu Speaker, kalawm e. Mizoram Public Service Commission-in tunhnaia Combined Competitive Examination vawikhatna a buatsaiha thil fel tawklo a

awm chungchang thu hi House zahawmtak ka hriattir duh a ni. (1) kumin June ni 28 khan exam chu buatsaih a ni a, July ni 2 kum 2012-ah answer key tar chhuah a ni a, chu chu July ni 5 thleng khan complaint hun hawn a ni a, ni 11 July, 2012-ah final answer key tar chhuah leh a ni a, hetah hian answer key chhuah hmasak atanga 11 lai tihdanglam a ni. Answer key 11 tihdanglam zingah hian 4 hi chu exam-tu zawng zawngte hnena question pakhat mark 2 zel a vaia mark 8 kha pek theuh mai tur tih a ni a, 7 erawh chu tihdanglam hrim hrim a ni. A awmzia chu question pakhat hian mark 2 a pu a, pali lai hi exam-te zawng zawng pek anih chuan mark hnih zel puntir mark 8, khami question lo chhang kher lo pawh hian mark 8 kha an lo hmu vek dawn tihna alo ni. Ni 11 July kum 2012 vek hian prelims exam-te atanga tling tur chu one is to six, post pakhat mi paruk tur anga tih a ni a, mahse result a chhuah chuan 1:10-a tih danglam chhoh a ni ta a, Union Public Service Commission-ah chuan anih dan tlangpui chu 1:12 te a ni a, hetah hian 1:6 kha 1:10-ah tihdanglam chhoh a ni. A dawt lehah chuan July 12, 2012-ah result tar chuah a ni a, mi 249 te chu tlinga puan an ni. Mahse July 18, 2012-ah khan result chu siam that leh a ni a, mi 249 zinga mi kha 5 paih an ni a, midang 6 tihlin leh an ni. Paih 5 te zing ami hi Saiha District ami 4 an awm. He result tihdanglam chungchang hi notification-ah a chhan leh avang engmah tar a ni lo. He Combine Examination-ah hian an hming ziah tir an ni a, zawhna chhanna pawh hi pencil nena chhan tir an ni. Question tam tak hi chu pencil-a tick mai turte a lo ni a, tihdanglam theih zel mai tur niawm taka tinzawn ni awm tak a ni. Hei hi Union Public Service Commission hi chu pencil-a exam tir hi chu awm lovin kan hria.

A dawt lehah chuan Combined Examination fel tawk lo leh phuaiuui lutuk chungchangah MPSC aiawhten an lo insawifiahna, Zalen chanchinbu Dt.22 Chawlhnia lo chhuak kan chhiar khan, kha Zalen Chanchinbua an insawifiahna pawh kha a rinawm tawk lovin a lang a, insawifiahna atan chuan a tlingloin ka hria. Pu Speaker, Mizoram hna sang ber lak nana examination heti taka fel lova a phuaiuui ta mai hi a paw em em a, a zahthlak bawk a. Mizoram Public Service Commission hi a hmingtha viauin ka lo hria a, mahse heta tang hi chuan a chhe tan dawn ta niin a lang a, a hlauhthawn awm khawp mai. Chuvangin Pu Speaker, hetiang ang thil a lo awm ta chu paw ka ti em em em a. He examination chungchanga inhnawnawih zawng zawngte chungah action lak thain ka hria a. MPS Police Service bik thlangte tana dt.26 July, 2012-a Physical test neih tur tihte pawh kha hetiang thil fello karah hi chuan neih tir loh mai nise tha ka ti a, stay mai se la. Tin, he thil hi Mizoram tan chuan thil serious tak a ni. A changtu Minister zahawmtak mai bakah hian House Leader zahawmtak pawh inrawlhin, hemi chungchanga lungawiloten court-a an kal hma hian preliminary exam zawng zawngte kha mains exam phalsak mai sela, a thain ka hria a. Chuti anih loh vek pawhin exam that tir leh vek nise, tih hi House-ah ka phut duh a. Heti lo chuan kan thangthar thiam tak takte moral kan tihchhiat sak ang a, kan sorkar hian nakin zelah hmingchhiat a hlauh a hlauhawm a. Chuvang chuan hei hi House-ah ka ngaih pawimawh em em thu ka rawn tarlang a ni e. Ka lawm e.

S P E A K E R : Awle, MPSC hi autonomous body deuh hlek a ni a, amaherawhchu, Nodal Department DP&AR kan nei a, chuvangin heti laiah pawh kan han admit a ni a, DP&AR Minister-in engemawchen chu sawifiah theih a neih kan ring a. MPSC Chairman lam kha heti laiah House-ah han koh chi a ni si lova. Chuvangin Nodal Department anga kan ngaih deuh ber DP&AR Minister Pu Liansailova, hemi chungchangah hian sawi tur a nei em ? tunah a sawi nghal thei lo anih pawhin midang sawifiah hun te. i sawi nghal thei maw? (Pu H. Liansailava : Thei mai e, Pu Speaker, Ka lawm e.) A lawmawm e, sawi nghal rawh le.

Pu H. LIANSILOVA, MINISTER : Pu Speaker, ka lawm e. Kan Member zahawmtakin Calling Attention Motion, MPSC Preliminary Exam, Mizoram Civil Service

Combined Competitive Examination a buatsaih chungchanga a tih tur awm tak pawh a ti niin a lang a. Tin, a lawmawm pawh ka ti a. Sawifiahna remchang kan House zahawm takah leh mipuiten an lo hriat vek theih tura hun remchang min siamsakah pawh ka ngai a. Chuvang chuan, lawmthu ka sawi a ni.

Mizoram Public Service Commission chuan a vawikhatna atanah Mizoram Civil Service Combined Competitive Examination (Preliminary Examination) kan ngaihthlak tak ang khan a buatsaih a. Tin, a exam dan tur kalhmangte Regulation-in chiang takin a siam a. Amaherawhchu, post ruak hnawhkah dan tur chungchanga a ratio erawh chu a dah chhuak lova. Hetiang hi danah a awm loh chuan Public Service Commission-in ruahmanna a siam thin a ni. Chuvang chuan an thuneihna chhunga mi a ni tih kha min lo hriatsak ulangin. Tin, hemi an siam turah hian post ruak zat let ruk kha a tirah chuan a tawk ang e, tih sawihona an neihah chuan a awm phawt a ni. Amaherawhchu, UPSC-ah te an tih dan han thlirin UPSC-ah pawh tihdan nget an nei chuang em em lova, a let sawm te, a let sawmpathum te, chutianga kalpui thinte pawh a lo ni a. Tun tumah hian keini Public Service Commission hian an han ngaihthuah nawn lehin a ratio hi post pakhat chuh turin mi sawm hi ni sela, tiin a benchmark siam a ni. Chuvang chuan he ruahmanna siam hi an tih theih chhung leh an tih tur ti an ni a. Tin, UPSC lam tih dante an thlirin 'paruk mai hi a tawk lo deuhah i ngai ang' tiin post pakhat compete turin mi sawm, a let sawm kha thutlukna an lo siam a, chutianga kalpui chu a ni a.

Preliminary Examination kha tluang taka neih a ni a. Chumi hnuah chuan kan Public Service Commission hian thil transparent taka kalpui a duh avang leh examinees, exam beitate pawhin phunnawina leh rinhlelhna emaw sawisel emaw an neih theih lohna turin exam zawh vek tawh hnuah khan Answer Key kha website-ah an dah chhuak a, a duh apiangin sawisel theiin a pho chhuak a ni. Hengah hian objective type a nih avangin chhanna hriatdan inang lo, dik nia inhriat te pawh kha thil awm thei a ni a. Chuvang chuan hun engemawti chhunga khatianga lo dik lo palh te a lo awm a, a dik lo zawk a ni tia inhnialna te a awm lohna turin website-ah a duh apiangin an tlawha en theih turin Answer Key kha, a chhanna kha an dah chhuak phawt a ni. Tichuan, hun hawn chhungin mi 14 hnen atangin sawiselna, 'he zawhna chhanna hi a dik love, heti zawk tur hi a ni' ti anga sawiselna a lut a. Chu'ng sawiselna chi hrang hrang chu 21 a ni. Heng zawhna leh chhanna an sawisel takte hi a chhanna hi Examiner expert leh mithiamten ngun taka lehkhabu rawna an rawn siam ni mahsela, hriat dante a lo inang lo a, lehkhabu authority deuha a chhanna dik ni awma lang zawkte kha a lo awm deuh a ni ang. Chuvang chuan exam paper set-tute leh moderator te, khang kha subject expert-te nen, kha kha bih chian leh a ni a, uluk taka en a nih hnuah tuna kan ngaihthlak tak ang khan, zawhna chhanna dika pali answer key-a dik nia an tarlan pali kha chu a dik tawk lo tih finfiah a ni a. Tin, answer key pasarih an rawn sawisel ang kha a dik zawng hmuhchhuah, a dik zawk a awm tih finfiah a ni bawk a. Tin, answer key diklo pasarih chu a dik zawk a, khang subject expert-te leh paper set-tute leh moderator-te nen thutlukna siamin a dik zawka thlak tura tih a ni a. Tin, answer key an sawisel dang sawm erawh chu a tira mi a dik tawk a ni tih finfiah a ni a. Heng atanah hian lehkhabu authority nei deuh atangin mithiamte hian rawn chhawpchhuakin, chutiang chuan khang an sawisel item 21-ah khan a dik tawk lo pali, chutiang chu siamfel a ni ta a. Chutiang chuan a chhanna kha, a dika kha, a khawl puiah pawh siamthain nakina exam paper an zu rawlh hunah pawh a dik anga a lo chhuah theihna mai tur kha a ni. Tin, hetih rual hian heng zawhna siamtute hian kan hriat dan chuan he zawhna chhanna tur atana an dah chhuah hi competitive exam Union Public Service Commission-in an exam, heng inbuatsaihna atana lehkhabu an buatsaih, mithiamin an buatsaih atanga an lakchhuah tho chu a ni. Amaherawhchu, authoritative author hnen atanga a chhanna dik zawk ni a, mithiamten an han chhui a, an han tih leh takah hian a dika siam a ni ta a ni.

Tin, subject item 4 Answer Key-a dik tawk lo tih finfiah kha chu a chhangtu zawng zawng khan an chhang vek tawh emaw alo nih tawh avang leh tihdanglam theih a nih tawh lo avangin examinee ho zawng zawng kha compensatory mark pek mai turin thutlukna siam a ni ta baw a ni. Chuvang chuan a diklo lo awm palh kha tumahin an hek phah ta lo a, an thatpui chuang baw lo a, compensatory mark khan an rul ta vek zawk a ni. Tin, khatianga thil fellote chinfel a nih tak hnuah khan Final Answer Key chu ni 9 thla 7 ah MPSC website-ah baw pholan leh a ni. Sawisel duh tan a dik tawk lo, tia lo sawisel duh tan leh a diklo la awm palh a dika thlak lehna tur hun remchang pawh inpek a ni. Amaherawhchu, chumi hnuah chuan sawiselna dang a awm tawh loh avangin he Final Answer Key hmang hian candidate-te Response sheet, an answer script chu Optical Mark Reader (OMR) kan tih ang khawl thar hian ena uluk taka cross check a nih leh hnuah 12th July, 2012-ah khan Preliminary Examination Result hi tih chhuah a ni ta a ni.

Hetah hian thil pawl tak lo awm ta chu tuna kan ngaihtlak tak ang khan Police Service lam option petute kha physical test kha tih hmasak a ngai a. Written Test tak tak, a dang exam neih hmam, chumi atana an han tih khan, khangho kha an Roll No.-te an han enfiah ta a. Chutah chuan tuna thil an rawn nghawng chhuah chu a lo awm ta a ni. Mi 11 (sawm pakhat) hian an Roll No. chawmhmaa an ziak kha a hnu lamah a diklo-in an lo ziak a. Tin, a then chuan an No. ni hauh lo engtinng e ni an hriat sual theih, tiang khan an Roll No. a lo awm ta a. Chuta tang chuan fimkhur lehzualin “hetiang hi a nih chuan kan exam paper zawng zawng pawh hi a felhlel dawn e,” tiin, manual-in check loh theih a ni ta lo a, an han check chhuak a. Entirnan, Roll No. 0381 hian paper-1-ah chuan a No. hi 0380-in a dah a, Paper-11-ah chuan 0381-in a dah leh a. Khatianga khan Roll No. 0402 pawhin chutianga baw chuan ama Roll No. kha a lo tidiklo ta a. Chutianga chuan lo tidiklo zeuh zeuh kha an lo awm ta a. Mi 11 Roll No. chawhma lama an Roll No leh chawhnu lama an Roll No. kha a figure an hriatsual palh a nih a rinawm a. Tin, hetah hian Invigilator-te pawh uluk taka an Roll No. te pawh lo cross-check tura beisei an ni a. An Answer Script-ah khan signature an pek hmam an fimkhur tawk lo ti ilangin.

Lehlamah chuan naupang chhia exam an ni lova, MPS te, MCS te, Account Officer nih tum, lehkha thiam chungchuan thah mai kha chu mahni Roll No. em kha chu tidiklo turah an lo ngai lo deuh a ni mai thei a, khati tak khan an lo check lova. Hei hi an han hmuh chhuah takah chuan a result lo awm tawhah khan hei hian 0381 Roll No hian 0380-a a dah chuan kha OMR khan a mark a pek hunah khan mi dang mark kha a mark-ah a dah lut ang a, a mark kha midang markah a lut thei dawn a lo ni a. Chu chu tuna harsatna lo thlenna chhan ber pawh hi a ni a.

Tin, Saiha lamah khan a Centre bikah khatianga nghawng an neih chhoh ve zelna chhan pawh kha candidate absent pakhat hmunah he centre-a exam tho mark kha dahluh palh a lo ni a. Tin, hei bakah hian Saiha Centre-a exam tur khan Aizawl Centre-ah exam a dil a, phalsak a ni a, hriselna chhuanlamin, phalsak a ni a. Amaherawhchu, Centre tina Candidate-te hi Roll No. indawt sequence-a pek an ni a, he candidate Centre sawn hian a Roll No ngai tho kha a lo hmang leh si a, chuvang chuan Data Tabulation-ah khan nghawng a nei ta a. “A diklo chung chung, a nih ang ang hian kan mualpho lutuk dawn e,” tia ngawihpui mai ai chuan a dik ngei zawn chhuah theih leh hmuh theih a nih baw si avangin kan MPSC hian a dik ngei hmuchhuakin, anmahni mark diktak kha anmahni mark ni turin, khang tihsual palh leh Roll No. dik loa mark lo inthun ang zawng zawngte pawh kha enfiah lehin, result kha lo tar tawh mahsela, a dik tak a hnuah hmuh chhuah leh a nih tak avangin a dik tak hi tar chhuah a ni leh ta a. Chuvang chuan, tuna kan member zahawmtakin a rawn

sawi thil pawh kha pawn lam atanga lo hriat chuan khatiang ngaihdan kha neih theih mai tur chu a ni viau a. Amaherawhchu, kan MPSC-in he examination an buatsaih leh an Answer Key chungchanga transparent taka thil an kalpui a, a hnua thil fello han hmuhchhuah leh pawh a ngawihbo pui mai lova, mahni mark hmuh chu a hmuh dik tak ang hmuhchhuahpui tir tura dikna humhim zel tura MPSC a nihna ang taka hetiang hma anrawn lak takah hian hriatthiam loh theih tak anih palh rualin, thudik leh a nihna tak chu tuna ka han tarchhuah ang hi a ni a.

Examinee (Exam beitung) 11 zet mai khan an Roll No. dik lova an dah khan, hetah khawla han barh hunah khan a dik lovah khan Mark inpek leh, khami nghawng kha a lo awm ta bawk zel nen, chu chu wawiina he thil lo thlen dan leh kan MPSC pawhin fimkhur leh uluk taka transparent taka an chhuichhuah a, a dik tak anrawn tarchhuah leh chu a ni a. Ka sawi tak ang khan dik tak a, fel tak a, fair taka tih tum lova mipui lam sawisel kan hlawn lutuk ang tih ang kha, anih ang kha, a dik lo kha, a nih ang ang chuan nihpui tum sela, wawiina sawiselnahetiang hi a awm lo thei tur chu a ni. Amaherawhchu, a dik kha chu a dik nisela, MPSC hian a dinchhan leh a kalphung ang hi bawhpelh lo ila, tiin huaisen takin result pawh kha a nihna ang tak khan anrawn chhawpchuah leh ta zawk a. Chuvang chuan MPSC hian a lai thei ang ber leh a dik thei ang bera kal a tumnaah hian tun tum thil thleng hian mi thinlungah a chhe zawnga hna a thawh ai chuan an hmalakna hian a dik an lo duh hle mai tih min hriatchhuahirtuaw pawh tang sela, kan Member zahawmtakin hlauhthawna a neih chi angte kha chu a awmlo turah kan ngai a, awm tur pawhin kan duh lo a ni. Kan MPSC Chairman leh Member-te leh a thawktute pawh kan ring tawk a, tun tum thil thleng erawh chu incident pawh tak anih rualin alo irh chhuah dan kha, result-te siamthat hial an ngaih lehna chhan, a nghawngtu ber chu Exam beitung anmahni Roll. No. chawhma lama an ziak chawhnu lama number danga an lo tusual leh palh khan arawn nghawng chhuak ta a ni ber a.

Tin, Saiha-ah pawh khan Exam Centre sawn a, ama number hlui exam huna alo dah khan Centre-a Invigilator-ten a paper answer script an han lak khan kha number bawk khan alo awm si a, chu chuan a nghawng ta. Khatia inghawng hret hret khan a tlinglote kha mi mark avang khan a tlin theih ta a. Chuvang chuan a dik tak kharawn dinchhuahpuiin hetiang hian chhawpchuah alo ni ta a. Kan House leh kan ram mipuite pawh hian chu chu thudik a ni tih min pawmpui sela. Tunhnu zelaw pawh MPSC chungchanga hian ngaihthat lohna tur dang hemi avang emaw hian a awm lovang tih min rinpui bawk sela ka duh a, chu chu ka'n sawichhuak a ni, ka lawm e.

S P E A K E R : Awle, sawiho tur a ni lova, tuna a sentence hnunung berah khan thil hriatchhuah zawk ka nei a. Pawl 3 kan exam khan result an han tarchhuak a le! III Division kha ka hming zawnah a awm ta mai a, ka ngaihthiamlo khawp mai. Vanneih thlak deuh maiin mipakhat ka hma ami chiah mai kha a hming kha an lo chhu tello kha a ni a, a tawpah khan mipakhat division chuang kha a awm ta nawlh mai a. Chutah Department lam an han inchhui leh a. Result chhuah vek tawh a, Zoram puma hmingtha tak mai, a pahnihna ni tur kha, result chhuah ni khan ka lang ta reng reng lova, III Division kha ka ni ta a. Mahse an han tihfel leh kha chuan Merit Scholarship kha chu ka la ta tho a. Result chhuah nia Third Division-a ka hming a han awm ta mai kha chu a lungchhiatthlak angreng khawp mai a. Mahni lo maha thiam thei intih ve nak alai khan. Tichuan, an han tidik kha chu Mizoram pumah Pawl III kha pahnihna ka lo ni ta reng mai si a. Chuvang chuan, khatiang kha thil awm thei a ni a. 'To ern is human' tih anih kha.

Sawiho tur a ni lova, tikhan kan duh tawng a. Business dangah kan kal zel ang a. Wawinah hian kan member lo kal thei lote - Pu B.Lalthlengliana hi damlohna avangin

a lo kal thei lova. Pu Lalrinmawia Ralte hi niminah khan ka lo puan theihngilh a. Kolkata lamah a nupui Damdawi In lama refer a ni a, chu chu a zuk buaipui a ngai a. Nimin lamah pawh a lo kal thei tawh lova. Hengte hi vawiina kan member kal thei lote an ni.

Niminah khan general discussion kan nei a. Member 11 khan kan sawi tawh a. Tichuan, minute 15 theuh kan inpe a. Ka veilam amiteah hian Pu Lalthansanga leh Pu Ramhluna'n an sawi tawh a. Tichuan, ka dinglam ho erawh chu sawi lo kha in la ther fur a. Engpawhnise, Dar 4-ah chuan a lo berah ban hman ngei ngei kan tum ang a. Tin, nimina kan in warning tawh ang deuh khan sawi tur kan awm em, tiha in ngawih vung vung leh chuan Minister kha kan wind-up tir pawp mai dawn a ni. Chutah chuan Chair lam kha min sawisel thei tawh bik lovang. Pu Hmingdailova Khiangte kan ko ang a, a dawtah Pu T.T.Zothansanga, a dawtah Pu Lal Thanzara.

Pu HMINGDAILOVA KHIANGTE : Pu Speaker, ka lawm e. Kan tlar hian a sawi hmasa ber nih kan hauh zel dawn a ni awm e. Pu Speaker, kan hriat angin vawiina kan Budget neih hi kan hriat ang khan Mizoram Budget zawng zawnga tha ber a ni tih kan hriat tawh kha. Amaherawhchu, a bul atangin tlem han sawi ila. Europe debt crisis-te a awm tih kan hria a. Greece-te leh Spain-ten harsatna namen lo an tawng a vawiin thleng hian. Tin, chubakah Middle East-ah Politics-ah namen lovin harsatna an tawng bawh a. Chungte chuan India ram engtin tin emaw ni a rawn nghawng a. Indian Economy pawh a hniam lai tak a ni a. Chutih lai taka Budget tha ber mai, Vaibelchhe 2300 kan House Leader, kan Chief Minister zahawmtak ni bawh Pu Lal Thanhawla'n min han thur chhuah sak nalh mai hi chu a lawmawm hle mai a. Kan House Leader hi fak tlak niin ka hria. A rawn thur chhuah theih dante hi thui tak sawi a tul lovin ka ring a. Ani hi India ram Politics-ah pawh lar pha, mi hriat hlawh a nih avangin, a tlangtla tawh a ni tih kan hria a. Chu chu vawiinah hian kan lo vanneihpui a ni. Chumai ni lovin kan Finance Minister zahawmtak hian he Vaibelchhe 2300 hi Department hrang hrang leh a hmanna tur dang dangah te a'n vuah vel a, a vuah thiam hle a. A vuah daihzai hle a. Tunhma-a la awm ngai lote thlengin a'n pe a. Chuvang chuan very efficient management of Budget, 2012-2013 a tih theih awm e.

Niminah khan Pu Lalthansanga, MLA zahawmtak khan a fak duh chiah lova, lawmthu a sawi duh chiah lova, a rilru hriat a chakawm hlein ka hria a. Budget lawmawm tak a ni emaw ni chu aw a ti a, ban deuh chalh khan. Chhan em em tur chu a awm lo nachungin chulaiah chuan, tihian han sawi ila, kum kal tawha P.C. sorkar lai khan Garden colony an tih kha a fail thak a. A hnuah Pu Laldenga'n Chief Minister a rawn nih chhoh leh khan Jhum control an ti leh a, a hlawhchham thak a. Chumi hnu lehah '84, '86, '87 velah Congress-in sorkarna an chang a, NLUP an tichhuak a. Khatih lai khan Rs.30,000 awrh beneficiary-te pek an nih kha. Amaherawhchu, a lo hlawhtling viau a, Zoramah hian 30% zet hi chu a hlawhtling niawmin a hriat theih a ni. Tichuan, tun 2008 inthlan manifesto-ah khan kan policy-ah Congress-in a hmang a, he NLUP hi, sawi tawi ila. Congress-in sorkarna an chan takah chuan, tum ang ngei chuan NLUP chu sem a ni ta a. Kan sem chho mek zel a. Tin, ka'n sawi duh tak chu 2010-2011-ah Vaibelchhe 234.82 kan han dawng a. Tin, a kum lehah Vaibelchhe 234 kan han dawng leh a. Tin, tunah hian 370 a ni a, kan han dawn lehah chuan RKVY belh phei chuan 410 a lo ni a. A 3rd Phase thleng hian a daih chho dawn a ni tih pawh a langtlang a. A detail-in sawivek lo ila, a tha awm e. Pu Speaker, ka sawi duh chu Opposition-te leh tu tute emaw hian 'budget atangin NLUP tur pawisa an pawh avangin nangni ho hian hlawh in hmu theilo alawm' an tihte kha vawiinah hian dawt a ni tih hi an hriat theih ka ring tawh a. Kan sorkar hnathawk mi tam takte pawh hian Opposition leh tuten emawa tihder an tum hi an awih tawh lovin ka hria a, lawmawm hlein ka hria a ni, Pu Speaker.

Tuirial Hydel Project kan hria a, kha kha a chinchhuakin tawi thei ang berin han sawi ila. 1986 atanga 1988 inkara thil thleng a ni a. Khatih laia Chief Minister kha tuna kan Chief Minister zahawmtak Pu Lal Thanhawla tho hi a ni a. Kha khan Tuirial Hydel Project khu a buatsaih mek a, a buatsaih lai hian Central-ah Congress sorkar an awm loh avangin pawisa a hmu zo lova. Chuvangin, Japan Over-seas Company lam atangin pawisa a hmu a. Tichuan, lung a phun a, a lungphun zawh hnu hian tih tur tam takte a awm a. 'Helai ram hi kan khuah dawn chuan tuiin a chim awm sia', tiin ram engzata zau hi nge tuiin a chim dawn tihte an han survey khan, Saipum mi leh sa family 48 ram a chim dawn tih kha a hriat theih a ni. Chu chu Chief Minister zahawmtak chuan 48 hi a note a, file-ah a ziaak a, a bak pek tawh loh tur tih a ni. Amaherawhchu, 1998 Election-ah Congress party an vanduai a, MNF party-in sorkarna an chang ta a, hna pawh chu thawh theih a ni reng chung khan kum 3 hnuah 2001-ah khan file an hawng leh ta chauh em ni ang aw! Tahchuan an han en a, pass nei kha 1012 zet an lo awm ta mai a, kum 3 hnuah chuan an thlaite pawh a puitling hman vek a ni awm e, Pu Speaker. Tichuan, Compensation an han buatsaih dawna an han verify khan 94 hmu tlak an awm a, chung chuan an hmu vek em ka hre lova. Ka sawi duh tak chu Compensation hmutute dinhmun a inanlohna ka sawi duh a. A khua amite ngei ram zau zawng leh Aizawl mite, Champhai mite a hmutute ho ram zau zawngte kha a inang vek nachungin an hmuhzat a in anglo, a khua amiten singhnih/khat an hmuh laiin Aizawl leh Champhai leh a chheh vela miten nuai sawm chunglam an hmu a, chutiang chu a nih avang chuan Compensation-in khu Hydel Project khu a tichhia a. NEEPCO ho pawhin tihngaihna an hre lova, an chawl ta tawp mai a nih kha. Chu chu a ni lawm ni budget pawh avanga tlabuai chu, tih kha ka'n sawi tel duh a ni, Pu Speaker, khatilam kha duh tawh ila.

Tuna kan sorkar hotupa Pu Lal Thanhawla, kan Chief Minister zahawmtak hi chuan, khatih hunlaia Mizoram tana eng mamawhna kha la hrerengin waviinah hian a la buatsaih mek zel a. Tichuan he kan ramah hian Hydro Project hmun tam takah a buatsaih a. Chungte chu a tawi zawngin han sawi zung zung ila, Tuivai (HEP) Hydel Electric Project, Lungreng, Chhimtuipui, Mat, Tuirini, Tuivawl, kan sawi seng lovang, a dangte pawh a la awm a ni. Hengah hian Power kan mamawh tawh bakah Mizoram tanah Revenue tam tak lo luh theihna tur a chhuak dawn a ni tih kha kan hriat a thain ka hria a.

Tin, kha Tuirial Hydel Project kha thawh theih lovin a thing ta mai a ni lova, tuna kan Chief Minister zahawmtak Pu Lal Thanhawla bawkin Central-a kan hotute hnen atangin sum tam tak dil chhuakin tunah khuan an sa leh mup mup a, an zawm leh mup mup tawh a. Kum hnih bak a ni lovang, tah chuan commission theih tura beisei mek a ni tih kha kan vaiin kan hriat ka ring. Hna thawk tak tak te, a hminga thawh tum te, ei zawh tum te, pawisa hman tumte chu an inthlau viau a ni tih kha Pu Speaker, a lang thei awm e.

A dang sawi tur a tam khawp mai a. Kei hi Tuirial Constituency hminga MLA ka ni ve a, Sorkarna kan siam tirha kan buaipui ber pakhat Serkhan Bagha road vaibelchhe tam tak luan bona ram kha waviinah chuan an lai mup mup tawh mai a, han kal vel pawh a nuam hle. Km 75 vaibelchhe tam taka lai zo vek inti khan Serkhan atanga Lungmuat dai Km 14-a hla kha an black top nil nial chauh a nih kha, a kalte chuan in hria anga. Waviinah erawh chuan a tak takin an bei mek a, tih kha hre bawh ila a tha awm e.

Tin, chutih lai chuan Mizorama kawng dang, kawng hrang hrangte improvement leh a thar laih turte buatsaih mek a ni a, chung atan chuan vaibelchhe 329.37 a awm bawk a, kan budget-ah hian. Chuta ka rilru ve chu vawiin hian PWD Minister changtu a awm lo na a, kan Finance Minister pawh a awm lo na a, e, a awm maw, ka tihsual. Ka sawi duh ber chu khulai Kawnpui bial, Tuirial bial an tih khu, Kolasib khawpui leh Aizawlin an chehral a ni a. Chuvang chuan chehral anih avang khuan an khawngaihthlak viau mai a, sawi tur tam tak kan sawi chhunzawmte kha han sawi leh ka duh a. Kawng tawite km 17 lek Kawnpui atanga Hortoki te khu vawiin thleng khuan Pucca road turte kha a la pucca lova, amaherawhchu, nuai 30-in levelled-in min tihsak a, kan lawm hle mai a. Tun fur chhia pawh hi vawiin thleng hian a la tha a, kan lawm khawp mai. Khungte khu chu pucca road-ah han siam ila chuan Maite leh a sakhal leh a maitai zawng zawng kha him pialin Aizawl hi a lo thleng anga, thlai tinreng mai khulai Tlawng kama chin theih khu Aizawlah a thleng reng nachungin a aia him leh thianghlimin Aizawl a lo thleng dawn a. Tin, ka thenawmpa Pu K.Lalrinthanga'n nimina a sawi khan ka awt hle mai a, chutianga kan hotuten min tih sak theih chuan Pu Rinthanga pawh hi ka awt bik tawhin ka ring lo a ni, tih ka sawi duh a ni.

Tin, Pu Speaker, ka sawi leh zel duh chu - District 8 a awm a, Mizoramah hian a zawng a za chuan vawi leh khatah an hmasawna tur a ngaihtuah theih loh nachungin a indawt te tein kan hotuten ro an rel a. Lunglei District atan nuai 600, Lunglei District High Power an han pe hi a ropuiin ka hria a. Lunglei ho pawh hi haw haw dar dar awm tak an ni, Lunglei khuaah sawn an haw haw mahna.

Tin, chubakah District 5 dang tana bul tan nan nuai 500 a han pe ve leh a, District Planning Committee tan. Tin, Sialkaltlangdung te pawh an han mal chhuak a, a lawmawm hlein ka hria a. Tin, lawmawm leh tak pakhat chu High School naupang te, College naupangte a ni bikin, chungte chuan Scholarship an buaipui thu hi chanchinbuah kan hmu hnem hle a, vawiinah chuan scholarship daih tawh tur leh Higher and Technical Education atan buaina nei reng reng buai tawh lo tura Budget tam tawh an pe hi lawmawm hlein ka hria a. Vaibelchhe 52.29 an pe a, scholarship-ah vaibelchhe 5.23 an pe a .

Tin, a tawp bera ka sawi duh chu Pu Chairman, Youth and Services in Sport tih hi a ropuiin ka hria a, a pawisa hi sang lutuk lem lo mahse crore 29.87 a ni a. Ka sawi duh chu Sport avangin Zoram a hmingtha a, chuvang chuan pek belh leh zel pawh hi an phu hlein ka hria, tih ka'n sawi duh a. Chungte chu hun tawitea ka sawi ve theih ni sela. Ka lawm e.

S P E A K E R : Awle, Pu T.T.Zothansanga a awm lova, tichuan, Pu Lal Thanzara kan ko ang.

Pu LAL THANZARA : Pu Speaker, ka lawm e. Nimin lama kan ngawihthuap nachhan kha he Budget tha tak hi nikhata han nuailiam maiah chuan kan ui niin ka ring i veilam leh dinglam amite hian, chuvanga ngawithuap kha kan nih hmel tih ka sawi hmasa duh a.

A hmasain vawiinah he budget tha tak, ka lawmthu ka sawi duhna a bul tan nana ka'n hman duh chu NLUP chungchang hi a ni a. Hei hi kan sawi tam tawh a, kan hria a. NLUP hi mirethei te, kuthnathawktu te, rahbi tleu tawhte an rahbi tuksak leh nana sorkarin ruahmanna a siam mai piah lampangah Mizoramah mihausa leh retheite kar lo zau ta zel pawhzimna tur atana ruahmanna tha tak a ni tih kan hria a. Tichuan kum kalta lamah he NLUP pawisa atana hman tur hi Central-in cheng vaibelchhe 234 min pek laia kumina cheng

vaibelchhe 370-a a pungchho ta te hi a lawmawm em em mai a. A pun dan hi za zela cheng 58.12-a pung a ni a. Hemi lawmawm zualna chhan em em chu Central sorkarin he scheme kan kalpui dan hi lungawithlak a ti hle tih a lang a, a enkawltu sorkar pawh a ring tawk a ni tih a punna hian a tilang chiang hlein ka hria. Tichuan vawiinah helam kawngah sorkarin miretheite dinchhuahna tura chak taka hma a lak mek laia vanduaithlak taka Bawng vulhtuten vanduaina an tawk hi kan tuarpui a. Chutih laiin he NLUP flagship programme hi a hlawhtling ang tih hlau mi tuten emaw tuarpui tak tak si lova an han ral velte kha ka ngaihtuahin sorkar kaltain Mizoram Intodelhna Programme (MIP) ruahmanna a siam a, tanpuina dawng ve ta lote an ral nghal lo kha chu an bengvar lo hlein ka hria. He programme hmang hian Zorama kuthnathawktute sorkarin chaktakin chawikan a tum hi lawmawm ka ti a, kan budget-ah kan Finance Minister-in heti zat pawisa pung a rawn tarlang hi a lawm awm takzet zetin ka hria. Chuvang chuan he budget hi kuthnathawktute budget a ni tih a tilang chiang hlein ka hria a.

Tin, Agriculture leh Allied Activities lamah pawh 41.14%-a helam kawnga pawisa lo pung tur han hmuhte pawh hian he sorkar leh kan Finance Minister zahawmtak leh kan Chief Minister zahawmtakte pawh hian kuthnathawktute an ngaipawimawh a, kuthnathawktute budget a ni tih a tilang chiang hlein ka hria a ni. Vaibelchhe 352.21 neiin nikumah hma an la a , buh thar tam kumah an puang a, kuminah vaibelchhe 504.88 sum hman tur kan han neih phei hi chuan buh thar tam leh zual kuma puan mai awm tak a ni. Hun kalta-a Sorkar lu berin Agriculture Department atanga huan pal te danlo anga ru chhuak a, a huan hung nana a hmang ang kha chu a ni tawh dawn lo tih he budget atang hian a chiang hlein ka hria a. Tin, kan budget hi lungawi loh hrim hrim tumten lungawilohna tur an zawng anih pawhin an lungawi loh theih lohna tur inphum awm nia ka hriat chu MLA Local Area Development Scheme hnuaiia MLA tinten an bial chhung development hna an thawhna atana nuai nga ngawt maia kan pawisa dawn thin tihpun a ni ta te hi chu an lawm ve ngeiin ka ring.

Tin, thil pawimawh tak mai, kan budget-a rawn lang chu Provision of Equity self for construction of 400 KV line tih hi a ni a. Ka hmaa member zahawmtak rawn sawi tak ang khan Power lama kan harsat vang leh Sorkarin hma a lak dante kan hria a, chu a hmalak dan chu sorkar lokal lehin a tihthuanawp dan kan hria a. Vawiinah chuan he Sorkar, Congress sorkar lo piang leh hian tun budget-ah hian kan Finance Minister-in Power lama kan thanmawhbawk ti mai ang, kan kawlpui min khenthlak sak dawn a, vaibelchhe 30.64 hemi 400 KV VC line from Palatana to Bangaigown atana hman tura min han chhawpchhuah sak hi a lawmawm takzet zet a ni. A chhan chu he Power thlun zawmna hrui lian hi khutah Siliguri bulah chicken neck an tih, Assam kil tawp leh West Bengal khawmual-in a zawmna khu hemi India ram hmunpui zawk atangin Power hrui rawn thlun chhoh a ni a; chutiang chuan hetah Palatana-ah Silchar-ah chuan Mizorama rawn lut tur a ni. He hrui thlun man hi pe ve tura tih kan ni a, mahse, kan pe hlei thei lo a ni, sum harsatna avangin. Chutih lai chuan State dangte leh Company dangte chuan, “Pelo mai rawh u, keimahni’n kan lo pe mai ang”, an ti a. A chhan chu he hruithlunna atana pawisa ngai zat chu vaibelchhe 40.64 a ni a, vaibelchhe 10 pek tawh a ni a, vaibelchhe 30.64 kan la ba a, la pek tlak loh a ni a, hemi kan pek tlak loh avang hian power kan hnuhlunna, an hruipui kan hman manah hian kum khatah power man nilovin a hrui kan hman manah khan vaibelchhe 2 te kan chawi thin a ni. (thlakhatah ka tihna nih chu). Chuvang chuan vawiinah he kan kawlpui hi kan khenthlak hnuah chuan he hruipui atang hian a thlawnin a hrui hman man chawi tawh lovin power kan hnuklut tawh ang a, kan chawi tawhlo mai ni lovin hrui thlun nana sum leh pai heti zozai kan lo thawh ve avang hian kum 4 chhungin heta tana pawisa kan senral zawng zawng hi kan hmulet leh ngeiin min rinpui a ni. Hun a lo kal zel anga, Congress sorkar zel turah ngai ila, Power hnianghnar tawk kan neih mai piahlamah a hralh chhuah tur thleng nei turin

tunah hian ruahmanna kan siam ani. Chung ang hralh chhuah turte kan neih hunah phei chuan tuna kan sawi lai mek 400 KVDC line hmang hian India ram hmun hrang hrangah kan hralh chhuak thin tawh dawn a ni. Vawiina kan Finance Minister-in vaibelchhe 30.64 crore he hruipui thlun luh nana kan thawh ve tur min han chhawpchhuah sak hi tun leh tun atan mai nilo, thangthar lo la kal leh zel tur atana ruahmanna fel tak kan neih phahna tur a ni a, a lawmawm tak zet zet a. Nichina kan ngaihthlak tak ang khan vawiinah chuan he hruipui thlun turah hian tute emaw mithahnemngaiten sawlai saw ka ram a ni, tia phuahchawpa compensation an claim theih tawh lohna turin van lampangah kan thlung tawh dawn a ni. Chuvang chuan vawiinah hian Congress party bawh hian hun lo la kal leh zel tur thangthar lo awm zel tur te tan ruahmanna fel tak he budget hmang hian hma a rawn la tan a ni, tihte hi kan hriat a thain ka ring a.

Tin, vawiinah Luangmuala kan transformer chhia pawh phai lama mithiamte nen ngawrh takin kan Engineer-ten hma an la a, naktuk hi chuan charged thei tawh turin an inbeisei a ni. Tin, chutih lai chuan kan hriat angin kan power hmuh hi eng atan chauh kan hmang lova, kan tui pump nan ten kan hmang a ni. Chuvang chuan Mizo mipuite hian helai House kaltlang hian peak hour-ah hi chuan kan power hman thinte hi a heh zual thei ang chi ho hi chu hmang lovin insum hram hram ila, tichuan kan tui pump-na turte pawh hi ka spare thei a ni, tih ka sawi duhin ka ngen duh bawh a ni.

Tin, kan sawi tak ang khan he budget vawiina kan sawi khawm mekah hian thalaite tana budget a ni tihte chiang takin kan hmu thei a. Infiam mite tan vawiinah chuan pawisa tam tak an dah leh a; kan hriat angin kan Chief Minister leh kan Sport Minster zahawmtakte hmalaknain vawiinah chuan State tam takin an la neih loh phul lem te, hmun 3 laiah an lo phah tawh a. Hengte hi Party thenkhatten phul lem ringawt buaipui lovin Gas harsatnate hi buaipui sela an han ti thin na a, mahse vawiinah hian Mizo thalaite mai nilovin he phul lem kan phahah hian ramdang thalaite pawh an lawm a niang. Independence Day Football Tournament khel atan kan sawm ONGC team-te phei chu vawiinah hian August thla pawh kan la thlen hmain kar kal ta khan, kan phul lem phah playground-ah practice chakin Aizawl an rawn thleng tawh der a ni. Chutiang tak chuan vawiinah hian kan Sorkarin kan thalai infiam mite tana hma a lakna hi a ropui ka ti a.

Tin zirlaite'n an buaipui fo mai thin Scholarship chungchangah pawh vawiinah hian ruahmanna fel tak siamin kan Finance Minister hian pawisa a chhawpchhuak mek a ni, tih han hmuhte hi a lawmawm ka ti a. Tin, hei sawiloh theih loh chu kan Budget Speech para no. 7-a a landan ang khan Mizoram economy than dan kum 2011-2012 chhunga estimate chu za zela 10.9 a ni a. Chu chu India ram puma economy than dan tur estimate 6.9 % aiin a sang hle a, thil lawmawm tak niin chhinchhiah tlak a tling a ni. Tun Ministry hian hma a la chak hle a ni tih tilangtu a ni. Tin, kan ram hruaituten an thahnemngaihna avangin Central atanga grant leh assistance hrang hrang kan hmuh a pun baka Sorkarin hna tha tak leh chak taka tihtak zetna nena kal puin kum 2012 – 2013 chhung pawh hian 13th Finance Commission-in GSDP growth rate target min siamsak 10 % (2 digit figure) tal hi chu kan phak leh ngei ang, tih kan Finance Minister-in a puang bawh a; thil lawmawm tak a ni a, he kan Budget Speech sawihonaah hian sawi lan ngei ngei chi niin ka hria a.

A tawp nan Pu Speaker, Revenue Expenditure-ah leh Capital Expenditure-ah te Budget Estimate aiin Revised Estimate-ah kan figure-te kan sang zawk ve ve a, hei hi a tawi zawnga sawi chuan kum kal ta chhung khan 13th Finance Commission-in tih tur min tukte kan tihhlawhtlin tam avang leh Sorkar hruaituten thahnemngai taka hma an lakna

avangin sum hmuh belh leh haichhuahna a pung tihna a kaw k thei baw k a ni. Chu chuan kan Sorkar hi a rintlak taw k a ni tih a tilang baw k a ni, ka lawm e.

Pu T.T. ZOTHANSANGA : Pu Speaker, ka lawm e. A hmasain Keifang, Saitual/Rulchawm, Ruallungte chungah chhiat tawkte hmingin lawmthu ka sawi hmasa duh a. Tin, kan Sorkar chungah pawh lawmthu ka sawi hmasa duh a ni.

Kei chuan waviinah helaia text lam hi karawn luh chilh vak dawn lo va, chanchinbu leh engemaw kha kanrawn re-act ve ringawt dawn a ni, tih ka sawi hmasa duh a. Tun laiin NLUP-ah Bawng chungchangah te pawh harsatna kan taw k a, waviin Zozam chhuakah te pawh sawifiahna anrawn nei a, a ngaihnaawm angreng khawp mai a. Chutih rualin ka rilrua thil lo awmah te chuan MNF thalaite khan Rs.300/- den denin an han ral a; tin, kumin kumtirah Darlawn lamah Bus accident a awm a, nimpiniah lawkah Saitual/Keifang bulah a awm baw k a, khatiangte kha engatinge an ral loh aw !! ka'n ti deuh a. Mihring ral lovin ran an han ral ringawt mai kha mak kan ti a. Tin, tun tum kan Bawng vulh chungchangah hian harsatna nasa tak kan taw k tih kan hria a, Vety Department lam pawhin, mi tam takin Congress an dem a, Sorkar an dem a, hetiang tur a nilo an han ti a. Khatiang khan Politics advantage lak tumna te pawh kha an nei tihte kan hria a, pawika ti khawp mai. Chutih rualin hun kal tawhte kan han thlir a, MNF hun lai pawh khan vawkte 1500 an lei a, 1500 a lo thi ve tawh a ni. Kha kha House property atan ka'n pe ang e, in muang lutuk ka sawi chak duh si. Tichuan khami copy kha a duh apiangin an lak theih turin ka nei e, May 25, 2006 ami kha a ni a. Vawkte 1500 lei a ni a, chutah chuan Vawkte zawng zawng kha a thi vek a, Vawkte man kha nuai 37.5 a ni a, a phurh man Rs.5,14,000 a ni a, a vaiin nuai 42 leh singruk leh sangli a ni a, kan Sorkar hmasa khan an lo tichingpen ve tawh a, kha kha ka'n sawilang ve duh reng reng a.

Tin, Pu Speaker, khalai kan sawi lai khan helaiah C&AG Report lama a lan dan phei chuan Vawkte kha 4500 lei tur a ni a, 1500 an han lei a, a thi ta vek mai a. 3000 kha lei leh riva reng reng a awm tawh miah lo, 'khawiah nge a pawisa kha' tiin ka rilruah a awm a, khami man kha cheng engemawzat kha a la ni a, kha kha an bo pilpui a, a pawika ti khawp mai. Vaw k 3000, 2500 man theuh kha (a vaiin Rs.75 lakh) a bo pil vang vang a, hmuh a ni leh ngai tawh lo a ni; eng document-ah mah hian ka'n sawi tel duh a.

Tin, Pu Speaker, remna leh muanna hi kan nei zel dawn em? tih hi ka rilruah arawn awm a. Pu Speaker, i phalnain helai hi ka sawi duh a. Hei hi Pu Laldenga chanchin a ni a, a history hi 2005-a ziah a ni a, chuta a thusawinaah chuan phe k 207-na - 'Remna thuthlung atang hian lei rem rapin keini Mizoram mipuite hian kan ram ro kan rel ang a, chumi hnuah chuan kan hmalam kan pan dawn a ni. Chuvangin, he thuthlung hi rahbi hmasa ber chauh a ni,' a ti a ni. 1986-ah duh taka remna kan lawm em em kha rahbi hmasa chauh an ti a, kal zel duhna an nei em ni, tih kha tun tumah hian ka zawhna a ni a. Pu Speaker, ka hun lovah min ko khan ka hria a. Tin, khami ngaihbel thei tur khan tuna kan MNF President pawhin a thusawiah chuan - 'Tlang sang tak lawn chhuak tur chuan a lai laklawhah kan chawlh a ngai thin a, State-ah kan chaw l ang a, tun dinhmunah zalenna sual zel hi kan economy-in a zo rih si lo va, Zoramah kan lut ang a, kan Sorkar phawt ang a, Sorkar thuneihna hrang hrang kan kut hnuaih kan dah vek ang a, development sum leh paite hmangin mipui pumpui hnunah kan pawt ang a, kan duh chen chen kan lal ang, kan tih chung chuan kan inremna hi a tawpna a nilo, a final a nilo, zalenna kan

sualna chapter hi a la close lo a ni, tih kha kan Chief Minister hmasa khan a lo sawi tawh a, paw ka ti khawp mai a. Tunah hian zalenna chungchangah hian kan inremna thuthlung kha bawhchhiat an la inpeih reng em ni? tih ka ngaihtuahnaah a rawn awm a. Chuta ngaihbel theih tur tawh chuan an G.S pakhatin lehkhah a rawn ziaak a, a lehkhah ziaakah chuan G.S pakhat kut atangin pistol an man lehzel a ni. June ni 16. 2012-ah khan Ngaizel bulah sawn an General Headquarter-a an G.S lehkhahu pawh ziaak tawh thin, a lehkhahu Thup sen loh sulhnu tih a ni a, hemi ziaaktu hi pistol pahnih nen an man a ni a. He zalenna kan neih hlu tak mai hi a tichingpen tur zawng hian chet zel tumna an la nei em? tih kha kan rilruah a rawn awm a. MNF General Headquarter Secretary meuh silai tawh ruk leh sumdawna kawngah a inhnawmawh anih chuan MNF party hi mipuiten Sorkarna chantir leh pawh nise hel leh gun sorkar kha a thleng leh mai awm mang e, tih kan ngaihtuahnaah a awm a. Kha kha a serious riauvin ka hria a, ka'n sawi leh duh bawh a.

Tin, Pu Speaker, MNF te hi tunlai hian mi an beihnaah hian an duh tui lo sawt riau mai a, vawi 2 lai mai chanchinbuah an rawn sawi a, hnathawh that lamah congress hi kan cho a ni an rawn ti an rawn ti mai a; hei erawh hi chu demand sawina lamah kan react chho zeuh zeuh turah ka'n ngai ang a, tam ka sawi lo ang a. Min cho em mai a, kan incho chho zel a niang chu ka ti deuh a ni.

Tin, Pu Speaker, hmannah Zalen chanchinbu hi kan dawng a, Taliban Sorkar leh Mizoram Sorkar hi MNF hruiute khan an rawn sawi zawm a. Tin, chanchinbu danga an rawn tih lehnaah chuan Sadam Hussein-a ang kha kan ni tawh e.

S P E A K E R : Budget lampang kha ti teh a, khang vel kha chu Public Meeting-na vela sawi chi a ni a. (Pu T.T. Zothansanga : Pu Speaker, kei aia thiam an tam lutuk a helai ah hian) House-ah chuan sawi loh deuh a tha ang.

Pu T.T. ZOTHANSANGA : Pu Speaker, kan hrethiam mai ang e. NLUP-a sum an hman zawh avangin plan atanga hlauh la sorkar hnathawh tam takte a rawn ti a. Hei pawh hi tlem ka rawn sawi ang a. Taliban Sorkar kha kan ni tehreng em? tih kha tlem han sawi ka duh a. A chhan chu remna leh muanna hnuaiah kan Budget a pung thur thur mai a, kha remna leh muanna avanga kan Budget pung hnuaiah khan harsatna a awm leh theih avangin kan ngaihtuahna rilru hi a mu lo a ni, tih kha ka sawi duh a.

Kum 1998 inthlana MNF an chak khan Zawnglingah te, Lakhiah te, Puansenh te khan khuate an hal nghal a. Phunchawngah te, Lengpuih te, labour camp-te an hal nghal rup rup mai a ni. "Khang aia Taliban kha a awm dawn em ni!" ka ti a. Taliban Sorkara min puh a nih rau rau chuan Taliban documents niawm tam tak tunah hian ka nei a ni. Hei kum 1999 June 16-ah te khan an Minister upa leh a hote khan an Department driver kha Rangvamualah nikhaw hrelo in ruh tliak khawpin an sawisa tawh bawh a. Tin, Kolasib-a Mizoram Truck Driver Association-te kha Police-te khan rawng takin August ni 9, 1999 khan an lo nghaisa tawh a, Hospital-ah dah ngai hialin an lo sawisa tawh a ni. Tin, chumai pawh ala nilo, October ni 9, 1999 khan kan IAS hmeichhia chhuanawm berte zing ami kha file-in an han vawm dawt mai a. Kha kha khawvel thil thlengah chuan mak tak a ni. A Taliban viau zawk lo maw ? ka ti a. Tin, January 17, 2000-ah khan khawvel pawha lang tham ve Lawngtlai bank rawkte pawh kha a awm a. Lawngtlai bank rawkte pawh kha an han chhui an han chhui a, an chhuinaah chuan

“Ngengpui sanctuary-ah kan hual lut vek tawh a ni”, an ti a. Amaherawhchu, a hnuah man leh thawm a awm ta silo a. Hetih laia kan ngaihtuahnaah chuan “50 % profit will come to me” tih kha a awm leh ta em ni, ka ti a. Chumi hnuah Hnam Run te a han ding nghal deuh zut zut maiah khan engang pawisa nge ni ang?, tih kha kan ngaihtuah bawka a ni.

Tin, Pu Speaker, helaia an rawn sawinaah hian NLUP sum kha plan atangin an hmang a, tunah hian hlawh an la thei tawh lo e, an rawn ti a, MNF hunlai pawh khan kan hlawh kha hmun dang atangin kan la nasa khawp mai a. Pu Speaker, tlemte ka sawi duh a. Vaibelchhe nga leh nuai 35 kha 2008 report-a kan hmuh dan chuan hlawh atan khan an lo divert daih tawh mai a ni. Tin, chubakah vaibelchhe hnih leh nuai 85 kha zirtirtu OB teacher kan tihte pawh khan a nihna tur nilo zawngin an lo divert tawh bawka a. Khatiang sum diversion kha a tam bawka a. Tin, March 25th 2004 Aizawl Thupuan chanchinbua a ziahnaah chuan ‘Hlawh atan PMGY sum hmang’ a rawn ti a. Khatah khan PMGY sum kha vaibelchhe 3.03 kha an rawn hmang a, chumi avang chuan vaibelchhe 7 kha kan dawn loh phah tawh a ni. Chu chu Audit report-ah te pawh a lang vek.

Tin, Pu Speaker, helaiah pawh hian a rawn sawi a, “hlawhah hman a ni, Sorkar hnathawk te loan 2nd installment hlawhah hman a ni”. “Delhi drip khai turin Chief Minister leh Chief Secretary an kal” tih te kha kan lo nei ve tawh a. Mizoramah hian rorelna tha kan neih dawn chuan helaiah kan hotuten a tul angin an siksawi chang chu a awm ang. Amaherawhchu, kha kha chu a tul hunah chuan a tul thin a ni. Kan sorkar hnathawkten hlawh an lak a ngai a, khami atan khan helai takah lo awm lo mahse, helai mi an lak a tul chang a awm thin a. Khalai kha inbeihna berah chuan i hmang lovang u, anmahni sorkar lai pawh khan an lo ti ve tawh thin a. An ek tanna ngaiyah an lo e tang palh anih pawhin chumi chu inhriatthiam a ngai. Tin, chutih rualin NLUP sum hi hlawh atan an hmang tih kan la hrelo lehngal a ni, kha kha ka sawi tel leh duh bawka a. Pu Speaker, sawi tur hi a tam khawp mai a, waviinah hian.

S P E A K E R : ...hmain lawmthu leh lawm loh thu te kha han sawi tawh teh a. Hmanlai thil sawi vak vak kha.

Pu T.T. ZOTHANSANGA : Hmanlai thil ka sawi vak vak tawh lo vang a. Amaherawhchu, Pu Speaker, a tulna pakhat a awm a. Mizote hian thil kan theihngihlh hma lutuk avang hian kan ram hi a chhe nasa a ni. Nikum lawka kan thil tawh kha kan theihngihlh zung zung mai a. Khatiang kha inhriattir kan duh a ni. Tunlai hian history kan chhiar taima si lova, kan chhiar khat si a. Kan hotute hi an tha thut tih hi kan hre mang bawka si lova. Khalai kara an hun lo paih hnawka tawh ang chi kha mipui kan inhriattir ve zeuh zeuh loh chuan a tha lo riain ka hria a.

Tin, kan rilrua thil rawn awm leh pakhat chuan he kan Budget-ah hian miretheite sum hi vaibelchhe 370 lai dah a'n ni ta hi lawmawm ka ti a. Vaibelchhe 2000 chuang zet sorkar hnathawkten an nei a. Nimina Pu Rama'n a rawn sawinaah phei chuan NLUP phei chu paih chhuak ila chuan Budget hi chu a tlem sawt ang, a rawn ti a. He miretheite chanvo ve tur ber, kan dah chhun kha paihbo duhna rilru kan pu ta em ni? ka ti. Tunah hian kan Budget-ah hian a chanve aia tam mah kha Non Plan atangin kan hmang a. Kan hman atang khan hetah mipuite tan liau liau NLUP tana kan hunchhuah kha a tlem kan tih tawh teh lul nen, ngaimawh ang lek lek zawnga kan tawng kha a pawh khawpin ka hria a. NLUP hi chu sawichhe tawh lo hram rawh u, ka ti duh a ni. A chhan chu thingtlangte hian hlawh kan nei ve lova, hetah hian beiseina sang tak kan nei a. He beiseina atang hianin Pu Speaker.

S P E A K E R : Chair address-a sawi tur a ni a, khangte pawh kha. Sawi tawh lo hram se ka duh e, i vei lam amite hian emaw tih chauh tur a nia aw.

Pu T.T. ZOTHANSANGA : Kan inzir chho pah zel bawh a ni a, Pu Speaker. Tunah hian ka rilruah thil awmah chuan kan sorkar hmasa leh tuna kan sorkar hian miretheite lama kan hawi lam hi a inang lo lutuk a. Pu Duhoma te hi chuan an hawi bawkin ka hria a. Mahse, kan la chhin lova. Pu Speaker, ‘Irregular Diversion of Fund’ tih kha term hmasa khan a tam lutuk a ni. Kha kha pawh ka ti khawp mai a. Mi rethei an hmangaih em? tih kha. RD atang ringawt pawh hian nuai 44 thingtlanga BPL, IAY ta tur kha kum 2000 khan nuai 44.72 kha thingtlang atangin khawpuiah an lo sawn tawh a. Tin, PMGY nuai 49 leh singriat sangthum kha khawpuiah thingtlangte chanpual liau liau kha an lo seng lut tawh bawh a. Chu chu hetah Audit para-ah pawh ka ziak vek a. Hun a tawi avangin ka sawi lova. Tin, helaiah hian a buah hian a proof theih vek a. Document fabricate pakhat mah tel lovin a awm a ni. Tin, R.D. sum nuai kua leh singsarih kha Employment Assurance Scheme atang khan Rural atang khan urban-ah an divert bawh a, hei tawi te, bu hnih khat lek kan en chung pawhin vaibelchhe khat leh nuai li vel kha thingtlang chan tur liau liau kha khawpuiah an lo divert tawh a ni. Chuvangin thingtlang mite hi kan sorkar hmasa khan min hmangaih em, kan chanvo min pe em, kan chan tur dik tak min pe em tih kha ka ngaihtuahnaah a rawn awm a.

Tin, Pu Speaker, vaibelchhe hnih leh nuai sawmriat pakhat ngawt mai kha thingtlanga hriselna atana kan hman tur kha khawpuiah min lo rin luh sak tawh bawh a, thingtlang miten sub-centre leh kan hriselna a hman tur tam tak kha vaibelchhe hnih leh nuai sawmriat pakhat kha min lo divert sak tawh bawh a. Chu chu CAG Report-ah hian kan nei a ni.

Tin, vaibelchhe khat leh point sawmhni paruk pawh kha Mobile Toilet Van lei nan an han ti a, toilet van kan han sawi hian kan rilruah engemaw hriat kan nei tawh. Amaherawhchu, a pawh lai ber chu thingtlanga kan Sub-Centre improve-na tur te, thingtlang infrastructure atana Central atanga lo kal ni si, Toilet Van lei nana an lo hmang daih mai kha khalai kha a serious lai tak a ni. Thingtlang te hian hmangaihthu kan mamawh a, a tam ber hi chu Aizawlah kan awm a, thingtlangte harsatna hi kan hre tak tak lo a ni.

Tin, hei Mobile Van 3 an la lei leh a, he Mobile Van 3 an leina pawh hi Central rilruah chuan Doctor hi an indaih hlawl silova, chuvang chuan thingtlangah he Mobile Van hi tlan kual sela tiin ngaihdan an nei te pawh a ni maithei a ni. Mahse khawpuiah vek a awm lawi bawh si a, thingtlanga kan hman tur tam tak kha khawpuiah an lo hung lut nasa tawh a, hei hi chu eng forum-ah pawh nisela, an hotuten min rawn cho ang khanin hei hi chu kan cho ve vek a ni tih kha ka’n sawi duh a. Kan Budget hi kan hman dik chu a tha, thingtlang lama mi tur khawpuiah kan senglut hnem lutuk a hei vang hian kan ram a than that theih loh phah a. Tunah hian Sub-Centre kan mamawh a, Sub-Centre a theih tawh silova “Health Clinic talin i ti ang”, an ti a chutianga kan han tih tak tak dawn pawh hian a tak tak khan lo hmang dawn ni ila chuan thingtlang te hian kan nei teuh tawh tur a ni. Budget hi tunah hi chuan kan hmang dik tawh turah kan ngai a. Hetianga nuai hlir mai singruka a’n pung hi lawmawm ka ti a, ka support a ni.

S P E A K E R : Pu T.T. Zothansanga a khat hle a, darkar 3 pawh sawi dawn sela a tlinin a rinawm e. Pu K. Liantlinga minute 15 chu ka pe tho ang che.

Pu K. LIANTLINGA : Pu Speaker ka lawm e. Ka hmaa sawi kha a khat deuh bawka, a lawmawm hle e, hun min pe a. Kumina kan budget hi kan hriat tawh ang khan an fak nasa khawp a, an fakte pawh kha a lawmawm thova. Kum 2012 – 2013-a kan Finance Minister-in Budget Speech a'n pharh chhovah khan a vaiin Non-plan-ah cheng vaibelchhe 2885.36 plan-ah vaibelchhe 2300 a lawmawmna lai a awm a; hetiang han pung hi chu Budget Speech-ah khan a detail tha viau a, point 99 laiin a rawn hrilhfiah chhova. Amaherawhchu, a vaiin vawiinah hian sawi sen a ni dawn lova, demand sawi hunah kan sawi ang a, a punna te pawh kha kan hre vek thova, 2009-2010 ah 250 a ni a 25%, 2010-2011 ah 250 20%, 2011-2012 ah vbc 200 13.33% leh tunah a punna hi vbc 600 a ni a, 35.29% a ni a. A average-a lak chuan 23.41% in a pung a, chuti em ema han lawmna tur leh lawm lohna tur a awm chuang lova. Hemi kan budget pung hi lawmthu han sawi vak mai hi a thenin kan lo hriat tawh angin Delhi drip khai tih ang deuh hlek a nihna lai a awm a, lawm em emna tur pawh a awm ami, kan state hian enge thawh chhuah kan neih, enge kan revenue, enge production kan neih, tih kan thlir loh chuan. Mi min rawn pek ringawta lawm khan enge ka thawh chhuah, patling chungkua mi chawmhlawm ringawta nun te hi a hrehawm em em ringawt mai a ni. Chutiang ang zawng chuan hemi Budget Speech-ah pawh hian kan GSDP te sang angin lang mahse, lawm em emna tur a awm lo. Enge kan production tih lampang leh tax leh thil chi hrang hrang kan lakna tur leh a punna lampangte leh a hman chhuah lehna tur te, thalai leh midangte tan engtingge kan hman chhuah ang, tih lampangte Budget Speech-ah hian lang se a thain ka hria. Kei chu central-in min pe, a lawmawm lutuk hmang huau huau ang u, tih lampang kha a kawkin ka hre lo. Tam tak kan enin an Budget Speech atangin thil man rate hniam leh san dan turte tin, mipuiin an hmasawn leh hmasawn loh dan tur te, economic growth a san leh a hniam dan tur leh an thawh chhuah diktak atanga tehin a ni, an tih ni.

Finance Minister Budget Speech atang hian ka'n sawi ang a. No.48-ah khan priority sector-ah NLUP vaibelchhe 370 dah a ni, central min pek. Tin, 58.12% in a pung a ni, han lawm thut mai theih awm pawh a ni. Amaherawhchu, keini opposition tan chuan lawmna tur a vang khawp, tunah hian mipuite hi inangkhat thlapin sem dawn sela party feeling nei miah lovin, party duhsakna awm miah lovin ti sela, party-in a kalpui anih chuan a bias lutuk, khatiang bias lutuk kha keini tan hian lawm vena tur a awmin ka hrelo, a tam chu a tam, a tlem miah lo, tih chu kan hria a. Tunah chuan inthliarhranna te, invaunate nen, i ban chuan ka pe lovang che, ilo kal chuan ka pe ang che, tih mai mai atana politics khelh nan he sum hi kan hmang dawn anih chuan a diklo a ni. Tunah hian han chhut ta ila kum hmasa, hmasa leh khan vaibelchhe 238 ve ve kan nei a, a vaia belhkhawm chuan vaibelchhe 468 a ni. Tin tuna mi hi 370 a ni a, belhkhawm chuan 838 vaibelchhia hi party induhsakna leh party feeling-a kalpui chi a ni lovin kei chuan ka hria a, kalpui lo se chuan kei chuan ha hipin ka fak ang, a nuam awm kati, khati zat chu. Amaherawhchu, khati zat anih chuan fak a har em em a ni tih erawh chu Pu Speaker, min hriatpui ka duh a. Tin he NLUP hian party a huap zolo, huapzo policy a ni lo, mi zawng zawng a huap lo a ni, tunah hian hmuh chak ngawih ngawih Congress nih loh vang a, rulling party nih loh vanga hmulo tam tak an awm a ni; induhsakna anihna chu, kha development component-ah khan cheng vaibelchhe 1200 year mark-ah khan tunah hian rulling party mi hlir an inthlang a ni.

Tin, infrastructure component han en leh ila, infrastructure siam tur reng rengah chuan rulling party, party workers induhsakna hlirin a kal a ni. Hetiang ang karah hian kan ram chu a dingchhuak lovang, tih hi kei chu ka ring a ni. Sum chu tam rawh se, mahse sum tam hi min tichhe theitu a ni, tih hi kan ram mipuite hian an hriat a pawimawhin ka hria.

Tin, tunah hian ngun takin han en ta ila, NLUP scheme hian kan ramah bawng engzatnge a suat, an rawn lakluh kha 788 tiin an sawi a, 169 a thi a, 619 ala dam a, a thi zawng kha a hlut zawng chu cheng nuai 92 leh sing 9 leh sang 5 man a ni. NLUP Bawng 619 te khan hri an pudarh a, vawiinah hian harsatna FMD an tih, Food and Mouth Diseases hi a leng nasa em em a ni, chu chuan bial hrang hrangah harsatna min pe a, a bik takin Sihphirah phei chuan bawng 71 (record) ka hriat chinah chuan a thi a ni. Khangte kha tunah hian ngun taka kan ngaihtuah tulin ka hria. Ram mipuite ei leh barte hi kan sorkar hian a mawhphurh a ni a, kuthnathawktute enkawl hi a mawhphurh a ni a. Kha laiah pawh khan kan House Leader zahawmtakin a sawi, NLUP bawng dawngtute a thi kha chu kan pe leh mai ang chu a ti a. Amaherawhchu, khang Bawng an rawn lakluh avanga mimal Bawng thi te kha compensate-na tur emaw relief pekna tur emaw kha a sawi lang lova, kha kha a pawiin ka hria a. Vawk, ar, kel leh bawng zawng zawng kan vulh te, bird flu lo leng te, swine flu lo leng te leh thil chi hrang hrang, ranvulh chang ni lo, wildlife sanghal thi chenin engvanga lo leng nge anih tih hi kan Department hrang hrangten an chhuichhuak tur a ni. Chutiang chhuichhuahna nei lova hetia in en liam leh mai mai hian kan ram hi a tikhawlo em em a.

Hmannia Keifang daia leimin leh Bus accident-ah natural calamities atangin mi 18 hnenah RS 1,50000 theuh pek turin an han puang a, a lawmawm em em a ni. Khatih rualin kha scheme (NDRF) revised norms-ah khan National Disaster Respond Fund atanga siam theih a ni. Chu chu ni 16, January, 2012 kumin khan an rawn revised a, chutah chuan 1,00000 atangin 1,50000 ah a chho va, kha kha an pe a, a lawmawm em em in ka hria. Tin, khatih lai khan nichina kan sawi Sihphir lama Bawng thi te kha ngun taka kan thliar a ngai a. A pui 44 a thi a, a la 7 leh a note 20 an thi a, NLUP bawng kha chu an rawn lakluh thi mai a ni a, ka hre lova a zat, khang kha chu sawi kher pawh ngaiin ka hre lova. Chung chu hei National Disaster Respond Fund atang tho hian column 6-ah hian animal husbandry assistant to small marginal farmers and marginal farmers tih a awm a ni. Tin, hetah hian mulch animal, a hnute sawr chi te hi an lo thi anih chuan leh a pangngai ranvulh chi te pawh, tin bulk cart hnuk tura an tih chi te, khatiang tan khan Rs.16400 a pek theih a ni. Buffalo, cow, camel, yak te tan. Hengte pawh hi hrileng a ni a, kan sorkar hian ngaihsak sela kan Budget-ah hian Central sorkar atanga min rawn pekah hian cheng vaibelchhe 8.49 a awm a, matching share-a kan neih tur nuai 94, a vaiin nuai 943 kan nei a ni. Heng atangte hian, Budget atangte hian pe sela, tuna Sihphira thi zawng zawngte pawh khi a nihna takah chuan an khawngaihthlak em em a ni. Sorkar mawhphurhna a ni tih hi hria sela ka duh a ni. Budget-a awm ngei atang hian pe se la. Ranvulhtu family 22-in an tuar a, an damloa an hnudetui a kang a, an thi a. Tuna hnudetui kange khi no nei leh se la, antibiotic an hman nasat avangin No nei leh pawh nise hnute tui a nei kher angem tih a hriat theih loh a. A enkawl na atan khian sum pawh an seng tam em em tawh a, cheng nuai 2 leh sing 5 vel a ni tawh a ni. Bawnghnute litre 1500 vel an hralh a, nitin cheng sing 6 vel an lalut a. Chu chu kum khatah chuanin vaibelchhe 2.19 an lalut thei a. A average chuan nuai 9 leh sing 5 theuh family pakhatin lalut thei ang an ni. Khatiang ang eizawna, an livelihood lo chhe ta kha kan sorkar mawhphurhna hi a ni a, a tuam dam leh dan tur hi a ngaihtuah tur a ni. Chutianga kan sorkar hian hma a lak loh chuan kei chu heng Budget tam hi engah mah ka ti lo. A tulna pawh awmin ka hre lo. Ngun taka kan ngaihtuah ngaiin ka hria. Sum hi a uiawm em emna tur ka hre lo. Miharsate tanpuinan a nih chuan a lawmawm, mitlachhia te, harsatna tawk te kan tanpui nan chuan. Natural calamities

atana khatiang an tih te pawh kha, an ruahman a, nuaikhat leh singnga an pe a, a lawmawm em em a ni. Hengte pawh hi natural calamities a nihna chu leiminin a tihchhiat a ni. Tin, hrileng hriat loh avanga lo kal, chhiatrupna lo thleng, khatiangte pawh kha natural calamities-ah te pawh tel ve a, khatiang khan ngaihtuahna kan sorkar hian hmang se a thain ka hria a. Nuai khat leh sing nga an pe a, a lawmawm em em a ni, hengte pawh hi natural calamities a nihna chu lei minin a tihchhiat a ni. Tin, hrileng hriat loh avanga lo kal, chhiatrupna lo thleng, khatiangte pawh kha, natural calamities-ah te pawh a tel a, khatiang khan ngaihtuahna kan sawrkar hian hmang se a thain ka hria a. Heng ang ngun taka chhut a, kan budget-te hi mi tluchhia leh eizawnaa harsate tanpuina tana kan hman hi a pawimawh em emin ka hria a ni, Pu Speaker.

S P E A K E R : Minute hnih i la nei aw.

Pu K.LIANTLINGA : Ka khat ve tho mai a, tin, kn sawi leh duh chu sawi thui chu a har tawh anga. Kan budget-ah hian Youth Commission lampang a lang lo a, Labour & Employment-ah, tin, Sports-ah kha chuan a tha khawp mai a, cheng vaibelchhe 29.87 niin 31.05% in a pung a, amaherawhchu, Sports hi kan thalaiin an chhawr a, 5 % to 10 % vel kan sawisual a nih loh chuan Pu Speaker, Sports promote chu a tha khawp mai, keipawh a tang ber ka ni. Amaherawhchu, sports-ah thalaite kan chawikang ang hian kan thalai lehkhathiamte University-a register singkhat leh ram pawn lama lutte sing hnih te, tin, helaia Labour & Employment-a in register singkhat leh sanghnih vel te, hengho tan hian Youth Commission hian cheng vaibelchhe khat tal pawh a awm lo, (nuai sawmnga an dah a). MNF sawrkar laiin Youth Commission kan din ang an ti a, MZP-ten an nawra thalai rualin an nawr a, an ti a, a hming chuan tunah Youth Commission kum thum vel a kal leh tawh a, mahse sum engmah a awm lo, cheng nuai sawmnga chuan hna an thawk lo ang. Chuvangin thalaite hi nakina kan ram nu leh pa turte an ni a, thalaite hi nakina kan ram hruaitu turte an ni a, chuvang chuan vawiinah cheng 40-50 crores vel tal hi chu Youth Commission-ah hian dah ve se a tha tur. A nihna takah chuan NLUP tluk hian ngai pawimawh sela, tun ai hian kan changkang zawk ang, Human Development hi a pawimawh ber a ni khawvelah chuan. Lord Krishna IS Academy-te an han din a, hei hi ka sawisel a, he sorkar din tirh Sitting hmasa berah. Lord Krishna IS Academy hi ka sawisel a, tunah hian a function tawh lo, kum 2 vel a ti leuh leuh a, a lem a ni. Chuvang chuan Central Service-te kan ngah tamna tur leh Human Development hi nasa taka kan kalpui theihna atan sum leh pai hi seng sela. Tunah hian IAS Officer, Secretary tur leh D.C. tur pawh kan neih tawh loh hi. Chuvangin kan budget-te hi i hmang tangkai ang u, State dang tihdante phei chu vawiinah kan sawi seng lovang a, nakinah budget luh chilh hunah te la sawi turah inngai ta ila. Revenue te, Tax-te pawh kan la tam tur a ni. Amaherawhchu, kan lak tamna kha thalaite hmasawna tur leh ram changkanna atan kan hman chuan mipui hian an hrethiam em em ang. Tlak hi hlau duh suh u, hlauh tur chi pawh a ni lo, a hmanna tur kha a chian chuan. Hetah hian a hmanna tur leh a lakna tur hi kan budget buah hian chuang kalh sela, kan thalaite vawiinah an lawm ang, a sing tel hi an lawm ang. Chuvang chuan khatiang ang zawnga ngaihtuah khan kan budget-te pawh hi kalpui tur niin ka hria.

Pu Speaker, hun a kal tam a, hun min pek belh rau rauah chuan point khat chauh ka sawi leh ang aw, ka lawm e. Ka sawi duh chu 'The Government of Mizoram Regularisation of Contract Employee Scheme, 2008' hi 6th August, 2008 ah tihchhuah a ni a. A tihdanglam lehna kha a hnu thla hnih lek 10th October, 2008 ah tihchhuah leh a ni a. Khati laiah khan kan Member zahawmtak Pu Lalduhoma zawhna 'engati nge in tihdanglam' tih a ni a, an chhuanlamah chuan Recruitment Procedural Lapse a awm dawn avangin Transaction of Business Rules, 1987 angin kan tidanglam a ni e, an ti a. Amaherawhchu, he tihdanglamna hi

a pawl em em a ni, vawiinah hian Court a thlen phah a. Chuta an tihdanglam chu a tlem angreng khawp a. Pu Speaker, i phalnain ka'n chhiar ang a, 'through the duly authorized Departmental Promotion Committee' tih chiah kha a karah khan an zep a. Khami an zeh avang khan vawiinah hian 2002-a an lo employ tawh, sorkar hmasain an lo dah tawhte kha DPC kha 2008 atanga tan a ni si a. DPC 2008 Scheme-a an lakte kha vawiinah hian an senior khalh ta a ni. Chu chu an duh lova, tunah Association engemawzatin an nawr a. Hengte hi siam danglam tur a ni. Hei hi chu kan DP&AR Minister, kan Finance Minister ni bawk, kan House Leader pawh hian ngaihtuahna hmang sela uluk takin. Hetianga injustice thil awm thei hi enfiah a ngaiin ka hria. Chuvangin, hetilaia an Dan tlawhchhanah Transaction of Business Rules, 1987, Section 19-ah hian Cabinet Minister-in decision engkim lo ti tawh mahse, Minister in-charge-in tul a tih chuan, Chief Minister-in a siamrem leh thei ang tih hmang khan he Dan hi an siam leh ta a. Chu chuan vawiinah hian Contract Employee sang rual hian harsatna an tawk a.

Example pakhat chauh Pu Speaker ka'n pek leh duh chu Education bikah, 2002 a +2 zirtirtu an lak kha a student kha +2 a passed a, BA kum 3 a zir a. M.A kum 2 a zir a. Tichuan, kum 5 hnu-ah 2008-ah khan he Scheme a lo chhuah hian DPC-ah an la a. A zirtirtu thin ai khan a senior ta a ni. Chutiang ang khawp chu vawiinah hian kan ramah hian a thleng a ni. Chuvang chuan hei hi tihdika siamthat a ngaiin ka hria a. Kan Minister zahawmtak DP&AR changtu pawh ka hmuh tawh a. Hei hi chu siamthat a ngai a ni, injustice a tling a ni. Kha vang khan vawiinah hian kan thalaite zirtirtu tur, kan thalaite chherchhuaktu tur, a za telin harsatna an tawh mek hi chinfel sak ni sela, chutiang chuan harsatna a awm lovang a. Hengte pawh hi a lo chhuahna hi engemaw vested interest te vang ni te pawhin a lang niin ka hria. Kan Finance Minister pawh kha ka sawipuinaah chuan heti lai han tih nachhan hi DPC date kha an appointment date leh an seniority-ah dah tur tihna lai hi engemaw chenah harsatna a awm thei a. Min arrear-te an rawn claim nasa thei a, chuvang chuan kan siam a ni a ti a. Amaherawhchu, ngun taka thlir a, siamthat leh chi a ni. Chuvangin, heng ang zawng zawngte hi kan sorkar hian kan budget atanga thil enin thil kalphung pangngai deuh ang hian ruahmanna siam thei sela, a lawmawm hlein ka hria a, Pu Speaker hun tha tak min pek avangin ka lawm e.

S P E A K E R : Awle, kan chawl rih ang a, hetilaiah hian a book lawk Pu Nirupam Chakma hi kan tan leh hunah a sawi hmasa ber anga. Tlai dar 2-ah kan chhonzawm leh dawn nia.

2:00 P.M.

Pu NIRUPAM CHAKMA : Pu Speaker, ka lawm e. General Discussion a ni a, thil tam tak Budget piah lamah pawh sawi theihna chance a ni a. Amaherawhchu, a hmasa berah budget estimate chungchangah (Speaker : Mahse political platform ang kha chu a ni lo a nia aw, rorelna hmunpui anih hi). Kha chu kan sawi thiam ang chu maw. Kan budget hi heta a lan dan chuan, plan estimate hi 2,300 crore a ni a, Non-plan expenditure 2875.56 crore, kha kha nikum ngaihtuah chuan 12.25% a increased a ni. Gross Total Expenditure out of consolidated fund of the state budgeting-ah chuan 5327.25 crore, kha kha B.E. 2011-2012 by 21.95% increased a ni a. Revenue Expenditure-ah khan, Development Expenditure 1341.5%, Non- Development expenditure hi 2828.20 a ni a. Kha kha percentage-a lak chuan development expenditure hi 32.17% a ni. Tin, Non-Development Expenditure hi 67.83% a ni a. A zavaiin 4169.71 crore a ni. Interest panel-ah khan en leh ila, heta tanga interest kan pek tur zat chu 242.42 crore, kha kha 10.78% a ni. Sanction Post vacant 10,000 tih a lang a. Tin, Salaries Sorkar hnathawkte hlawh Non-plan 1615.64 crore, Planah 416.15 crore, CSS 25.97

crore. Avaiin 2570. 67 crore a ni a. Hei hi budgeta kan hmuh theih chu a ni. Tin, Break up hrang hrangte budget Speech-ah a lang leh a.

Ka sawi hmasak duh chu Pu Speaker, kumtina budget, hei kum 21 budget Discussion-a ka tel thei hi lawmawm ka ti a, tel thei tam pawl ka niin ka hria. Budget-ah nidangah chuan budget tha leh tha lo kha kan buk thin a, Ruling leh Opposition ten. Tun tuma lawmawm tak chu Budget figure pawisa ruahmanna kha sawiselna a awm lo tih hi han sawi atangin a lang a ni. Tin, kumina Plan figure finalised hnuah 2300 crore kan hmuh takah chuan Party zawng zawngin Mizoramah an lawmpui a, hei hi lawmawm tak a ni. Kum dangah a awm ngai lo a ni a, awm zeuh zeuh chauh a ni a, mahse nikumah pawh sawisel kha a hlawh tawh a, kan thenawm state nen kan tehkhin thin a, nikum kha chu. Kuminah chuan mi zawng zawngin, party zawng zawngin lawm nachang kan hria a, lawmawm ka ti a. Tin, he budget-ah, budget provision-ah Finance Minister zahawm takin a speech-a tarlan atangin kan hriat theih chu mipui tan vaibelchhe zali chuang buatsaih hi Mizoram history-ah a la awm ngai lo. Nikumah pawh NLUPah ringawt vaibelchhe 234 a lang a, mahse kuminah almost double figure-a a increased hi lawmawm ka ti a. Khata tang khan NLUP targetted family, khami scheme-a targetted chu, one lakh 20 thousand families NLUP pek tur kan pek tawh 45,000 bak, a dang zawng kha he budget atang hian pawisa an la dawn a ni. Hei aia ropui hi Mizoram budget siamah a la awm lo reng reng a ni. Mahse, member zahawmtak Pu K.Liantlinga khan zinglamah lawmna tur a awmlo a ti a, Opposition tan, keini tan lawmna tur a awm lo tih zawngin a sawi a. Mizoram mipui tan one lakh thirty thousand beneficiary awm tur pawha lawm thei lo chu, amah pawh inngaihtuah a ngai a ni, thlarau lamah pawh ngaihtuah a ngai a ni.

Pu Speaker, 1993 inthlan kumah khan Parvaah ka kal a, election meeting-ah khan, “E hei nangmahni school, High School hi kan deficit dawn a, tun tum chu inzavaiin min vote tur a ni”, ka ti a, ngenna ka siam a, mipakhat a lo ding a, “Ka pu High School chu ei thei lo a, enge a chhan vak kha a awm lo”, a ti a. Pawisa a dil a, pawisa a mamawh si, chuvangin mihring mamawhna hi a dang daih a ni. Midang priority hi a dang tlat a. Aizawl mipui hian kawng tha an mamawh a, Electric eng nitin an mamawh a, T.V. an en thei si lova, Fan a vir thei si lova, Fridge an hmang thei si lova Parvaah chuan electric nitin pawh pek nise, chhawr theih tur awm lo, an mamawh chu chaw a ni. Chuvang chuan NLUP hmang khan Mizoram pumpuiah 1,30,000 benefit tur chuan pawisa an dawng dawn a, anmahni tan engemaw family card engemaw a siam theih dawn a, income-te a siam dawn a, chuvang chuan thingtlang mirethei tan chuan NLUP hi keini priority-ah kan telh sak a, an lawm em em a ni. Kan bialah pawh Congress bak kha ZNP an awm lo, awm se chu ka pe thei em em tur a ni a, MNF chu tlem tlem an awm a, kan pe mai, tam tak kan pe tawh, kan pe zel dawn, engmah inthliarna a awm lo. Kumin pawh Parvaah dawng tur zingah Parva chu Bru khua a ni a, an vaiin an hmu ang he budget atang hian. Chutiangin Chhaizo-ah kan pe tawh, a vaiin kan pe ang min vote lotu kha, vote-tu an tam zawk daih Chhaizo-ah hian, Phulsera khuaah kan pe tawh, khaw pahnih chu an vaiin kan pe ang model khuaah kan siam ang kan ti a. Chuvangin Congress ringawt he NLUP hi pe anga sawi hi a dik lova, bial tam takah pawh ka hre tho, mahse, kan pek tam chuan anmahni tan a hek zawk a, min vote duh zel a, chuvang chuan ding law law rawh se, an tan a hlawk mai thei a ni.

Pu Speaker, heti hian ngaihtuah ila, 1,30,000/- eitu vote engzatnge ni a? kan hisap ngai em? chhungkua one lakh thirty thousand eitu ngaihtuah sela; MNF, PC leh ZNP tan chuan sorkar ngaihna a awm lo reng reng, pakla hisap-ah pawh. Chuvang chuan anni tan lawmna tur chu awm lo tiin sawi dik mai thei a ni.

Pu Speaker, ka'n sawi duh pakhat chu Salary chungchangah hei dinglamah zawhna chhanna chungchangah kan sawi a, kan ngaimawh a, kan sorkar hnathawkte salary pung hi sang lutuk kan ti a. Lehlamaah ten thousand vacant post kan nei hi engtinge kan filled up theih ang. Tuna kan sorkarin kan filled up lo ang a, nakinah government pawh ngaihtuah lo, ram pawh ngaihtuah lote an sorkar vaih chuan, Mizoram economic pawh ngaihtuah lo an sorkar vaih chuan an fill up zung zung ang a, a tha lo ang. Chuvangin hei hi a rang thei ang berin fill up dan ngaihtuah a ngai a ni. Ten thousand ni lo pawh 5 thousand emaw 2 thousand emaw chutah chuan thalai tam tak tuna unemployed awm hi kan chhawr thei dawn a.

Tin, Pu Speaker, Dr. Man Mohan Singh, tuna kan Prime Minister, hmana kan Finance Minister ni thin kha Mizoramah a zin ve a, ama puala dinner kan sorkarin a buatsaih ve a, keipawh ka tel ve a sawm zingah khan. Thu pakhat a sawi a, 'it is not so difficult to solve educated unemployment problem, but it is very difficult to solve uneducated unemployment problem' a ti. Lekhathiam unemployment problem solve hi chuti vakin a harsa lo a ti, mahse lekhathiamlo unemployment problem solve chu harsa tak a ni a ti a. Chuvang chuan kan lekhathiam tam tak hei sang tam tak statistical handbook 2010 ka kawl ve a. Heta a lan dan chuan 30 thousand 5 hundred forty unemployed register a ni. Tin 2011-2012 kan nei tawh a hei aiin a sang daih a. Chuvang chuan kan sorkarin NLUP chu miretheite tan kan buatsaih sak tawh a result-te pawh a lang zel dawn a. Amaherawhchu, lekhathiam thalaite tan kan nula leh tlangvalte tan kan sorkarin nasa takin ngaihtuah a ngai. Unemployed tam tak kan neih chuan nakinah social problem-te pawh a tling anga. Chuvang chuan policy mumal deuh siam hi a hun tawh a, hei hi ka ngaihpaawimawh a ni.

Pu Speaker, Mizoramah Industry lamah opportunity tam tak kan nei a. Chutah chuan kan thalaite pawh Industry zirna lamah te pawh opportunity siam sak ila employment hmuh theih nan. Tin, Pu Speaker, ka bial lamah sawn General election-ah chuan kan thianten tih vak loh an tih chu, hmannah Chawngte-ah ka kal a, mipuiten sawi tura min tih avangin ka sawi dawn a. Kan kalkawng khu kuminah sorkarin a siam ngei ngei tur a ni. MNF black top chu a chhe vek tawh, MNF sorkar black top hi World Bank sum atangin black top a ni a, mahse reiloteah a chhia a, quality chu sawi ngai lo. Chuvang chuan kha hna atangin kan tuar tur chu a ni lova, kan sorkarin tha deuhin min siam sak se. Tin, Helicopter service hi a rang thei ang berin min tihsak se, tih ka sawi duh a, elected lamah te sawi ngai lovin Parliamentary Secretary kha chu sawi lovang. Pu Speaker, ka lawm e.

*Speech not corrected.

S P E A K E R : Awle, a lawmawm e, i bawkkhawm thiam e, tunah Pu R.Selthuama.

Pu R. SELTHUAMA : Pu Speaker, ka lawm e. Hei Zofate zinga Chief Minister ni rei ber, term 4 ni thei, experience nei tha kaihhruaina hnuaiah Finance Minister feltak leh zahawmtak, thil ti mai mai lo, ngaihtuah chianga uluk taka ngaihtuah thinin he House-ah hian Budget a rawn present a, a lawm awm em em a, a hmasa berin lawmthu ka sawi duh a . Tin, hun a tam loh avangin a hrang hrangin ka'n sawi anga.

A hmasa berin salary hi kan budget hnukung berah pawh khan zirtirtuten hlawh an lak theihloh thu kan hria a, kum hlui hlawh tur pawh kum thar pawisa atang khan puk lawm mai tur a ni tihte pawh kha kan hria a. Amaherawhchu, tun tumah hi chuan salary

tur hi uluk takin an chhut a, ka hresual anih loh chuan budget siam hian salary vel turah hi chuan a sorkar hnathawk hming an pay leh an allowances tur nen dik thlapa chhut thin kha a ni a; churang chuan khatiang khan an siam chhuak a, chumi daih tur chuan budget-ah dah a ni ta a. He budget hi budget lawmawm tak, sorkar hnathawk, hlawh lo la harsa deuh thinte tan pawh hian a lawmawmin ka hria a, churang chuan lawmthu ka'n sawi duh a.

Tin, a bik takin Plan bik atan hianin crore 416 chauh salary atan hian an dah a, chu chu 18% chauh a ni tih hi kan sawi duh a. Tin, chutih laia kan sawi tel duh hram chu sorkar hnathawkte hian central pay anga kan kal ve avang hian Central-in D.A. hi vawihnih kumkhatah hian an release thin a, January thlaah leh July thlaah. Hei hi kan sorkar hian a hun takah a release ve thei thin lova, tin, pensioner-ho an pek hi Dearness Relief an ti. Hei hi Central chuan a rual vekin a rawn release thin a, mahse hei hi Mizoram sorkarin a release-ah chuan regular-ho hi an ti phawt a, chutah pensioner-ten an nawr fe hnu thla hnih thla thum hnuah an release ve chauh thin a. Hei hi kan Finance Minister hian release ve tho tur a ni a, thla hnih khat hnuah release ai chuan a rual te pawh khan a release sak ve thei mai lawm ni, tih ka'n ngen nghal duh bawka a ni.

Tichuan kan programme pui ber NLUP-ah hian kal ila a tha awm e. Kuminah hian NLUP ringawtaw pawh hian crore 370 kan han nei ta a, hei hi a lawmawm hlein ka hria a, Sorkar leh Pathian malsawmna zarah 1990-91 khan Rural Development-ah Director-in ka awm ve a, chutih lai chuan NLUP bul tan a ni a, chutihlai chuan NLUP-a kan pawisa neih kha crore 12 a ni a, tam hi kan ti ve em em mai a ni. Mahse kan enchiang a, khatihlai 1990-91 khan kan Budget Annual Plan chu crore 125 chauh kha alo ni a ni. Tunah chuan NLUP-ah ringawt pawh hian crore 370 kan han nei ta a, NLUP-a hetia pawisa kan han neih tak azarah hian Agriculture budget-ah a lut a, anni budget alo tam tak avangin RKVY kan han hmu leh thei ta a, chu RKVY ah chuan crore 148 lai kan han hmuh belh thei ta a, chumi RKVY atang chuan crore 40 dang hi convergence hnuah belh leh tur a la ni ta a. Chuti anih phei chuan 370 mai bakah khan crore 40 han belh leh chuan NLUP ah hian crore 410 hi a awm belh leh ta tihna a ni a, hei hi a lawmawm hlein ka hria a. Amaherawhchu, vawiina ka'n sawi leh duh chu, Kristian kan ni hlawm a, inkhawmnaah nangni Kohhran Upaten min kaihruai thin a, Kristmas dawn hnaih phei chuan kan hlasakah hian Hmua lawm apiang mi vannei ber an ni, tih hi kan tuipui hle thin a ni. Vawiinah chuan Budget an pharh a, kan hmu a, lawm ve lote hi kan awm tlat mai a, i veilam amite hi, hmua lawm ve lote hi ti hian hla thar kan siam mai dawn em ni, ka'n ti deuh a. Churang chuan lawm ve lote an nih phei chuan MLA fund atana nuai 25 kan neih thin pawh kha tunah hian nuai 30 ah a chho dawn ta a. Hengte hi a lawmawm tehlu nen an lawm ve loh deuh chuan a lawmlo ho ta hi chu a lawmho tan hian min belh mai dawn em mi Pu Speaker? min belh mai se kan ti deuh a nih chu.

Tichuan NLUP ah hian chhungkua 45159 puih an ni tawh a, tunah 2nd phase-ah 45000 tih leh tur ala ni ta a, chumi chu tunah hian thlan mek a ni a, tin, 1st phase-ah khan kan hote khan helaia i veilam amite khan pawl dang an tel ve lo reng reng, keimahni chauh mai min hmaih a, Congress chauh mai khan an rawn sawi a, khangkha thil ngaihtuah sual niin ka ring a. Kei ka bial Aizawl West III-ah hian chhungkaw 600 NLUP ah 1st phase-ah an tel a, chumi zingah chuan chhungkaw 180 zet mai hi pawl dang an ni a ni. Kan thalai Block thalaite pawhin press release an siam a, a list pawh hi kan siam a, a duh tan chuan en theih a ni e, an ti a. Churang chuan Congress ringawt hian an dawnglo a ni tih hi helai ngei House-ah hian ka sawi chhuak duh a, i vei lama thute tan leh Mizoram mipuite hriat atan sawichhuah ka duh a ni. Tichuan engvangin nge i vei lama thute hian NLUP hi an sawichhiat deuh fo tih hi ka ngaihtuah a, a sawichhe turte pawh hi nihna lai an neive awm mai mange aw, ka ti a. Ka bial chhungah chuan a pawlte chu sawi lo ila, mi pakhat chuan ka pa hi chumi pawl chu

a ni thin a, reitak an sorkar a, an sorkar chhung khan engmah kan dawng lova, mahse Congress an han sorkar a, kei chu mirethei ka ni a, ka inchung tur rangva min pe a, chubakah chuan NLUP min pe bawka, inthlan leh hi chu han awm ta sela chuan Congress lo hi chu vote tur ka hre lo reng reng; anni hi ka vote dawn a ni a ti a ni. Chutiang chiah chuan Aizawl South-II bialtu zahawmtak Col.Z.S.Zuala bialah pawh hian an thenawm lawkah sawn NLUP-ah khan puanthui an thlang ve a, puanthui khawl an dawng a, a puanthui khawl dawn kha a tha ropui si a, a'n lawm em em khawp mai a; aw! ka va han lawm tak em! Pathian hnenah zing tawngtai inkhawmnahte pawh hian tawngtaiin lawmthu min lo hrilhpui teh u, a ti nghe nghe a ni. Chuti khawp chuan a lawmte hi chu an lawm a ni. Tin, pawlkhat tan ringawt a ni lova, NLUP-ah hian mi zawng zawng tan a dawng thei turte tan a ni a, 2009-ah khan YMA hoin Base Line Survey an nei a, chutah chuan chhungkua 160000 (nuaikhat singruk) chuang hret kha dawng theia thlan an ni a. Chumi nuaikhat leh singruk atang chuan tun kan term-ah hian nuaikhat leh singhni tanpui tur a ni a. Chu chu kumin chhung hian nuaikhat leh singhni kha kan hotute hian thlanchhuah nghal turin ruahmanna an siam ta a. Term thar lehah phei chuan kan sorkar zel dawn a ni phawt mai a, term thar lehah chuan a bak kan la thlan bak zawng zawng hi la thlan vek tur a ni a. Chutah chuan kha zawng zawng kha Congress an la nih vek dawn phei chuan pawl dang rethei deuh dawng ve tur hi Congress lo an awmlo tihna a ni ringawt mai dawn a ni. Chuvang chuan kan Congress party-te hi an lo harsa ta deuh bik ang a, a dang hi chu an harsa velo tihna emaw anih loh chuan; an hrethiam duh anih chuan a dawng thei zawng zawngin an dawng vek dawn a ni tih kha a chiangin ka hria a. Chuvang chuan NLUP chungchangah hi chuan kan vai hian kan lawm tur a ni a, lawmna tur hlir a lo ni e, tih hi sa sa ringawt mai tur hi kan ni zawkin ka hria a.

Tichuan bawng chungchangah bawng thite pawh hi an sawi uar a, tunlai phei chuan thildang hi a lenglo emaw tih khawp khan an sawi a. Kan hriat angin nichin khan a sawi tawh a, thenkhat sorkar lai pawh khan vawkte 1500 an lei a, 1500 hi a thi vek a ni. Chuvangin rante hi thi thei an ni, mihring pawh thi thei kan ni, chuvangin han indem vak tur a ni lo. Tunah hian kan Bawng lei phei hi chu 21% vel chauh thi ang a ni, chuti taka han sawisel em em tur a awm lo va. Chubakah a kalkawng pawh a hla a, a phurhna pawh a hla a, Bawng rai laite an lo phur a, chulovah tui duh tawkan an dawng lo bawka, heti khawp hian an harsa a ni a. Kan thianpa pakhat phei chuan kan nupuite ngei pawh hi ni 14 chhung ding chungin rawn phur sela, chaw leh tui pawh khawp kham pe lovin rawn phur sela, an rawn thlen chuan mak mai kan duh awm e, a ti asin. Chutianga harsaa an rawn kal chung pawhin hetiang hi a ni a, mahse, hetiangah pawh hian lawmna tur a la awm ta a ni. Engnge ni lawmna tur chu kan tih chuan, kan Chief Minister zahawmtakin heng ang Bawng thite hi kan pui leh ang a, pek pawh kan pe leh ang a ti a, heti khawpa assurance an pek tawhah pawh hian engahnge an lawm loh, an tan hian vuina tur reng reng a awm lo, chengkhat pawh an thawh ve lohah an dawng a ni a. Keimah ngei pawh hi ka zuk kal ve a, Kolasib-ah khuan Bawng dawng tawhte kan zuk en a, thenkhat chuan an Bawng neihsa kha an la dah tha a, pakhat a thi a, pakhat a la dam a, a tirah chuan a hnute pawh kan sawr a, tunah chuan no a neih dawn hnaih tawh avangin a hnute chu kan sawr tawh lova a ti a, cheng 60000/- in min lei tir teh u, in phal em? ka ti a, phallo an ti a, Rs.65000/- in ka ti leh a, chuti pawh chuan a theih loh no a nei dawn tawh a, hralh chi a ni tawh lo an ti a ni. Chuvangin Bawng pakhat kha Rs.65000/- pawha an hralh phal loh chuan Bawng tha tak a ni ang tih a rin theih a. A piah lehah kan va kal leh a, chutah chuan Bawngpui pahni an neih kha a hnute an lo sawr a, pakhat zawk erawh hi chu kawng lakah a no a thi a, a tirah a sawr theih loh a, a hnute pawh a te a, mahse, tuilum ten kan han dep a, chaw kan han pe a, khatia kan han tih chuan kan sawr ve ta a, nitin 4 litres kan sawr ve thei ta a ni. Tin, kan Bawng pakhat hi chuan note a nei a, nitin 12 litres kan sawr a ni a ti. Chuvang chuan khulai amite chuan nitin 12 litres kha an sawr thei tawh a ni, a bulah pawh chutiang ang tho chu an awm a.

Tin, hmanni lawkah khan ka bial chhunga Bawng lian dawng chu a hmunah ka zuk tlawh a, a neitute pawh an lo awm a, a pahnhin no a nei a, a pahnhin 6 litres ve ve an sawr a ni. Zingah chauh kan sawr a, chhunah kan la sawr ve lo an ti a, engatinge ka tih khan an lo la kal hah hrih bawk a, no vawikhat an neihnaah hi chuan sawr teuh kan tum lo, duat hrih kan tum a, a note te pawh duat hrih hi a thain kan ring a, chuvangin duat hrih kan tum a ni, a chaw vel pek that hi kan tum a ni, a ti a. Chuvangin miin tihtak taka an tih a, kum khuaa an eizawna tur a nih chuan a tirah hlawk thur thur lo mahse, nakina an lo la hlawkna tur a nih chuan sawr teuh pawh kha an tum lo a ni, chutiang chuan an bawngte an duat a ni. Chutiang nilovin a thi tam takte hi an duat tawk lo a ni awm mang e aw!! ka ti a, ka hriat danah phei chuan Sihphira a thi thenkhat phei hi chu 'kan phum' tia an sawi thenkhatte pawh hi phum lova an zawrhte pawh awm ni hial awmin an sawi a ni. Hei hi a dik a nih phei chuan a pawl khawpin ka ring a, chuvang chuan he NLUP bikah phei hi chuan mi zawng zawng hi kan lawm tur a ni ringawtin ka hria a. Chuvangin i veilam amite hi an lawm lo tak tak a nih phei chuan inthlan leh hunah chuan keimahni party hlir hi helaiah hian kan thu ang, i veilama thu tur hi an awm loh phei chuan Pu Speaker i buai khawp ang, helamah hian seat-in a daih dawnlo a nia, tlema an tan ve leh deuhte pawh kha a ngai ang.

Tichuan, thil dang ka'n sawi ve leh lawk a nge. MLA Fund nuai 25 kan neih thin nuai 5-in a pung a, nuai 30 a ni ta hi a lawmawm khawpin ka hria a, hei hi ka sawi ngun ve a. West Bengal-in nuai 150 an nei a, Meghalaya leh Nagaland pawhin nuai 100 an nei a, nuai 100-te hi chu min pe ve ula chuan ka bialah hian hmasawna tam tak kan hmu thei ang, kan ti thei ang ka ti a. Kan hmang tha a, kan member zahawmtak Pu Duha pawh khan an hman that thu kha helaiah hian a sawi tawh a, kan hmang tha tlang vekin ka hria. Chuvang chuan nuai 100 te phei hi chu min han pe ve ula chuan ka bialah saw chuan kan tling reng theiin ka ring a ni, kan ni theuh mai ang. Chuvangin a aia la tihtam theih dante pawh hi a awm em aw, tih hi kan hotute hi ka'n ngen duh a.

Tin, kawng chungchangah hian kalkawng hi a chhe hle tawh hlawm a, kei pawh ka chhuak ve zeuh zeuh va, amaherawhchu, tunah hian kan plan-ah hian kan Finance Minister zahawmtakin kalkawng atan te hian sum engemawzat an dah hi lawmawm ka ti a. Hetiang a nih hi chuan reiloteah kan ram kawngte pawh hi thal a lo nih chuan a tha chho hle dawn niin ka ring. Tin, kan thianpain min ti a, kalkawnga hna an thawh hunah te pawh hian tute Sorkar lai emawa 5%, 3% hetiang an lak ang chite hi kan hotute hian la ve lo sela chuan kalkawngte pawh hi a tha lehzuai mai ang e, a ti a, Chuvangin, kan hotute pawh hian heng kawng atana hna an thawh hunah te pawh hian tha taka thawk turin kan beisei ang a.

A tawp bera ka sawi duh zawk chu School Education-ah hian pawisa an dah tam a, hemi hi a lawmawm ka ti a. A chhan chu School Education lamah hian hlawn lak theih loh tih leh engemaw sawi neuh neuh hi a tam a, tunah hi chuan hemi angah hi chuan an hlawn pawh hi an la vek thei tawh ang a; tichuan tunhmaa Mizo Union hlain, 'Vantlang kan hlim tlang ngei ang', a tih ang deuhin Sorkar hnathawk zawng zawngte leh vantlang pawh hi kan lo hlim tlang ngei tawh ang tih ka beisei a ni e, ka lawm e.

S P E A K E R : Le, tunah Pu P.P. Thawla ko ang.

Pu P.P. THAWLA : Pu Speaker, i veilam amite kan tlem em mai a, hun vawn chungchangah tlemin han haider ve thin la a lawmawm ngawt ang. Kan Finance

Minister zahawmtakin Mizoram mipuite sum tur full budget House zahawmtakah an pharh ta hi lawmawm ka ti a, chu mai bakah nikum lam aia vaibelchhia 600 daiha a tam zawk avangte pawh hian a lawmawm ka ti bawk a, lawmthu ka'n sawi hmasa ni sela.

Kei chu Independent MLA ka ni a, tu sawisel vak hi ka tum lem lova Pu Speaker. Amaherawhchu, hemi kan budget chungchanga tlem ngaihdan rawn thawh ve ka duh chu, heti taka kan plan sum pung si hian, ka thiam ang tawka ka'n zir vein Department 34 vel chuan nikuma an plan sum chan ai khan an tlem deuh vek a; chung a tlem zawkna zawng zawng belkhawm chu vaibelchhia 256.12 lai niin ka hria. Tehkhin nan, Fire Service-ah chuan nikum lam aiin 513 in a tlem a, Art & Culture-ah chuan 201 in a tlem zawk a, LAD Housing-ah nuai 160 lain a tlem zawk a, tin, LAD pangngaiyah 407, Co-operation-ah 303, Power-ah pawh 120 leh SAD-ah 2008 a dang ka sawi seng lovang a. Hun a rei loh nan khatiang khan Department 34 lain nikum lama an hmuh ai khan a lo tlem zawk vek a ni. Tin, Capital Account lamah 12 lai pawh khatiang tho khan nikum an chan ai khan a lo tlem zawk hle a, a vaia belkhawm chuan vaibelchhia 256.12 lai kha a ni.

Tin, kan Finance Minister zahawmtakin budget rawn pharha a thusawi point 39-naah khan plan sum earmark loh zawng zawng atanga hlawh kal tur chu vaibelchhia 416.15 a ni a ti a. Chuti anih chuan earmark lo 690 leh tih atanga 416 han paih chuan a chuang kha 278.77 chauh a ni, kha kha mipuite earmark loh hoin kan lo beisei tur niawm takin ka hria a, ka hriat ve danah chuan a bei tham deuh hlekin ka hria a, chu chu ka'n tarlang duh hmasa a ni.

A dawt lelah chuan Pu Speaker, Mizoram State chhungah hian Micro Minority-ho pathum an awm a, Lai, Mara leh Chakma-ho District Council an nei hrang theuh a, heng minority-ho te tak te council inthlanna Mizoram State Sorkar ruling hoten kan chim huk thin hi chu a in hmangaih thil pawh a niin ka hre lo. Kan bawh lutuk thin a, pa rinawm deuhthe chu kan thut chilh a, kan counseling tlek tlek zel maite, thla em chu ka la lo a, mahse ka mitthlain ka hmu a ni. Chutiangte ka ngaihtuah chuan tu party pawhin he rorelna hi chang se, minority-ho, district-ho rorelna hi chu anmahni inbeihnate khan bei ve mai sela chuan a tha ang mawle, tih ka ngaihtuah a. Chumai bakah khatiangva chim buai nana kan sum sen zawng zawng te, tun kum May ni 3 a Mara District Council Election chungchanga Mizorama ruling MLA 32 rual atangin MDC bial 25-ah khan bial engzat theuh nge an va riah/luh chilh ka hre chiah lo a. Khatiang zawng zawng khan vote thlak hma zawng zawng an awm chilh ta kha chu Minority-ho tan khan a zamawm bawk nen, sum leh pai thawm rivain min tibuai bawk nen, ringtu nih leh nih loh pawh inhriat a harsa tawh a, khatiang kara inthlan kha chu MNF District President-in sum leh pai hmanruaa hmangin an inlei chak a ni a ti ringawt mai pawh kha a awm vein ka hria. Chuvang chuan hei hi ni dang zel atan chuan ching vak tawh lo ila, tichuan fair deuhin an mahniin thlang mai sela a tha lawm ni, tih House zahawm takah hian ngen ni pah bawkin ka han sawi lang duh bawk a ni.

Chutih lain June ni 22 vela kan Mara Autonomous District Council CEM pheih chuan tuna Mizoram Sorkarin min duh sak dan chu a mak a makin kan Budget sum hi a pung a ni, tih kha a sawi a. Inthlanna pawh hi inthlanna awm tawh zawng zawngah a fair ber a ni, tih kan ngaihthlak tawh leh chanchinbua kan hmuh ang kha a ni, a pawh hle mai. Chutih lain Sectoral Breaking up of outlay for Annual Plan 2012-

2013 June ni 14-a chhuah lo lang tawh atang khan Lai Autonomous District Council-ah 1100 tihniam sak an ni a, Mara ADC-ah 900, Chakma ADC-ah 700 a ni. Hetiang taka a mak a makin a pung tia kan lo lawm tawh tehlu nen, chanchinbu lamah lawmthu kan lo sawi tawh hnua hemi Budget bupui lo langah hian nuai 1100 te, 900 te, 700 te han paihthlak tak hi MDC election laia an senso recover-na atan an ti tehreng em ni? Chuvang chuan lawmthu kan lo sawi palh ta emaw ni chu aw! tihte mi ngaihtuah tir ta a ni. Tin, khatianga District Council inthlan lai khan Saiha Circuit House te, Tourist Lodge te, Lawngtlai Circuit House te, IB te chu ruling lampang khan an book vek a, Opposition MLA te pawn thlenna tur an chang lo hial a ni. Khatiang te kha a ni a, thenkhatah chuan counseling class-te kha an ngawrh thei viau a ni. Hetiang tak hian thlarau bo zawng ta ila chuan a ropui dawn mang e aw, ka ti a, ka ngaihtuah a ni. Chu chu Pu Speaker, House-ah hian karawn tarlang leh duh a.

A dawt lehah chuan kum 2007, 2008 bawr vela Zoram mipui tam tak te, Kohhrante pawh kan ni ang, Sorkar tha zawk beisei leh dila kan lo tawngtaina te, hma kan lo lak tawhna zawng zawng atangin kan ngaihthlak fo tawh ang hian, Pathian chhanna alo lang chhuak ta anga kan ngaih thin ruling Sorkar chak tak mai alo ding ta hi Zoram mipui chuan kan thlamuanpui viau a, kan lawm em em a ni. Chutih lai chuan harsatna chi hrang hrang chu a bang bik chuang lo a, kum 4 Budget kan hmang dawn tawh a, kum 1 Budget kan la hmabak a, chutih laia kan chungathil thlengah hian a buaihthlak hlein ka hria. Keini Palak bialtu, thingtlang bialtu tan chuan MLA quota-ah chuan buhfai quintal 2 te, a piah lamah retailer pangngaita nena kan ration pawh chu kan paih bo phal lo a, chutiang hmangte pawhin buhfai kan han dil a, chung kan eizawh tawh hnua special buhfai dil belh tur awm lo khawpa kan Supply Department an tlachham maite hi a thlaphan thlak hlein ka hria a, paw ka ti baw a, special buhfai kan hmuh belh lohna hi a rei hle tawh a ni. Gas lampang han en ilak special permit an titawp thut ang tih, a nachang lo hre ve hek lo, lo inkhaw nachang ka lo hre ve vak lova, kan mirethei VIP-te ho lah khan ka lo khawl chhun ho lah chu an pu chhuak zel si a, ka lo ngam vak si lova, chutiang vang chuan gas lamah ka lo mualpho tep tep a. Hmanniah kan quota an lo sem kha pakhat kan lo dawng ve hlauh a, chuvangin kan Minister zahawmtakte ho hnena ka han ngen duh chu, in khawlkhawm chuangte a awm chuan pakhat tal chu min pe theuh ula a lawmawm hlein ka ring a, chungte pawh chu ka han sawi lang tel duh baw a ni.

Pu Speaker, hei NLUP te hi chu a dawnglo tute kan ni a. Han sawi vak chu ka tum lem lova, amaherawhchu, sorkar eng sorkar pawh nise mipui tana hma kan lak leh kan target kan tumte hi za a za tihhlawhtlin hi chu a har thin a, chung ang kara harsatna lo awm thinah hian tlem han tarlan ka han duh chu NLUP mipui lam tena uluk zawka an dawnsawn theihna atana rulling tena kan fimkhur leh zual nan ka han tarlan leh duh pakhat chu, NLUP thlai tiak chi kan pek te hi kan senso hmun nga a thena hmun khat pawh hi a tak a chang lo emaw ni chu aw, tiin hlauhthawna ka nei a. Tin, Ar In te hi ka zin vei vahna ka bial bikah a lo ni tehreng nge ka hre lova. Ar In lian pui pui ruaka ding ka hmu nual a, chutiang bawkin Vawk In kawng dunga a ruaka ding rei tak tak awm mai maite daifemahte pawh a awm nual baw a. Chutiang chu kan ram mipuite'n hun kan hman dan a ni a.

Tin, Ludhiana leh Harayana atanga bawng kan lak chhohte pawh chu a dawngtu turte pawhin kan nghahhleleh em em, dawng lote pawhin kan va awh em em kha a lo thleng a. Mahse vanduaithlaktakin hri thalo a lo hawn a, bawng tam tak a thih hnua pawh NLUP dawng ve lo bawng an lo dinchhuahpui vete pawh chu vanduaithlaktakin a lo thi teuh

mai tih ka rawn hriat khan a pawl hle mai a. Hei hi ram vanduin a niin, ram roreltute tan pawl vanduin chi khat anih ka ring a, tuarpui tlakte pawl an ni hialin ka hria a.

Pu Speaker, MLA Fund chungchang tlem han tarlan ve leh ka duh a. MLA fund hi nichina ka hmaa rawn sawituin a rawn sawi tak ang khan, Meghalaya chu nuai za te, Nagaland-ah pawl nuai 100, Assam-ah nuai 50, Manipur-ah nuai 50, Arunachal-ah te pawl nuai 50 MLA pakhat zelin an nei a; keini rulling hmasa khan 2005-ah nuai 5, a kum lehah nuai 10, a kum lehah nuai 15, a kum lehah nuai 20-in term a hmang zo a. 2009 sorkar thar khan nuai 5 an belh a, nuai 25 kum 2 chhunga tipung tawh lovin a chawl vang vang a. Tichuan kuminah hian nuai 5-in an pung a, nuai 30 a lo ni ta hram a. A lawmawm em em rualin member-ten kan beisei ang nuai 40 chu thleng tawh tur chu a ni mawle, kan tih laia thleng lova nuai 30-ah kan tawpte hi pawl ka ti a. Hetah hian a kham awm loh hlein ka hria, a chhan chu MLA 40 rualin kan fund hmang hian mahni bial uluk takin kan vil thei a ni a. Rulling a ni emaw, opposition a ni emaw kan vilna hmanrua anih avang hian a ngaihpawimawhawm lehzualin ka hria a. Heng hi term laklawhah te pawl hian kan hotute thatna azarah chuan tihpun theihte pawl a ni tho lawm ni, nuai 5 te han belh leh rih ila, nuai 35-te pawl lo ni sela, a la daih tho ang a, tih beiseina ka nei a, chung pawl chu ka tarlang duh bawk a ni.

A dawt lehah chuan Pu Speaker, Education lamah tlem han kai ta ila. Education hi kan ramah chuan Industry pawimawh tak mai pakhat a ni a. Primary atanga High School, College thlenga ka tarlan duh chu, hmanni lawk khan Saiha District-a school hmasa ber leh pawimawh ber mai, Saiha Government Highier Secondary School naupang hovin Geography te, Science teacher-te an neih that loh avanga sorkar min zar buai thu kha chanchinbuah te kan hria a, T.V-ah te kan hria a, kha kha a message-te pawl ka dawng tam viau a ni. Hetiang hi a lo awm chhan bera ka hriat chu, zirtirtu kan lak dawn hian interview conduct loh theih a ni lova, MCS tlinglo hote, competitive exam cho zak zakte hovin High School teacher laknaah an lo tel ve, Saiha district chhung ami, degree-ah chuan qualified ve tho mai, mahse competition-ah chuan mark hmu tlem deuh si hote lak ni silova, a thiam thiam kan va lak hian an awm tha duh chuang si lova, hna an va join a, thla hlawhah an lungawi a, Aizawl khawpuiah inkhungkhawm leh an tum thin a. Chutiang avang chuan Thingtlang khua sikul-ten kan lo tuar ta thin a. Kan zirilaite an thiam tur ang pawl thiam lovin, mite compete pha ve tur pawl compete pha lovin harsatna tam tak an lo tawk ta thin hi pawl ka ti em em a. Chungte chu kan House zahawmtak hian kan hriat a pawimawh hlein ka hria a, chu chu Pu Speaker, ka sawi duh a ni e, ka lawm e.

S P E A K E R : Aw, a lawmawm e, tunah chuan Pu Joseph Lalhimpuia i lo ko ang.

Pu JOSEPH LALHIMPUA : Pu Speaker, ka lawm e. Member zahawmtak takte khan general discussion anih angin an ngaihpawimawh zawngte budget reflect deuh te pawl an tarlang a. Tawite, Point panga emaw lek Pu Speaker, han tarlan ve ka duh a.

Pakhatnaah chuan kan hriat angin kan Chief Minister kaihhruaina hnuaiyah kan Finance Minister zahawmtakin budget speech-ah pawl a tarlang a. Mizoram State kan nih hnuah Plan budget pun tamna ber a ni a ti a, 35.29 % in a pung a ni, kan lawm hle a. Heng hian kan Chief Minister zahawmtak keini a nau te, politics-a amah zuitute'n kan sawi fo thin, Central Sorkar hotuten an ngaihpawimawh a ni. A tlatlum a ni, kan tih thin kha vawiinah pawl hian a takin a rawn lang leh a, lawmawm ka ti hle a. Tin, kan Finance Minister zahawmtakin ruahmanna fel tak, tinzawn leh tum nghet tak neiin budget-te a rawn ruahman a. Heng kan

han hmu te hi lawmawm ka ti a, a hmasa berin lawmthu ka sawi a, ka support thu ka han tarlang duh a ni.

Budget chungchanga ka tarlan duh chu Kuthnathawktu, lonei mite leh eizawna nghet neilo chhungkuate tana malsawmna budget lo awm ta hi lawmawm ka ti a. Member zahawmtak takten an tarlang tawh a. Vawiiinah hian kei pawhin ka lawmthu ka han sawi nawn ve leh a ni. NLUP-ah vaibelchhe 370 lai dah a ni a, kum hmasa aiin 58.12% lain a pung a. Tin, RKVY-ah convergence turin vaibelchhe 40 lai pek an ni bawk a. Tin, RKVY-ah scheme hranin vaibelchhe 148.55 pek kan ni a. A vaiin heng zawng zawng hi kuthnathawktute, chhungkua eizawna nghet nei loten eizawna nghet an neih ve theihna tur atan, a awlsam zawngin mi harsa chhungkuate hnena lut tur a ni. Budget pumpui atangin 24.26% a ni a. Vaibelchhe 558.55 lai a ni. Hetianga thingtlang mite leh eizawna nghet nei lote mi harsa zawk, Zoram chhung ami kan Mizo unaute hnena an indawmkanna tur leh an inchhawmdawlina tur atana ruahmanna kan Finance Minister-in a'n siam te, chumi ruahmanna chu kan Central Sorkar pawhin tha an ti a, kan Chief Minister zahawmtakin a zuk ngen leh a zuk thlente a taka min lo tihhlawhtlin sakte hi a lawmawm hlein ka hria a. Hei hi a hminga ram hruaitu, ram rawngbawltu, mipui rawngbawltu ni ve tan chuan lawmthu sawina tlakah ka ngai a, lawmthu ka han sawi tel a ni.

Pu Speaker, kum liam ta mai khan Manipur-ah National Highway thla 6 dawn lai an dang ping a. Hmanni lawk khan Manipur-a an Addl. Chief Secretary a lo kal a, chaw kan ei dun a, kan ti ti a. Chanchinbuah te, paper-ah te, Television-ah te kan hmu a. Manipur-ah "In khawpui ber panna, National highway thlaruk dawn lai dan pin hi a ni tak tak thei dawn em maw ni le? Engtinng e leh inte pawh in lakluh theih le?", ka ti a. 'Manipur, a khawpui, a phai ramahte hi chuan kum khat pawh hi min dang char sela, petrol leh gas tih lohah ei leh in turah hi chuan kan intodelh tlat a ni,' a ti a. Ka ngaihtuahna a kal thui khawp mai. Kan Finance Minister zahawmtak, Agriculture changtu ni bawkin kan intodelhna atan te, ei leh in tur thar chhuah tur mumal buh kan neih theihna tur atan te ruahmanna thui tak neia min kalpui hi vawiiinah hian chipchiara sawi a chakawm hlein ka hria a. Manipur-in an experience tawh atangin keini pawhin chutiang intodelhna turin hma kan pen mek a ni tih te ka'n hria a. Sorkar hmasaah kum thum chhung intodelh turin an hotupa ber, khatih hun laia kan Chief Minister-in a sawi a ni awm e. Amaherawhchu, vawiiina kan dinhmun kan hria a. Vawiiinah chuan kan Finance Minister leh kan Agriculture Minister zahawmtak chuan chutiangin an sawi ve hauh lo, buh thar tam kum te an puang a. Loneitute lo zawhnaah te, buhsengtute buh sengnaah a hmunah an kal chilh a, loneitute an tiphur a. An kut tha an tichak a, anmahni tanpui turin power tiller-te leh subsidized thil tam tak an pek bakah NLUP-ah nasa takin anmahni tan ruahmanna an siam te hi a taka hnathawk mi an nih zia a langin ka hria a. Pu Speaker, chu chu ka han sawi duh a ni.

Tin, a pathumnaah chuan Infrastructure development, road communication leh power generate lamah kan sorkarin priority daha hma a'n la hi a ropui ka ti hle a, a lawmawmin ka hria. Road improvement, road network-ah hian Budget Speech-ah khan kan hmu a, Vaibelchhe 329.37 dah a ni a. Hemi piah lamah hian World Bank atang te, Asian Development Bank atangte pawhin engngemawzat puk tur sorkarin ruahmanna a la siam a. Road Improvement Network atana pawisa dah ringawt vaibelchhe 329.37 pawh hi nikum kan Budget aiin za zelah 169.51 zetin a tam a ni. Hei hian Pu Lal Thanhawla kaihhruai sorkarin inkalpawhna kawng tha, development leh thingtlang mite nena kan inkalpawhna kawng tha a ngaihpawimawh zia a lang chiang hlein ka hria a.

Tin, Power chungchangah, nichinah kan member zahawmtak, Parliamentary Secretary, Power changtu khan a tarlang tawh a. Palatanna leh Bogaigaon-ah 400 KV line lakna chungchangte pawisa vaibelchhe 300 zet dahin a nghawng turte pawh kan hria a, a lawmawm hlein ka hria. Tin, Lunglei pa nih chuan, Pu Speaker, Lunglei chauh pawh ni lovin Serchhip chhim lam zawng sawn 32 power line KV kan tih hi Zuangtui atangin Serchhipah, Bukpuiah, Lunglei, Lawngtlai, Saiha-ah te a kal zel a ni. Bukpuiah emaw, Zuangtui emaw a fail a, a chhiat hlauh chuan chhimlam zawng zawng saw kan thim vek zel a ni. Chumi diversion a awm theihna tur atan pawh chuan kan sorkarin DoNER Ministry hnuai Aizawl, Thenzawl road lamah 32 KV line hmanna tur ruahmanna a'n siam leh a. Hengte hi a lawmawm hlein ka hria a. Power hi kan intodelh hunte pawh a awm ngei dawnin a lang. La intodelh rih lo mah ila, intodelh pawh ni ila, phailama kan thawnchhuah te, kan hralhchhuah te a ngai tawh a. Mithiamin tunlai khawvel hi chu Global village a ni an tih avangin hetiang inkalpawhna tha leh power inthlunzawmna tha sorkarin ruahmanna kawng khat a fail pawha kawng dang la awm thei tura ruahmanna a siamte hi a lawmawm hlein ka hria a.

Tin, chubakah Serlui 'B' Hydel Project te, Tlawva te, Tuivaite pawh, a then chu thawh mek te, thawh tan tawhte; tin, Lungreng te, Chhimtuipei te, Mat, Kolodyne Phase-II te, Tuirini leh Tuivawlte pawh hmalak mek a ni tih kan hria a, a lawmawm hlein ka hria a. Pu Speaker, power chungchangah te, road communication chungchangahte kan sorkar hmalak mekna leh a hmachhawpte hi mipuite hian a lawmawm zia an hrechiang lovang tih ka hlau va waviinah hian, lawmthu ka sawi a ni.

Tin, a palinaah chuan Pu Speaker, saptawng thiam lo berin saptawng ka hmang fo mai a, Grassroot level planning an ti a, planning lampang thiam mite chuan. Tin, power to the people-te an ti a, decentralization of powers-te an ti a, kan Chief Minister zahawmtak kaihhraina hnuai heh hi a takin a thlang mek a ni tih kan hriat nawn a pawimawhin ka hria a, chu chu waviinah hian lawmthu ka sawi rualin ka sawi duh a. Nikum hmasa khan Mizoram sorkar tirhin Nagaland-ah decentralization an kalpui dante zirin kan hotute nen kan kal a, chungah chuan thil hmuhchhuah tam tak kan nei a. Pu Speaker, waviina M.P. Fund kan tih te, MLA Fund kan tih waviina kan Finance Minister zahawmtakin cheng nuai sawmthum zet mai min pekte pawh hi Nagaland atanga lo intan khu a ni a, naktuk maia India ram hotupa ber President ni mai tur Pu Pranab Mukherjee-a, Planning Commission Dy. Chairman anih lai khan Nagaland-ah kalin Nagaland-a an MLA-ten an bial enkawlna tur pawisa an ruahman te kha a hria a, chumi atang chuan M.P. Fund-te a lo chhuak a. Tichuan, keini pawhin kum 2006-2007 sorkar kum atang khan MLA Fund bial tinah nuai 10 sorkarin a dah ve ta a, chumi hmang chuan MLA-ten mahni bial chhungah, ka hriat sual loh chuan bial dangah pawh a nih ve tho ka ring a. Pu Speaker, keimahni bial chhunga khua zawng zawng hi kan MLA Fund hian a tlawh chhuakin, a dengchhuakin ka ring a, chuvangin MLA Fund waviinah cheng nuai 30 kan nei thei turte hi a lawmawm hlein ka hria a, hei hian Mizoram khua zawng zawng a dengchhuak pawhin ka ring a ni.

Tin, NLUP kha nichinah ka sawi tawh a, NLUP-ah hian beneficiaries ho hian anmahni eizawna turte hi anmahnin an thlang vek a ni. Engemaw rokhawlhna leh harsatna bik avanga anmahni awmna hmunte nena cluster remchang lote siamrem ngai anih chuan tlemte siamrem a ni a, a bak hi chu ka tui zawng a ni, hei hi ka eizawna a ni, ka nu leh pa, ka pi leh pute atangin helai huana

eizawng mi kan ni. Chutiang ran vulh mi chu kan ni, khawla eizawng chi kan ni tihte anmahni duhthlanna ngein an thlang a ni.

Tin, District Empowerment chungchante tarlan a ni a, Lunglei High Power Committee tan pawh vaibelchhe 6 zet mai pek kan ni leh te hi a lawmawm hlein ka hria a. Tin, chu mai nilovin Election manifesto-ah Congress Party-in a dah ang takin District Planning Committee-te siamin District pangaah pawh vaibelchhe 5 ruahmanna an han kalpui tan a, a lawmawm hlein ka hria a ni. Pu Speaker dt. 6th Sept., 1996-ah khan Lunglei High Power Committee hi sorkarin a din a, chu Highpower Committee kum sawmhnih leh pahnih liam taa din hmasak berah chuan Member Secretary, Vice Chairman bakah member pahnih an awm a, chumi member pahnih zinga member pakhat chu vawiina kan Speaker zahawmtak hi a ni tih House ka hriattir duh a ni. Vawiinah he sorkarah kum 3 liam ta atangin Lunglei District hmasawna tur atan a hminga din mai nilo khan sorkar hmasaah rei tak kalpui hleihtheih lovin a lo awm a, kum 10 zet mai. Chumi hnuah kum 2008-2009 kan sorkar hnuah vaibelchhe hnihin bul min tan sak a, vawiinah hetiang hi kan thleng ta a. Chutiang zela kal turin District dangah pawh ruahmanna tun Budget-a siam a ni te hi a lawmawm hlein ka hria a.

Tin, nimina zawhna leh chhannaah khan kan LAD Minister zahawmtak khan 13th Finance Commission atang pawhin pawisa vaibelchhe engemawzat Local Council-ah te, Village Council-ah te an account-ah dah a ni an ti a. Pu Speaker, ka sawi duh ber zawk chu Pu Lal Thanhawla sorkar hian mipuite hnena thuneihna hi a takin a pe a, a hlan mek zel a ni, tih hi he Budget-ah pawh hian a lang Chiang hlein ka hria a, chu chu ka han sawi duh a ni.

Pu Speaker, a tawp ber dawttua ka sawi duh chu minute 2 chhungin ka sawi zo hman turah ka ngai a. Visual earth promotion chungchang hi ka tarlang duh a ni. Bul tan nan nuai 20 an nei a ni. 24th Century-ah hian thalaite khawvel a ni tawh a, vawiin kan thalaite incheina te, an sam meh duh dan zawngte leh an nunphung zawng zawng deuhthaw hi film atanga kan lak a ni, Holy Wood/Bollywood film-a a changtute tih dan emaw, hmundang atanga an chan dan an lak a ni. Vawiinah hei hi a pawimawh zia hriain kan Finance Minister zahawmtakin thalaite kawng dika inhruai thei turin visual earth lam atangin bul tanna tur a dahte hi a ropui hlein ka hria a, lawmthu ka sawi duh a ni. Kan bialah sawn tunlai hian film ropui tak mai tur Khawnglungrun an siam a, hmanni lawk pawh khan Face Book-a trailer-te kan en a, a hmuhawm dawn hlein ka hria. Visual earth promotion hian kan ram thalai tam tak a motivate dawn a ni tih ka hria a, ka lawm hle a ni.

Pu Speaker, Lord Krishna Academy chungchang kha tawitein tarlan ka duh a, a hming atang khan a tuiawm loh pawh a ni mai thei a, amaherawhchu, kum khat emaw lek kan kalpui chung khan Lord Krishna-a coaching la te zingah MCS-a tling pahnih an awm tawh a, MPS-a tling pakhat an awm Mizo Finance Accounts Service-ah 2 an tling tawh a, tin, Planning Economic-ah pakhat a tling tawh a, MIS-a pahnih, Employment Officer-ah pakhat, MZU-ah leh Office-ah mi pasarih lai an tling tawh a ni, tih hi kan House zahawmtak pawh hian kan hriat a pawimawhin ka hria a ni.

A tawp bera ka sawi duh chu budget speech-a lang chiah lo pakhat, tunlaiin Chanchinbu leh social network-ah te, Face book kan tihah te, thalai leh nu

leh pa tam takin kan ngaihdante kan post thin a, a lawmawm ka ti, free society kan ni a. Amaherawhchu, Pu Speaker, thil ka ngaihtuah a, face book kan han en a, chanchinbute kan ramah hian lawmna tur a awm tawh lo emaw ni le, tih mai turin negative hlirin thil kan zia a, kan sawi a. Ka ngaihtuahnaah chuan kan fate kan tute nakin lawka kan ram hruaitu turte hian Mizo ka lo ni hi ka van inchhir em! tihna thinlungte hi an neih phah hi ka hlau a ni. Chuvang chuan hemi lama thuziak thinte chuan, ka rilruah chuan Mizoram anga lui tui, tui thianghlim hi khawngge kan hmuh tawh ang, sik leh sa nuam tlangte hi khawiahnge kan hmuh tawh, hmannah pheih chuan chanchinbumi kan thian lo lengte hnenah tiang hian ka sawi a ni, sorkar kan fak duh lo anih pawhin kan Kohhran kalphungte, kan NGO kalphungte, Mizo tlawmngaihate, kan tlang kan ram mawi zia te, kan luitui tuizia te, kan thei tui ziate hi tarlang ila; Mizo ka lo ni hi ka van vannei em, Mizorama ka lo piang hi ka van vannei em, miin kan tihna tur hian a tha zawngin ngaihtuahna i seng ang u. Vawiina naupang te te hian Pu Speaker, thuziak an han chhiar ang a, politician te, kohhran hruaitu te, kan khawtlang hruaitute sawi selna hlir a ni, a siamthat tum aiin a sawiselna tawngkam uchuak deuh deuh te pawh ka hmu thin a ni. Hetianga kan kal chuan tuna naupang te te te chuan Mizo nih an zak ang a, Mizorama awmte kan zak ang tih ka hlauva; chuvangin he rorelna zahawmtak hian general discussion-a remchang lain ka'n sawi duh a ni. Pu Speaker, a khaikhawmna atan chuan hetiag budget ropui tak maiah kan ram mi harsa te, miretheite khai chhuahna tur hi ka support-a lawmthu ka sawi rualin kan rama thilte hi in chawimawi tlang ila, thil titha fak tlak fak ila, chu chuan kan ram kan neih chhun a siam nuam leh zual ang tih ka ring a ni.

Pu CHAWNGTINTHANGA : Pu Speaker, ka lawm e. Hon'ble Finance Minister Budget Speech kha ngaihtlak a nuam a, dam sawng sawngna budget speech a niin ka hria a ni. Hisap lawk loh buhfai mipui tana leina tur man tam tak sen ngai te, Electric power leina te, education-a sen tam tak sen ngai te, tui thianghlim in tur mipuite tana pek tur tam tak senso ngaihna te leh sorkar hnathawk 54352 6th pay revision pek avanga senso sang tak, manganthlak takte leh hahthlak tak mai te, hetianga harsatnate sukiang pah zela, rem hre taka thahnemngai taka hetiag budget ropui kan hmaah an rawn pharh chhuak thei hi kan Chief Minister zahawmtak leh kan Finance Minister zahawmtak hi an hnenah lawmthu ka sawi a ngaiin ka hria.

Vawiina kan budget pumpuiah chuan vaibelchhe 5327 leh nuai 24 sing 6 sang 7 a ni a, a ropui khawp mai, Plan lamah hian vaibelchhe 2300 zet kan hmu a, kan thianten an sawi tawh a, a detail-in kan sawilo anga. Ka sawi duh lai tak chu he plan allocation hi kan hotute hian tihtakzeta mipui thleng phak, mi harsa zawkte rawngbawlina atan an siam a ni tih hi ka sawi duh a.

Pakhatnaah chuan Agriculture-ah leh Allied sector-ah tam tham tak, crore 500 telin an dah chho a, Rural Development-ah chutiingin crore 49, special area programme crore 96, Irrigation and flood control-ah crore 115 aia tam, Energy crore 96, Industry-ah 93, Transport-ah 335, Communication-ah 3.62, Science & Technology-ah 1.28, General Economic Service-ah 181.49, Social Services-ah 715.83, General Services-ah 10.88 te in allocation an siam a. Mipui leh kan ram hmasawna tura thiam taka kan hotuten allocation an siam hi lawmthu sawi tlak niin ka hria. Tin, kan Finance Minister zahawmtak Budget Speech-ah khan a lo lang a, Economic survey 2011-2012-ah khan kan State economy hi service sector-ah a thang bik a, service sector hian a dominate a, 60.45% a luah a, a hnungah Industry sector leh Agriculture sector-ten an zui ve mai mai a ni tih kan hmu a. Chuti anih

chuan thil chiang tak lo lang chu, Pu Speaker, Agriculture-ah leh Allied sector-ah te, Industry-ah te hian hmasawna tur tam tak hmabak kan nei a ni tih hi a chiang em em a; chumi chu hrechianga Agriculture-ah leh Allied sector-ah te thingtlang lampang develop-na atan te, special area programme atan te tam tham tak allocation an siam hi a fakawm hlein ka hria a. Tin, he mamawhna hi sorkar hian a hrechiang hle a, Agriculture leh Allied sector lungphum felfai taka lo rem thlap tawh nghe nghe a ni. 2010-1011-ah khan crore 230 min pe a, kuminah erawh thung hi chuan crore 370 chu mai pawh chu duh tawh lovin additional allocation-in RKVY-ah khan crore 40 kan han dah belh a. Tichuan family oriented scheme leh programme liau liauah NLUP hnuai hian crore 410 zet hnathawh theihna kan hotute hian an dahin ka hria a, a ropui takzetin ka hria a. Tin, industry-ah te hian 93.84 an dah bawh a ni. Kan hriat theuh angin kan ram chhungah hian chhungkua 70% vel hi eizawna ngelnghet neilo harsa taka inham hram hramte an ni a. Kan sorkar hotute hian heng mite economic din hmun hi kan siam that hmasak phawt loh chuan a ram economic hian siam that awmzia a nei lovin an ngai thin a. Chuvang chuan hetiang taka hma la chho hi an ni a, chhungkaw tin te, mi harsa zawk 70% vel family-te eizawna mumal an lo neih a, an ecomonic dinhmunte siam that a lo nih chuan khawtlang hmel a lo danglam ang a, ram hmel a lo danglam dawn a, chu chuan kan ram hmasawna kan duh em em, kan auhpui hi a lo thlen dawn a ni tih an chiang hle. Tichuan, mitinin kan au chhuahpui miretheite thlengphak budget, mipuite thleng phak budget kan tih hi a thu mai nilovin vawiinah hian Pu Speaker, he sorkar hian a tak takin a kalpui ta kan hmuh hi a lawmawm takzetin ka hria.

Tin, ka'n sawi leh duh chu kan Zoram thang zelah hian mihring pawh kan pung zel a, zirna in a pung tual tual a, thawktu an pung tual tual bawh a, sum leh pai mamawhna a pung tual tual a ni. Tun hun takah phei chuan Indian citizen kum 14 hnuai lam tan chuan education hi legal right a ni hial tawh a. Right of children to free and compulsory education act a lo piang a. Hemi dan ang chuan mihring khawsakna apiangah human habitation-ah hi chuan zirna hi a umin kan um a ngai tawh a ni. Chuvang tak chuan zirtirtu kan mamawh tam a, sikul a lo pung a, kan mamawh a tam bawh a, thuam thara thuam a har em em a ni tih kan hria. Chuvang chuan Education Department-ah hian indaih lohna nasa tak a awm chhova, kan Chief Minister te, Finance Minister-te leh Planning lamte uluk taka ngaihtuahin heng harsatnate hi sukiang turin an bei fat fat a ni. Hetiang taka harsatna kan tawh lai hian kan MNF unaute khan thil ngaihtuah chianglovin hmanhmawh takin thuthlukna an siam ni awm tak a ni a. 2008 bawr velah khan sikul 337 kha engtianga chhawm nun zel tur nge ni ang, tia ngaihtuahna chiang tak leh kalphung fel tak siam lem lovin min upgrade sak a, 2009-ah khan an uiawm hle na a, anni khan min peih loh san dial si a, min tin san ta vek a. Tichuan tun hunah hian chu mawh rit tak mai chu kan phur chho a ni a. Kan Chief Minister zahawmtak leh kan Finance Minister zahawmtakten uluk taka theihtawpa beiin sum tam tak min sual chhuah sak a. Kan kal chhoh theih nan School Education Department-ah hian crore 223.32 te, Higher & Technical Education-ah hian crore 52.23 te; tin, naupangten an mamawh em em kan buaipui Scholarship Board tanpui nan crore 5.23 min han pe te hi a lawmawm takzet a. Kan Chief Minister leh kan Finance Minister hi an hnenah lawmthu sawia fak mai tur kan ni tih hi ka han sawi duh nghe nghe a. Tin, infiamna (sport) ah hian .2984 crore dah a ni a. Infiamna hi eizawna tlak a ni ta tih kan sorkar hian a hria a. Tin, chu mai bakah film industry atan khan 20 lakh dah a ni bawh a ni.

Nichinah khan kan member zahawmtak Pu Liantlinga khan Sports lama 29.87 lek awm hi human resources development he sorkar hian a ngaipawimawh lo ang deuh khan a sawi a. A lak chin leh a reh chhum chin a tlem deuh em ni aw, ka ti a. Human resources development hian a huam zau em em a, a hmaa ka han sawi tak Education Department-te hi human resources development khawihitu lian ber department a ni a. Vawiin thleng hian

Education Department hnuaiah hian co-curricular activities-ah hian sports a la bet tlat a. Chutiang chuan Education Department pawh hian a kalpui zel a ni a. Education Department-ah chang lo, Sports hi sikul kal tawh lo tan pawha hmasawna a nih theihna atana thanhnemngai tak leh thalaite duhsak taka kan Ministry-in crore 29.87 sports a dah maite hi a ropui a, lawm mai tur kan ni zawk dawn lawm ni, tih hi ka han sawi duh a.

Tin, chubakah Film industry hi nichinah khan kan Member zahawmtak Pu Joseph Lalhimpuia'n a rawn sawi tawh a, a pawimawh khawp mai a. (SPEAKER : Minute hnih hun i la nei.) Ngawi rawh, ka pu, khawngaih takin sawi ve hi ka duh a, ka dil belh dawn che a. Nimin lamah khan Member zahawmtak Pu Lalthansanga khan LPG tlakchham avangin electric kan ru nasa lutuk a, transformer a kang chhe nasa ti ang deuh khan a sawi a. Khatianga sawi a nih chuan ka ngaihtuahnaa lo lang chu engatinge aw, mahni ta electric current kan lo ruk mai thin le? Neitu nihna rilru hi kan pu tur a ni zawk dawn lawm ni? Zorama engkim mai hi a neitu kan ni a, kan ta a ni a. Neituin a thil neih venghim tur a nih laia a rutua kan awm mai chu a dik lovang a, tih ngaihtuahna ka nei a. Ram rorelna kaihruiatu, keini MLA-te kan nihna ang pheih chuan mipuite hnenah kan thil neihte hi dik tak leh tha taka hmang a, venghim tura zirtir fan fan hi kan kutah leh kan chungah hian a tla nasa em emin ka hria. Ani sawi dan kha chuan kan Chief Minister khan thawk leh khatah eng pe mai thei tur angin a beisei a nih chuan kan Chief Minister zahawmtak hi sekibuhchhuak a nei bik lova, Vairawkela khuangte han benga 'chhuak rawh pip' ti thei a nei bik lo. Theihtawkin power-a kan intodelh theihna turin hma a la zel a. Tunah hian nasa takin hma a sawn chho zel a. Kan Finance Minister zahawmtak Budget Speech-ah pawh khan hmasawna tak nei tur chuan power-a kan intodelh hmasak hi a ngai a ni, tih a sawi nghe nghe kha.

Tunah hian Serlui Hydrel Project hi commissioned a ni tawh a. Tlawva te, Tuivai te, Lungrang te, Chhintuipui te, Mat te, Kolodyne te, Turibari leh Tuivawl te nasa taka hma laka beih chhoh mek, Electric power-a kan intodelh nan hian kan tum a, he sorkar hian. Chumi atan chuan kan Chief Minister, Power Minister ni bawh leh Finance Minister-te hian theihtawpin an bei ngat ngat a ni. MNF ministry khan kum sawm an lal chung khan power lampang hi an ngaihthah deuh emaw ni, a cheng lampang kha an hmu lian zawk a ni ang, khami avang khan Tuirial Hydrel Project kha hlamchhiahin a awm nghe nghe a. Tunah hian kan bei thar leh tlut tlut a ni a, tha taka complete chu ni sela chuan tunah hian kan chhit tur na na na chu phai atanga lak ngai tawh lo tur a ni a.

Tin, a dawt lehah chuan... (SPEAKER : Dar 4:00-a kan ban a tul dawn a nia, nimin lamah in sawi tha duh mang silo) Pu Speaker, khawngaihtakin helai hi ka han zo ang e. A pakhat lehah chuan, member pakhatin he budget ropui leh lian tak mai lo piang hi chhiah nasa takin min khawn sak a, tam tak kan pe a, chumi avanga siam thei mai in ni, ti ang deuh khan a sawiin ka hria a. A nilo asin mawle, kan chhiah pek State on tax revenue receipt budget-ah khan a lang reng a, vaibelchhe 190 leh nuai 42 chauh a ni, keini'n kan thawhchhuah ve theih chu. Chuvang chuan kan thawhchhuah theih hi a la tlem em a, mamawh kan ngah nasa si a, chuvang chuan tuna ram hruiatu MLA-te hi chuan kan mipuite hi kan zirtir tur a awm; keimahni hi thawkchhuaka intodelha hmasawn tur kan ni e, tih hi thahnemngai taka kan inzirtir a ngai. Phai rama vai hnenah kan ram hmasawna tur leh kan chhungkaw hmasawna tur te, kan intodelhna turte hi dila sawichhuak tur ringawt kan ni lova, keimahni hi intodelh tur kan ni a, kan ram siamtu tur kan ni a, kan ram hi develop-tu tur kan ni a, chuvangin inpekna thinlung leh tihtak zeta inpekna thinlung leh neitu thinlung puin kan insiam thar leh a ngai a ni, tih hi ka sawi duh a.

Tin, tam tak zingah High Power Committee Lunglei-ah tam tak mai pawisa pek a ni a, Aizawl, Champhai, Mamit leh Kolasib, Serchhip District panga tan nuai 50 pek a nih bakah Sinlung Hills Development Council Fund atan he House-ah ngei pawh nikum lampanga kan au pui nuai 250 min pek hi a beitham deuh hlek e, kan ti a, chu chu ngaipawimawhin nuai 300 min han dah sak hi a lawmawm ka tia, a ropui a, kan Finance Minister hnenah hian lawmthu ka sawi a. Ngaihsak lo leh ngaihthah hlea inngai hmun kilkhawra hnam chengte, tin, Sialkal tlanga chengte tan pawh nuai 50 pek kan ni a, hengte hi ngaihsak kan hlawh a, a takin min tuam hlawm dawn a ni tih a lo lang hi lawm mai tur leh lawmthu sawi tur kan ni tih hi a chiang hlein ka hria a, kan Finance Minister-in budget a rawn pharhah hian lawmthu sawi pahin ka rawn congratulate a ni e, ka lawm e, Pu Speaker.

S P E A K E R : Pu Zothangliana`n a phar a, Dr.Lalthangliana`n a phar a, kan hun khi khiti khi a ni a, Pu Zothangliana ko phawt ang aw. Sawi zung zung teh se.

Pu H. ZOTHANGLIANA : Pu Speaker, min ko lo mai dawn emaw ka ti a, min ko hram a, ka lawm e. Ka`n sawi zung zung dawn ang e. Kum 1900 niloin, Kum 2008 kum tawp dawn lama Congress sawrkar Pu Lal Thanhawla kaihruai lo din atang khan kawng hrang hrangin kan ram hian nasa takin hma kan sawnin ka hria a, Budget buatsaih dan, document kimchang zawka buatsaih danah ringawt pawh hian sawi dawn ila, sawi tham hmasawna a awm a ni, tih zawngin ka`n kaitawi teh ang.

A pahnhnaah chuan 11th Five Year Plan kum 2007 atanga 2011 chhung khan Planning Commission-in min beisei aia thain kan GSDP hi a pung a, thil lawmawm tak a ni. Chu chu kan Chief Minister zahawmtak leh kan Finance Minister-te rem hriatna, thahnemngaih thiamna vangte niin ka hria a, an hnenah lawmthu ka sawi a ni. Kumin 2012-2013 chhung pawh hian kan budget-a a lan danin GSDP hi 10% vela pung tura beisei a ni a, chu chu Finance Commission-in min beisei dan pawh a ni a, hun kal tawhte kan thlir letin he kan beiseina hi tihhlawhtlin a ni ngei ang tih a rinawmin ka hria a, a lawmawm, a thlamuanthlak khawp mai.

Hun kal tawh chhui let lawk ila, nikum 2011-2012 chhung khan Revenue Surplus kan neih hi vaibelchhe 193 leh nuai 67 a ni a. Tin, kan Fiscal Deficit kha vaibelchhe 490 leh nuai 86 a ni a. Surplus Revenue kan neih hi a tira kan beisei aiin a tlem a ni. Chutih laiin kan Fiscal Deficit hi rin aiin a sang ta dawrh mai bawk a ni. Chu chu nikum lama kan performance a tlem a, helhkam awm deuh lai a ni. Amaherawhchu, hei hi Financial Management thiam loh lampang vang pawh niin a lang lova. Kan hriat angin Sixth Pay tharte sorkar hnathawkten an lo enjoy a. Chutianguin buhfai lei nan, Power lei nan, man tlawm tea tui sem nan han tih ang chiah te sorkarin nasa taka sum a sen belh avanga Revenue Surplus-te hi beisei aia lo hniam deuh a, Fiscal Deficit-te pawh hi duh aia lo sang ta deuh zawk chauh a ni, tih kan hriatthiam tlan hi a pawimawhin ka hria a. Chung zawng zawng belh chhah chuan kan Member zahawmtakte pawhin an lo sawi tawh ang khan Education Department-a ruahmanna mumal awm hlek lova sorkar hmasain school 337 zet mai hlawh pek ngai sia a lo hnutchhiah avanga kan tuarnate khan nikum lamah engemawchen chu min nghawng lo thei lo a ni tihte pawh ka han tarlang ve hrim hrim duh a ni. Kumin 2012 leh 2013-ah erawh hi chuan kan sawi tak harsatna hrang hrangte kha kan paltlang tan tawh ta a. Chuvangin Education Department-ah meuh pawh an hlawh daih zan tur sum dah niin ka hria a. Chubakah kan PSU hrang hrang, sumthuninu tia mi hrang hrangin min sawisak tan tak pawh an hlawh daih zan tur kan Chief Minister zahawmtak Pu Lal Thanhawla duh dan angin sum dah teuh a ni bawk a. Chuti chung chung chuan thil ropui tak mai chu Revenue Surplus kumin chhung hian cheng vaibelchhe 627 chuang zet mai kan nei thei dawn niin chhut a ni a.

Hengte hi thil lawmawm tak a ni, Mizoram a pian tirh ata record sang lawr lak a ni. Hengte hi a tak taka tihhlawhtlin theih beisei awm ni pawha a lan avangin lawmawm ka ti hle a ni. Chutiang chu anih laiin Fiscal Deficit hi kuminah hian cheng vaibelchhe 265.61-ah tlathla tura beisei a ni a. Nikum aiin a zatve dawn thuaka tlathla thei turah kan hotuten min beiseipui a ni.

Kan budget-a Income side lamah khan thil pahnih/khat lek han tarlang ta ila. State Own Tax Revenue kan tih hi kuminah hian vaibelchhe 190 erh awrh a ni a. Nikum lamah vaibelchhe 180 a ni a, nikum aia a punna hi za zelah 5.6% chauh a ni, duhthu a sam lo khawp mai. Tin, State Own Tax Revenue hi nikum aiin za zelah 5 chuang hlekin a tlahniam thung hlauh mai bawk a, hengte hi thil lawmawm lo tak a ni. Sawi awm lo takte pawh a ni mai thei a, mahse sawi a tul tlatin ka hria a. Chutih rualin hetiang thil sawi a ngai tlat hi engvangnge tih hi a pawimawh lai niin ka hria a. Heng zawng zawngin a entir pakhat lianpui mai chu Mizote hian tax pek kan hreh lo kan ti a, a tak takah chuan kan pe hreh tlat bawk si a ni.

Tin, kan Plan Fund-te hi a pun ve zel theihna turin Non-tax Revenue hrang hrang entirman - Tui man bill te, Electric man bill-te pawh hi sang deuh zawka pek hi kan hreh lo kan ti thin nain kan hreh tlat si avangin kan tax base hi a zau thei lova, keimahni Revenue lakluh ve hi a pung hlei thei lo a ni. Kan hotuten kan mamawh tlat a ni, kan sum dinhmun siamthat a ngai a ni, tiin ruahmanna tha tak takte han chhawpchuak thinin, Dan hialte pawh siamin, ruahmanna tha zawkte pawh siamin mipui hmaah han chhawpchuak thin mahse, kan opposition party-te hian politics game thianghlim lo tak tak khelh nan an hman duh zel avangin, mipuite hi a ni lo lovin an hruai a, an fuihpawrh a, chungte avang chuan kan ram sum dinhmun hi siamthat a har em em thin a lo ni zawk a ni, tih hi ka'n sawi tel duh a.

Nichin khan, kan member zahawmtak pakhat Pu K.Liantlinga khan mipui hian tax pek kan hreh lo, a tul anih chuan, an hmanna tur a dik phawt chuan chiang takin zia ulah kan pe em em ang tihte kha a rawn sawi a. Kha kha a rilru leh a thinlung taka a sawi ni turah ka ngai a, a lawmawm ka ti a. Chutiang thilte chu nakin lawkah pawh hian kan Budget Bua lang tel ang hian kan sorkarin thil a la rawn ti dawn a ni. Chutih hunah chuan sorkar ke tiphet zawng ni lova, sorkar tichak zawnga tan latu min nihpui pawh ka duh a, ka phut a ni tih hi ka han sawi tel duh bawk a ni. Entirman, nikum lamah pawh khan tui man hi tihpun loh theih loh a ni. ADB pawhin an loan min puk tir a, an thil phut pakhat anih ve avangin tiin kan hotuten an han tipung deuh dawn dek dek a, mipui lam atangte leh opposition party hrang hrangte atangin dodalna a nasa em em a. Loh theihlohna avangin kan hotuten, "I han en tha leh rih teh ang", tiin an hnuk khawtlai a ni. Chungte pawh chu a tul tlat avangin kumin kum tharah hian man sang zawka kalpui a ni dawn ta a, kan Budget Bua a lan angin. Chutih hunah te chuan kan opposition party-te pawh hian ram leh hnam rawngbawl tlang tur kan ni tih hriain kan state hian a mamawh a ni tih pawh pawm ve bawkin, mipui fuihpawrh zawng leh sorkar kal siam tibuai zawnga hma la lo hram hram turte pawhin, vawiinah hian remchangah ngenna thu ka han sawi tel duh a ni. Lirthei chhiah a ni emaw, tui man a ni emaw, kan sawi ang khan electric man te tihpun anih dawn reng renga sorkar tha tichaktu ni lova, tiphet zawnga hma latu tute mah hi kan nih zui loh a pawimawh khawpin ka hria.

Tin, sum hmanna lamah khan han lut ve lawk ta ila. Kan non-development expenditure pumpui Vaibelchhe 2828 chuang hretah hian sorkar hnathawk Non-plan, Plan leh CSS hnuai atanga hlauh pek zawng zawngten an chan tur chu Cheng vaibelchhe 2057 chuang a ni a. Chu chu a awmzia chu kan non-development expenditure pumpui atang hian

100 zela 72.76 %, 73 % thuak hi sorkar hnathawk hlawhah a kal ral tihna a ni. Chu mi awmzia leh chu sa bel sawm an chhuang a. Fatuten bel 7 an hauh tlat a, an ei zo vek a. Mipui nawlpui ruai kiltute chuan bel thum chiah an chang tihna a ni. Chutih lai kara sorkar hnathawk mi tlemte ten hlawh sang zawk, hamthatna tam zawk phut a, sorkar min nawrh khum min nawrh khum mai hi chu, mipui pawh hian em em lutuk, huam huam a che u, tia kan khap daih pawh hi kan ram hian a mamawh a ni tih pawh hi ka sawi duh a ni.

Pu Speaker, thil sawi tur tam tak a awm a, hun a chep si a. Kan Plan Fund Vaibelchhe 2300 lai a lo ni chho ta hi a lawmawm khawp mai. Heng te avang hian NLUP-ah Vaibelchhe 370 lai plus RKVY nena converge turin Vaibelchhe 40, a vaiin Vaibelchhe 410 vel zet mai hman tur a lo awm ta te hi a lawmawm khawp mai. Thingtlang pa pakhat chuan tun sorkar zet chu an tha mang e aw, an hotupa ber Pu Lal Thanhawla hian Thingtlang khawtin mai a rawn fang a, In tin mai min rawn luhchhuah a, min rawn chibai a, kan lawm em em a ni. Sorkar tha tak an ni. Inthlan leh hunah pawh vote tlin ngei ngei tur an ni a ti e, an ti a. Engtinge Pu Lal Thanhawla chuan nangni tehlu hi a rawn tlawhchhuah che u tia an zawh chuan, “NLUP hmangin chhungtin min rawn tlawh chhuak a ni”, a ti a ni. Chutiante chu kan ramin hun a tawh chhoh mek anih lai hian, hetiana Budget tha tak mai hun harsa tak karah pawh kan Finance Minister zahawmtakin a rawn chhawpchuak thei hi a fakawm mang e aw, ka ti a. Ka han congratulate ve a ni e. Pu Speaker, ka lawm e.

S P E A K E R : Tunah Dr.R.Lalthangliana i lo ko ang.

Dr. R. LALTHANGLIANA : Vawiina Mizorama rorelna khawl sangbera kan Plan Budget-te kan sawi thei hi lawmawm ka ti a. Ka ngaihtuah, ka ngaihtuah a wawiinah hian Zoram mipui hmun hrang hrang amiten kan thu leh hla ngaichangin min rawn en reng ang a, an beng an chhi ang tih ka ring a. Chutih mek laia kan thusawi dan kalhmangte ka ngaihtuah erawh chuan thil ropui takah hian kan inhlangkai leh lovang tihte pawh ka hlau angreng khawp a. Opposition kan nih hian thil pakhat ka han sawi duh chu, rulling lam hian min rawn hmuh danah hian engkimah hian rulling-te thil tih oppose ngawt turah hian min ngai lo ula ka duh a. Amaherawhchu, tha tur anga kan ngaih erawh chu huaisen taka kan sawi a tul thin a. Hei tun term-ah hian Pu Speaker, ka ngaihmawh deuh chu kum 4 dawn dinglam amite hi an sorkar tawh a, an thusawi zatve hmawkah hi chuan sorkar hmasa sawi tel lo hian an la sawithiam lo fo mai a. Keini ai mah hian rulling ngaihtuahna hi opposition ngaihtuahna hi an nei emaw ni chu aw, tihte ka ngaihtuah deuh va. Tuirial tuikhuah vel an sawi apianga heta compensation sawi tel ziah ngai ang chi te, chanchinbu pheka khawi emawa zia kawng zawng House-a sawi vek kan han tum angte hi kawng lehlamah chuan inzir tur kan nei ve deuh awm mange, ka ti a. Chuvang chuan, Opposition kan nih hian NLUP-te hi in rilrua in ngaihtuahnaa min rawn puh ngawt kha sem se kan duh em em, semlo se tih hi kan duh dan a nilo hrim hrim tha taka a kal hi kan duh dan a ni tih zawk a, wawiinah hian ka sawi nawn leh duh a. A pawng ataka NLUP hi sawiselin vawikhatmah House-ah hian keini lampang hian kan rawn tiriin ka hre lova. Amaherawhchu, a kalpui dan phungah erawh hi chuan fel tak ngaihtuahna dik takah kan kalpui a, kan duhdan anga kan sawi thin mai a ni tih ka'n tarlang duh a ni.

Hei, kan Budget hi Pu Speaker, kan Finance Minister pawh kan congratulate ve hrim hrim duh a, a pung a, thil dik tak a ni. Amaherawhchu, uluk taka thil kan ngaihtuah hi Mizo mipuite pawh hian kan ching ve tan deuh tawh hian ka hria a. Kum 4 kal taa kan Budget hi han review ta lawk ila, a pung lo ve lutuk deuh va. 2009 khan 100-a 25-in a pung a, 2010 tihian ka'n sawi mai ange. 100-ah 20-in a pung a, a hniam zel zawkin kan kal a. Tichuan 2011-2012 nikum budget-ah khan 13.33%-in kan pung a, tahchuan inthlan hma pawha sawifo chu Prime Minister Special Package atangin NLUP hi chu kan hmu thei ang tih

beiseina neiin mipuiah kan inzuarin ka hria a. Amaherawhchu, tah khan kan hmu thei ta si lova. Chutah Plan-ah khungluh a lo ngai ta si kha Vaibelchhe 234 zet mai kan Plan Fund atanga loh theihloha pawisa bawm khat atanga lakchhuah anih tak khan nikum kan budget kha zero chu a nilo na a, 1% increased chauh a ni. Chuvang chuan hetah lo cher thang tawh kan han vawng thurah hian sang ta luain a lang. Amaherawhchu, normal increase pangngai, pung chho zel ang chu nise chuan vawiin hian a pun dan hi uluk takin ngaihtuahna a hman theihin ka hria a. Engpawhnisela, vawiinah 2300 kan han tlin hrim hrim hi chu a lawmawm tho in ka hria. Chuvang chuan Ministry hmasate kan dem thin a, a mawi tawka sawi ngai chu a awm ngei ang. Amaherawhchu, ka ngaihtuah a, Pu Speaker, tun tuma kan Budget Session hi July thla alo ni a, kum 4/5 kalta atang khan Vote on Account-in kan la kal char char mai a. Kan ram awmdan India ram nakumah hian July thlaah hian full Budget Sitting vawiina kan neih ang hi nei leh ta ang ila, chu chuan 2014 March ni 31 thleng Budget kha a huam dawn tawh a. Tuna kan Budget pass turah hian 2013 nakum inthlan kum March ni 31 thleng hawlh tur Budget alo ni reng mai a. Chuvang chuan farewell budget, last budget-te pawh hi a ni ta mai awm mange, nakum July thlaa kan Session leh chuan a tuk lawkah inthlan an puang ang a. An hmang dawn tawh si lova, i dinglam amite hian a bik takin politically design, politically oriented budget-te pawh hi ang deuhin ka hria a. NLUP-a an khung lawih hi ka sawisel miah lo. Amaherawhchu, chu chu a ang deuh a ni. A kiar lamah a kiar vak a, a lehlam pangah kan rek ta si a, vawiinah hian kan hriat a pawimawhin ka hria a. Chuvangin nimina kan member zahawmtak Pu C.Ramhluna sawi pawh kha sorkar Department hrang hrang 46-te hian vawiinah hian nikuma an budget Plan bikah hian nasa takin an phak lova, chuta an phak lohna zawng zawng belhkhawm chu vaibelchhe 256.12 a tling a ni. Chuvangin Pu Speaker, hetah a kiar laiah a kiar huar a.

Tin, tun tuma kan budget hi thil pakhat buaithlak deuh tur chu Year mark fund hian thil hi a kal dawn deuh tlat mai a, 2300 crore atang hian 1605 crore hi Pu Speaker, year mark a dang pawh kal theih miah loh hi a'n kal ta a. Tichuan, ear-mark loh la balance chu vaibelchhe 604.92 a lo ni ta a, khata tang khan kan Budget, kan Finance Budget Speech Sl.No. 39-na han en khan Plan-a hlawh la tana dah kha vaibelchhia 416.15 a ni a, tahchuan earmark loh 694 atang khan 416 hi han paih ta ila, Pu Speaker, vawiina Department hovin Development chan tur Plan bikah hian vaibelchhe 277 chauh ka chhut chhuak a ni, a buaithlak khawp mai Pu Speaker. Budget ngaihtuaha kalkhawm kan ni bawk a, ka'n tarlang hmasa duh a ni.

A dang lehah chuan Pu Speaker, India ramah hian kan hotupa ber Planning Commission-ah chuan Prime Minister tih lohah Deputy Chairman, Planning Commission a ni a, hei hian India hmarchhak hrang hrang Tripura tih loh chu Plan discussion-ah mithiam an ni a, kan hre theuh a, Plan discussion-ah chuan Dr. Alumania-te leh midangte nen kan Chief Minister theuh ten an ko thla a, a Ni bik tukin Plan an sawi thin a. Tahchuan kan Plan size hi ka sawi hmian ka'n sawi lawk duh chu Pu Speaker, kan thenawm State Assam hi vaibelchhia hlir vaibelchhe sangkhat leh zanga a lo ni a. Chuta thil pakhat an comment chu Planning Commission W chairman hian, 'In his comment on the performance of the State. He said that there have been constant improvement and the GSDP during the first three years is the leveling Plan' a ti a, ka chhiar zel lo mai ang. Tahchuan Meghalaya hi a sang filawr lak a, kuminah a increase-na pawh an Plan fund hi vaibelchhe sangthum leh zakua leh sawmthum leh pakua a ni a. Tahchuan tihian Comment Planning Commission hian an siam a ni. 'In his comment on the Plan performance of the State of Meghalaya the beneficiaries said of the State has been performing well' a ti a, a lawmpui awm khawp mai a, kan thenawmte nimahse. Arunachal hi vaibelchhe sangthum leh zathum leh sawmthum leh panga Pu Speaker a ni a. W.

Chairman chuan tihian a ziak a, 'He appreciated the effort of the State in accelerating development and catalyzing infrastructure development, than national average' a tih chu, a comment ropui angreng khawp mai. 'It has also acknowledge that the special package announced by the Prime Minister has greatly help in ex-generating or economic activity' a ti top. Tah chuan heng kan sawi tak hi, Manipurah ka'n kal leh lawk teh ang, Manipur hian vaibelchhe 3500 an hmu dawn a. 'In his comment and the performance of the State that Manipur Mr. Alualia set the State has been performing satisfactory', tunhmaa tha lo tak angreng thin kha Pu Speaker. Tahchuan Sikkim hian vaibelchhe 1877 an hmu a, tahchuan limginghin nasa takin a khawih a, heta tan hian vaibelchhe 377 an hmu bawk a ni. Prime Minister Special Package atangin, chiang deuhvin a inziak a.

A comment dan chu hetiang hi a ni. In his comment at the state the Deputy Chairman, Planning Commission appreciated the development development indicatorswe say the growth tih leh Agriculture building 11th plant was better than the national average a ti, kan thenawm state a ni Sikkim hi. Tahchuan Nagaland hi tawitein a commend a, in his coming on the performance of the state Deputy Chairman said that state has been performing satisfactory. Mizoramah ka'n kal lawk ang e. Mizoramah hian hetiang commend hi a ziak lo, he said trust will be on the food grain production and productivity to reduce food grain defecit and ultimately attain sufficiency by raising plan allocation for agriculture and allied sector, tih vel kha a ni. Ka ngaihtuah ka ngaihtuah a, min hrechiang em emtu planning commission statistic leh data nena kan performance an han en hian state dangte an comment ang hi kan hre ve kur si a. Helaiah lawmthu kan sawi rual hian a chang chuan Pu Speaker, he rorelna khawlah hian kum 25 dawn lai kan lo thu ve a, Pahthian leh mipui zarah, ka rualawh hi a na thin a. Tumah ka sawisel miah lo, amaherawhchu, hmasawn tur kan nei tih erawh chu a langin ka hria a . Small state pahnih Goa leh Pondicherry a ni a. Goa a comment dan phei hi chu ka rualawt ve deuh a, vaibelchhe 4700 an hmu a. In historial on the plan performance of the state of Goa U.T a ni zawk mai thei,said the state has been doing exceedingly well and achievements in all sector of the economy are satisfactory a ti tawp mai a ni. Pondicherry hi heti hian a comment a, vaibelchhia 3000 an hmu, in of the performance of the Union Territory.....said that the U.T has been cheating satisfactory progresss and development strategy was in the right tract a ti a ni. Hei hi sawi a chakawm loh, amaherawhchu, keini pawh kan inenfiahna tur atan hian thil thenkhat hi chu engemaw tih loh tak hi kan nei, sorkar hmasaah pawh khan khawih loh lai kan nei ang tih ka ring, ka in admit tho. Mahse indem a, kan tih dikloh lai ringawt mai in point out-a kal hi Pu Speaker, kan hman tawh lo a ni. Nichina Lunglei East bialtu rawn sawi kha ka pawm khawp, a chhe lai ringawt kan inpir chuan a dik lo. Vawiinah pawh Minister an ni emaw, MLA an ni emaw ruling lampang kan corruption sawi tur in hrelo, intih intih hi hriat loh lampang a ni lo, khang sawi chiam chiam khan ram a siam tha lo.

A kawng ni zawk chu engtingge ram mipuite hi kan khalhchhuah ang, tih hi a pawimawh zawk. Khatiang ringawta kan inpir kha chuan a dik chuang lo. Chuvang chuan vawiinah hian Pu Speaker, kan kal dan hi ram roreltute kan nihna hi in enchiang fo ila ka duh khawp mai a.

Ka'n sawi leh duh chu nichina ka sawi ang khan nakum mai inthlan a lo ni a, tun Budget bak hi chu duh ang thala a sorkar leh tur hi chu nakum budget tun anga kan thut hi a ni deuh tlat a ni. Dik tak chuan hei sorkar pawh 2008 vela Budget kan passed kha in han sorkar veleh khan in hmang ve a ni. Kan thik reng reng lo, kha kha a kalphung a ni tlat. Chuvang chuan vote on account hi India ramah kan lo hmang laklawh si a, chuvang chuan kan last budget turah pawh kan ngai a. Chuvang chuan Farewel Budget kan phuah ngawt a, a diklo mai thei a, sorkar hnathawk hlawh leh thildang tih loh chu nakum July Session-a thut leh tur hi chuan development sum leh thildang ang chia tangka hman tur hi Ministry hian kan

khawih hman tawh lo mai awm mange aw, tih ngaihtuahna ka nei a ni. Chuvang chuan Pu Speaker, kumina vaibelchhia 2300 hi a lawmawm em em a. Amaherawhchu, a kiarna lamah a kiar lutuk a, a cherna lamah a cher em em bawk si karah hian kan dam kim lo deuh mai awm mange aw, tih ka hlau a, tumah hemi chungchangah hian ka dem lo. Yearmark-a vaibelchhe 1600 an dah ringawt mai te, chumi piahlama hlawha avaiabelchhe 416 han lak then leh ngai, chuta a bang vaibelchhia 300 pawh tling tawh manglo kan han insem hi chu a beitham deuh e, kan ti a ni. Chuvang chuan vawiinah hian NLUP Prime Minister Special Package atanga hmuh nia kan hriat NLUP kan hmuh leh tak loh chu kan Annual Plan atanga hian han chhut leh ta chiah ila chuan kan punna percent 13.52 a ni. Chutih lai chuan Meghalaya hi a sang filawr lak a, pakhatna North East-ah chuan a ni a, chutih lai chuan pahnihna hi Sikkim 37.02 a ni a, tin, pathumna hi Nagaland 27.07 a ni a; khatiang khan Assam pawh hi a sang viau a ni. Engpawhnise, khalam kha ka rawn sawisel lova, mahse kan tum loh ang tak maia kan plan chhunga NLUP tangka kan han thun takah hian a pungthur emaw kan tih lai hian, a hmanna chu khatilam khan a kal dawn a ni mai awm mange, tiin kan sawi a ni.

Pu Speaker, kan ding khat a, minute hnih khat lekte chu min hrethiam thei lawm ni? A tawpna ang deuhin thil thenkhat ka'n sawi duh chu hei hi a ni a. Kan Speech kan Finance Minister-in a buatsaih hi lawmawm ka ti a, thil langlo tam tak a awm a, a lang senglo pawh a ni mai thei a, amaherawhchu, thil significant deuh entirnan - chhim lamah chuan Airport chungchang han lang ta miah lo chungchang te, tin, District Council pathumte tana direct funding kan sawite pawh kha a langlo niin ka hria a. Tin, Champhai leh Hnahlna Grape sawrna chungchanga hma han lakdan tur lo langlo te, tin, hmun tin maia inkalpawhna chhe lutuk hi chu zep thu a cheng lo, crore 200 dah te hi engtham a ni lo, tuna kan ram kawngchhiat danah hi chuan. Tin, Mizoram Sorkar hnuaia Corporation hrang hrangte dinhmun hi enfiah ngaiin ka hria a, vawiina kan Last Budget turah hi chuan lang ve se ka duh khawp mai a. MIFCO-te phei chuan thla 4 nge, thla 5 hlawh an la tawh lo niin ka hria a. Tin, phul lem phah ngawt loh deuh hi tih tur tam tak awm turah kan ngai a, Budget pui si, kan member zahawmtakin BPL member kiam si lo an tihte pawh kha Gas, buhfai, diesel leh petrol-te leh electrikt leh tui harsatnate hi engtiang takin nge kan solve tih hi kan hriat duh niin ka hria a. Tin, kan electrikt bill, Vat leh chhiah, vehicle bill atang ringawta insawr lo hian kawngdang deuh hi sorkar puipa chuan ngaihtuah dan a awm lawm ni? NLUP bawng thi tih leh engemaw ringawt mai Assembly-a sawi tawhlo hian tih hi ka rilruah a awm a. Heng bakah hian kan Budget-a lawmthu kan han sawi rual hian sponse feeling central engkim in depend ringawt lo hian a sawi chhuak thei inti ringawt lo deuh hian, keimahni State chhung atanga earning neilo lutuk ringawta vawiin thlenga kan la awm hi Budget kan han sawite pawh hian rilru a hrehawm ve thei khawp mai a. Engpawhnise, vawiinah hian kan rorel, kan kal chho mek hi Mizoram hmun hrang hranga kan mipuiten uluk takin min thlir a ni tih hi hria ila, engang takin nge ni kan rorelna khawl atang hian ram mipui damna tur atana thil lo chhuak thar tur tih hi min enin ka ring a. Chutiang chuan sawi tur kan nei em? tih hi ka rilruah a lian khawp mai. Chuvang chuan indem hman a ni tawh lo, ni a kiam sawt em mai, tih ang deuh khan, hun nangni pawn in nei tawh lo, nakum hi Budget tawp a ni ve tawh. Chuvang chuan kan tangka neih ang ang hi a tlem emaw, a tam emaw uluk tak leh fimkhur taka a thlenna tur dik taka a thlen a, hman anih theihna tur atan hian a bik takin kan Finance Minister leh kan Minister dang zawng zawngte pawh duhsakna ka hlan a ni, ka lawm e.

*Speech not corrected.

S P E A K E R : Le, kan hunte a tawp teuh tawh hle a, Pu Duh i phar a law, i chhuak daih si a, tul dangah i kal emaw ka ti a, ngaih kha i titha lo deuh reng a. Kan hun khi a zo a ni deuh tawh mai a nia. Le, Pu Lalduhoma i ko ang.

Pu LALDUHOMA : Pu Speaker, 1972 atang khan Government of Mizoram hi kan lo nei ve a, kum 40 hmel kan lo hmu ta a. Israel fate thlaler an vahvaih hun chhung ang kha kan hmanng zo ve tep ta a ni. He thlaler ram nun hi chu chawmhlawm nun a ni a, kutdawn hnam kan ni, chawmhlawm hnam kan ni, Delhi drip khaia nung kan ni, tih hi kan hotute min zirtir dan kan dawn tam ber pawh a ni. He thlaler ram vahvaihna kum 40 hi nakumah chuan a tawp ang a, Jordan kan kai tawh dawn a ni a, chumi hmaa kan Budget hnuhnung vawiinah hian kan khel a, Budget hi kan hriat angin a pun tam chang a awm a, a tlem chang a awm a, kan lawm kum te, kan lawm meuh loh kumte a inkarthlak thin. Tun Sorkar ngeiah pawh hian kan ngaihthlak tawh ang khan nikumah te, kum hmasaah te a tlem zawngin kan kal a, nikumah te chuan a punna kha a tlem em avang khan kumina a punna percentage hi tam tak angin a rawn tilang mai mai a ni. Engpawhnise, a pung hi a lawmawm a, amaherawhchu, a pun rikngawt avanga Budget tha ber kan han ti hialte hi chu tawngkam kan renlo mang e aw, ka ti a, pawisa hi a tam emaw, a tlem emaw kan Budget pass tur hian kan ram harsatna hi enganginng a solve dawn, eng kawng nge Sorkar hian min zawhpui dawn, tih hi a pawimawh ber a ni zawk a. Kan Sport Budget a pung zel a, a lawmawm a, mahse a tuamhlawm phak chu thalai tlemte chauh a ni. Vawiinah hian Pu Speaker, kan thalai tam zawkte tan he Budget hi a beidawnthlak a ni. Kan Finance Minister-in a thusawiah khan sanctioned post sing chuang fill up theih loh kan nei a ti a. Employment Exchange-ah mi 50000 chuangin hna an nghak mek a, High School leh a chung lamah hian Mizoram population pumpui atanga 30% dawn mi nuai thum vel zirlai kan nei mek a ni. Kan Budget pumpui hian a tha ber tia kan sawi hian engnge a fun tel, engnge a ken tel tih kan en chuan beisei tur vak a awmlo a ni. Chuvangin tunlai thangtharten an nghahfak ber chu Skill Development hi a ni a. Hemi chungchangah hian kan thenawm State-te hnungah kan tlan mek a, hemi hi rawn sawi a ni miah lo hi mak ka ti khawp mai. Kan hriat angin Skill Development hi Govt. of India priority a ni a, Planning Commission priority a ni a, 11th leh 12th Five Year Plan priority a ni a. A Nodal Ministry-ah chuan, Ministry of Overseas India Affairs hman an ni a. Prime Minister Office atanga supervise in National Council ah hian Prime Minister ngei Chairman a ni a. An Core Principle chu India ramah Skilled, train chhuah mi maktaduai hlir 500 kum 2020 ah neih hman an tum a ni. Chutianga an train chhuah tur chu State tin population atangin an han chhut a. Mizoram atangin Prime Minister Office-in DUE DATE min beisei chu kum khatah thalai 70000 train chhuak tura beisei kan ni. Kan Budget-ah hian cheng khat mah chutiang hawi zawng chu a awm miah lo a ni.

State tinah hian Skill Development Mission an din a, hemi North East State-ah chuan Manipur-ah chiah hian Chief Secretary hi Chairman a ni a, State dang zawng zawngah chuan Chief Minister hi Chairman an ni vek a ni. Chung State-ah chuan Nodal Department-a an hman chu Industry Department emaw, Labour and Employment Department emaw hi a ni thin a, NLUP ang deuh hian Line Department an awm leh a, chungah chuan Industry te, Labour and Employment Department te, Education Department te, R.D te, Tourism te leh a dang a kaihhnawih Department-te kha an dah thin a. Tichuan Knowledge Partner kan zuk thawhpui turte siam a ni a, India Skill an tih hnuaiah hian Hospitality Sector an dah tlangpui a, Aspire an tih hnuaiah hian Health Sector a ni deuh ber a. Tichuan State tinte khan khami bakah khan anmahni beng varin Partnership-te leh Collaboration-te siamin MoU-te sign-in Company te, Consultant-te leh Foreign Company-te nen khan hma an la sup sup tawh a ni. Chunga an thalaite tana hna an zuk zawngna tura course an han pek tlangpui chu, Nursing lampang te, Health Worker kan tih te, Medicinal Plant te, Hotel Management te, leh Receptionist front Office kan tihte. Tun tum kan Budget-ah hian Tourism lampang hi a sawi ni miah lova,

S P E A K E R : Ngawi lawk rawh aw, kan hun a tawp a, engtinng kan kal zel dawn kan chawl lawk ang a, kan chhunzawm leh dawn nge ni, tunah hian Pu Duhoma hian a

sawi zawh hian Minister wind-up turin kaltlang kan duh nge? Kan chawl lawk dawn nge? House thu thu, chawlh nge kan duh a, kaltlang? Anih i kal tlang mai ang aw.

Pu LAL DUHOMA : Pu Speaker ka lawm e, Foreign language-te pawh an zirtir a, tin, Civil Examination-ah hian coaching-te an buatsaih a, Agriculture te, Souvenir making te, Computer lampang te, Food Processing lampang te, Music leh Dancing-te leh Film Industry lam te, Land Survey-te leh Beauty Parlor te, Spa lampang te, Fashion Designing te, Pilot Training te, Security Guard lampangte; tin, Real Estate te, Fishery te, Live Stock Farming lam te, Motor Mechanic leh Driving lam te, Technical traditional craft kan tih ang chi, Bamboo Unit kan tih ang hrang hrangte hi a ni a. Kan Finance Minister Speech-ah khan bamboo bikah hian Road Map siam a ni tawh a ti a, eng ang chiahin nge an siam, a copy-te hi min pe ve thei selang ka duh hle a. Tunah hian kan thenawm State-te tihdan tlem han tarlang ila. Sikkim-ah chuan Livelihood School-te an ti a, Skill School-te an ti a, MLA constituency tinah khuan an hawng vek tawh a ni, tin, Directorate hrang an nei tawh bawk. Tin, Line Department zawng zawngte khan an budget atanga 2% chu Skill Development atan hian an earmark vek bawk a ni. Tin, Basic Academy for building Live Long Employability, New Delhi-te nen hian Partnership-te siamin an bei a, zirlai 60% hi placement an pe tawh nghe nghe a ni. Chutiang chuan State thenkhat chuan M/S Wipro Consultancy-te nen hian DPR siam te an zirtir a, tin, Car Company-te nen MoU-te an sign a, Japan International Co-operation Agency-te nen an thawk tlang a, chutiang chuan UK-ah te, Wales-ah te, Singapore-ah te, Thailand-ah te North-east-a kan State dangte chuan an thalaite an lo tir chhuak nasa em em tawh a ni. Chutih lai chuan he kan Sorkar hi a muthlu a ni, helam hawia kan thalaite harsatna solve-na tur reng reng hawi hi kan budget-ah hian a awm lova. Central-in Planning chungchanga an Guiding Principle chu kan hria a, chu chu Private Investment tam zawk siam a ni a, Privatization tiin kan sawi a. Keini erawh chuan Mizoram ceiling on Government Guarantees Act, 2001-ah khan helai hian kan han pass a, a pawl em em a ni. Kan thalaite hemi kawnga ke pen turin pawisa nei lovin, a capital nei lovin, loan an lakna turah Sorkar chu Guarantor-ah a tang thei lovang tih kan han pass hnan bur mai te kha thalaite tan a vanduai thlak lutuk, chuvangin, heng dante hi paih leh vat a ngai a ni. Tunah hian Entrepreneurship Network Forum-te an lo chhuak a, kawng an zawng nasa em em mai a. Hengte hian kan Sorkar ai hian thil an hre zawkin an dap zau zawk mah mah ni te hian ka hria a ni. Khami kawngah khan he budget-ah hian, a tlem emaw a tam emaw, kan thalaite heti khawpa employment problem-in a tuam mekte tan hian kawng hawn nise ka duh a, chutiang awm lo budget chu lawmawm lutukah ka ngai thei lo phawt a.

Tin, NLUP hi in sawi in sawi a, ka'n sawi ve ang a. NLUP hi a policy leh a scheme vawikhat mah ka la sawi chhe ve ngai lo. Amaherawhchu, kum li in sem ta a, tunah hian kum li chhunga chhungkua an sem tawh hi 44995 chauh a la ni. Phase I hliir a la ni a, Phase II pakhat mah, chhungkaw pakhat mah sem a la ni lo, kum li a ni tawh, kum khat awrh chauh hun an nei tawh he Sorkar hian; chuti khawp chuan a muang a, chhungkua 75005 sem bang la dawng tur an awm a ni. Chutiang chu a ni a, thalo ka tih em emna chu in vau nana an hmang hi a ni. Kan hmang lo pawh ti se, Zoram mipui waviina min thlirtute hian an hmang a ni tih min hriatpuitu hi an tam lutuk. Mizoramah BPL kum 40 chhunga an lo siam, mi riltam pumpui ruak dul vunah, an duh lohna kawng lam pana pawhpenna hmanrua a ni. Mi tam tak kan party-a tui taka awm mek te, “Ka pu, ka dawng ve duh si a, min hrethiam rawh, an pawl nih ve a ngai si a”, ti kan tawng hnem hle; hreh tak

chunga an Party-a lutte hi an tam. Pathianin zalenna leh duhthlan theihna min pe mihringte hi, a fapa chhandam nana min pek pawh hian min tilui lo, kan duhthlanna a nghak a ni. Chutih lai chuan he Sorkar hian miretheite zalenna leh duhthlanna a palzut a, he NLUP hi mirethei sala kawihsapir a ni a, hreh chung chungin, an duh lohna party-ah te maimitchhing chungin an lut a ni. Hei hi thudik a ni, hetiang zawnga hman hi chu a dik lova, chunglam pawh khian a ngai theiin ka ring lo heng ang chi hi chu. Dik chiah chuan kan MNF unaute pawh hi an han vui thin a, annite chu keini AMC-a an thawhpuite ngei pawh hi min hrechang lo a ni a, engtingge MNF-te phei chuan an dawn tehlul ang, a hla lutuk a ni. vawiinah hian engatinge Congress der tam tak an awm? Engati nge ZNP nilo der tam tak an awm? An rethei a, an mamawh ve si a, dawn loh an hlau a, an duh lohna hmunah hruaiin an awm a. Mirethei inrahbehna, invaubehna hmanruaah an hman takna hi a malsawm lo lai tur chu niin ka hria. Bawng thi chungchang kan sawi pawhin lainatna nena sawi lo kan Member helaiiah tam tak an awm, insawi thiam leh insawi fihlim tuma mi vanduinaw tawh, in nupuite pawh khulai atangin ding chungin rawn phur se, tih vel mai maia tehkhin chi a ni lo. A tuartu tan ‘sawpa saw chuan min va hmangaih lo em!’ tih kha a ni mai. Heitiang hi kan tawng dan tur pawh a nilo.

Mizoramah hian NLUP dawng hian Congress sorkar leh hi an hlau khawp mai, Pu Speaker. Pakhatnaah chuan, a ti thaho tan hian a hlauhawm a ni. An lo hlawhtlin chuan a rate leh a market hriatsa pakhatmah a awm si lo. An sorkar hmasak huna a hlawhtling apiang an hlawhchham a, an titawih hnem ang bawh khan an titawih leh ang tih hi an hlau a, a tithaho hi an phu zek zek a ni. Tin, a tithalo ho lah hian Congress an sorkar leh ang tih hi a hlau em em a. A chhan chu a tithalo ho chu a pung nen rulh tir leh tur tih a ni. Tractor lo hralhrutu pawh kha market rate-in rulh tir leh a ni a, a then lunginah an khung bawh a. Hmannia bawng lo ser pawh kha amah kha talh an tum tep mai a ni. Chuvang chuan a tithalo tan chuan a ngai bawh an sorkar leh chuan khua a var dawn lo reng reng. A titha pawhin, a tithalo pawhin an sorkar nawn leh hi an hlau a ni tih hria ila. Corruption pho ro an tum leh ruah a lo sur zel si, a ro tha hleithei bawh si lo.

Kan Finance Minister zahawmtak thusawiah khan kan ram problem lian tak lo awm leh chu nikuma kan Budget atang khan vaibelchhe 100 ngawt mai hi buhfai leh power lei nan kan hmang a ni, a ti a ni. Kum 40 he ramah hian sorkar kan nei tawh a, vawiina power lei ngai, chawa la intodelh thei lo kan ni hi chu he kum 40 chhunga roelna lo chang tawhte leh rawn chang mekte hi dik takin ka dem a ni, ka sit ve tlat. Kum 40 chhungah chuan, hei aia ziaawm hi a hun ve tawh a ni. Tunah hian Power Project an lo siam tawh 8 kha a tawl vek tawh a ni. Chutah chuan cheng nuai 674 a luang thlawn a ni. Tunah hian Project pali under repair a awm bawh. Khati mai mai kha a ni. Chawah pawh kan intodelh lova, Central sorkar chuan National Food Security Bill nikumah a pass tawh a, Pu Speaker. Chutah chuan chaw hi kan legal entitlement a ni tur a ni, an ti a. Dan anga kan Right ni turin an siam a ni. Chuti anih chuan kan Finance Minister-in a thusawia ‘hemi kawngah hian road-map siam kan tum’ a tih kha tum ringawt ni lovin eng angin nge an siam dawn? Eng anga sawngsawhlawt tur nge? Eng anga intodelhna tur nge tih hi hriat ka chak a. Hetiang khawpa Central sorkarin a ngaih pawimawha ‘legal right’ ang hiala an puang dawn a nih chuan hemi hnuaiiah hian buhfaia kan intodelh theihna tur hian scheme-te pawh siam ila, fund hrante pawh hi kan zuk dil a thiang tawhah ka ngai a. Local procurement-te pawh hi kan ti ve ngam tawh dawn lawm ni? Punjab buhfai ringawt engahnge kan rin reng bik ang? Tichuan, kan Mizo buhfai, Mizopa thar hmang hian engemawzat chu kan inphuhru thei ang tih hi ka ring a.

Tin, Pu Speaker, GSDP hi Speech-ah khan a lo lang a. Tunhma lampang kha chuan kan state dehchhuah atanga chhutin kan leibat hi India ramah a sang ber kan ni fo. India rama leiba ngah ber ram kha kan ni fo a ni. Tunah hian kan state dehchhuah atanga kan

leibat zat chu 54.40% alo ni ta a, alo tlahniam ta hi lawmawm ka ti a. Amaherawhchu, cheng 100 kan hman apiang hian cheng 46 hi keimahni thawh chhuah, cheng 54 hi kan puk, kan bat a la ni reng a ni. Tunah hian lawm tur a ni lova hei aia ziaawm tur hian kan kal zel hi a ngai a.

Tin, kan CSDP-ah hian zaa 60 hi service sector-in an rawn thawh a la ni reng a, industry leh agriculture and allied service atang hian zaa 20 tih hi, hman kum atang khan tunah a la ni reng a ni, a pung thei reng reng lo a ni. Kuminah hian agriculture and allied-ah hian zaa 42.14-in an budget a lo pung hi lawmawm ka ti a ni. Amaherawhchu, hemi pung hi engtingge kan hman tangkai ang? Tunah Reiekte pawh Sorkar hmasain aieng an chintir kha an pu kawi an pu kawi a, an chhiatpui a ni a. Khatiang mai maia tih loh loh tih nan kan hmang leh a nih chuan BPL kan tipung leh mai mai dawn a ni. Tuna NLUP-ah te pawh hian contract farming te, a rate leh a market Chiang awm si lova khatiang ang zawnga hman atan he sum pung lo awm hi kan hmang mai mai a nih chuan beidawna ram min thlentur a ni a. Hei hi dehchhuah kan ngah theihna tur atana kan tih a thain ka hria a.

Tin, Pu Speaker, kan ram harsatna lian tak pakhat chu oil lampang leh gas chungchang a ni. Hmanniah pawh kan sawi tawh. Kan hriat angin Silchar Ramnagarh atangin Barak Valley leh Mizoram kan intawm aAw helai hi kan zo lawk ang e Pu Speaker...i hmu sual emaw ni chu aw, ka ti. Ramnagarh khu Lumding atanga train-a rawn chawm a ni a, harsatna a awm fo tih kan hria a. Emergency-ah chuan Guwahati atanga by-road tea lak kan ngai thin a. Heng harsatna hi Sorkar hmasaah pawh mipuiin Sorkar an demna a ni a, tunah pawh a ni a, hei hi a ni rei lutuk tawh. Fur a lo ni ang a, lei a lo min ang a, buhfai kan eikhawp kan neilo ang tih hriain thal chhungin buhfai kan stock a. Engatinge oil-ah leh gas-ah hian kan Sorkar hian a tihdan kawng hi vawiiin thleng hian a la ngaihtuah chhuah loh? Oil depot pawh, gas depot pawh sawi tlak pakhatmah kan nei lo. Kan ram chungah ngei hian thla 2/3 tal dahkhawlna tur hi a awm ngei ngei tur a ni. Bairabi-ah te, Sairangah te leh Vairengteah te kan nei tur a ni a. Rail fed kan la ti thei lo a nih pawhin Road fed talin rei tawk daih tur dahkhawlna hi kan neih ngei ngei a ngaiin ka hria a. Tun thlenga hetiang kan siam puitling theilo te, kum 5 chhung pawha a hmun tur kan zawng tih reng ringawt mai te hi a dikin ka hre lo. Chuvangin heng hi Sorkar chak awmzia a ni lo a, heng zawng zawngah hian he Budget hian mipui harsatna hi a rawn sukhang tur a ni a, a pung tih ringawta kan tawp chuan awmzia a nei lova. Kan harsatna vawiina mipui mimirin kan sawi mur mur hi engangin ngei hei hi a rawn hmachhawn a, eng ang hmabak thar nge mipuite hian kan neih tih hi kan lo thlir dan tur leh a that leh that loh kan tehna tur chu niin ka hria a.

RKVY kan tih te pawh thil thar ang maiin kan sawi a, mahse hman kum atanga kan neih tawh a ni a, kuminah pawh kan dawng leh a ni mai a, thil thar anga han sawi teh vak tur a ni lo a, kum dangah thil dangah kan hmang a, kuminah vaibelchhe 40 lawih NLUP-ah a kal dawn a ni leh mai a, chu mai chu a danglamna a ni. Kum dangah pawh a lo kal tho. Chutiang chu a nih avangin thil hi a nihna tak hi sawi ila, thil hi a nihna baka helam leh sawlam, a tawn tawn hian, a nihna piahlam hreta kan sawi hian mipui an buai thin a. Chuvang chuan a nihna tak han en ila lawmawm tam tak a awm a, thil tam takah lawmna tur ka hmu kei pawhin. Amaherawhchu, heng ang kan harsatna lian zual leh langsar zualte hi kan Budget hian a rawn tinzawn tawh loh avangin a lawmawm tawh lo a ni, tih ka'n sawi a ni e. Ka lawm e.

S P E A K E R : Hmu sual lo ang, minute 54 atang khan ka ko tan tawh che a. Dar 4-a bang tur kha kan ni a, mahse rorela thukhawm kan ni a, kan fei tur a ni a, rel tur a awm chhung hi chuan kan rel zel mai tur a ni.

Tunah chuan wind-up lamah kan lo kal tawh ang a, kan Finance Minister zahawmtak Pu Liansailova lo sawm ila.

Pu H.LIANSILOVA, MINISTER : Hei, kan Budget Speech chungchang leh kan Budget present chungchang member zahawmtakten niminah leh vawiinah thahnemngaihna rilruin sawihona tha tak kan nei thei hi a lawmawm hlein ka hria a. Member 23 zetin tihtak zeta kan lo thlrna leh kan ram tana kan ngaihtuahna te, kan thahnemngaihnaate kan Budget Speech hmangin kan sawi chhuak ta a. Tin, kan Budget chungchangah hian a hmasain lawmthu ka'n sawi duh a.

Pakhatnaah chuan hun chep tak karah kan Finance Department-a kan Commissioner leh Secretary pahnih te, Additional Secretary leh kan Officer-hote a pumpuiin an thawk rim hle mai a. Vote on Account kan tih tum khan budget pangngai taka chhut tho a ngai a, tin, kha kha a rin theih leh si lova, a thar bawkin thla khat chhung lekin tuna kan budget bu kan han buatsaih takte kha an buatsaih a, chhun zan zawm takmeuhin hna an thawk a, lo tihsual palhte pawh awm rum rum awm tak a ni a. Tunah rih chuan chutiang chu kan la hmu chhuak mai lo niin a lang a. Kan Budget Speech-ah erawh kha chuan sawi tawh angin engemaw lo tihfel loh palh deuh a awm a. Member zahawmtakte hnenah khan kan sem chhuak tawh a. Kan thawktute thawhrimna avanga hetiang budget kan nei thei hi a lawmawm hlein ka hria a. Lawmthu ka sawi duh a.

Tin, pahnihnaah chuan ka'n sawi leh duh chu budget hi Vote on Account -in kan ti leh lo thei thin lova. Pawn lamte pawh tlema khelh deuh hlek ngaih changte pawh a awm ve a. Chanchinbuah hian eng eng emaw hi a chhuak a, thudik sawi hi a thain ka hria a. Vote on Account kan neih avanga budget enkawltu leh Chief Minister emaw, fel loha inpuh ang lek lekte Chanchinbu lamah mi pangngai tak leh kan hotute zing ami ngei ngeite pawh sawi kan awm thin a. Kum 1999 atang khan Vote on Account hian kan kal lo thei lova, Budget Speech-ah pawh khan kan tarlang a. Kan sorkar hma pawh khan tum 7 zet Vote on Account hian kan kal tawh a nih kha.

Tin, tunah pawh hian kan duhthu pawh a ni bik lova. Central sorkar pawh a muang lui pawh a ni bik lova. Remchan lohna a awm avangin Plan hi a final theih lova, a him tawk chinah ti hram ang tih chuan budget chu a lo pass ve mai theih a. Amaherawhchu, kan hotute, kan Chief Minister nena inbiain Vote on Account -a kal leh mai hi a tha e, tiin kuminah pawh hian kan kal ve leh ta mai kha a ni a. Amaherawhchu, hun remchang hmasaah kan Plan-te final a'n ni ta a. Chuvang chuan tun tumah hian kan lo thlr lawk angin July thla chhunga Budget pangngai tak pharh theiin kan awm a, a lawmawm hle a ni. Tin, State dang dang, Planning Commission-in a comment-na thute kan ngaithla a, a bengvarthlak viau a. Amaherawhchu, Mizoram sorkar Planning Commission-in min hmuh dan leh min thlr dan kha a hniam lo a ni tih erawh chu, a zu telve te pawh nih chang a awm a. Tin, tlema kan sum dinhmun leh keimahni sum scheme of financing-in a tawng phak loh deuh avanga kan Chief Minister thiltihtheihna pawh kan hman theih loh deuh kumte pawh a awm thin a ni. Kan dil tam avanga hmu ngawr ngawr kan ni lova. Planning Commission-ah hian a hmian Finance Department-a kan Commissioner-te nen, Planning amite nen uluk takin kan scheme of financing hi min en sak phawt a. Chumi atanga teh chuan kan hmuh theih tawh tur hi tawng

chin a awm a ni. Amaherawhchu, chumi piah lamah erawh chuan Chief Minister chhuanawm tak kan neih avangin crore 1300 vel emaw kan hmuh turah pawh 1700, 1800 tawng theiin kan awm zawk a ni, tih erawh chu ka'n sawi duh a ni. Tin, kan Budget ti mai ila, Plan chungchang tlemin han luhchilh hlek ila a thain ka ring a. Kuminah hian divisible amount kan tih hi kan ngaihthlak tak ang khan crore 600 chuang zet a ni. Tin, sorkar hnathawkte hi kan kutke ber, sorkar hnathawktu tak takte an ni a. Keini hi chu vawiinah hotuin kan awm a. Naktukah emaw chuan chhuak leh mai thei kan nih avang hian a thawktu tak takte kan ngaipawimawh lo thei lova. Chuvang chuan sorkar hnathawk, kan rawih ti mai ila, sorkarin a rawihte chuan hlawh an nei tur a ni. Kum khata thla sawm hlawh chauh an la thei tihte khatiang kha awm tawh lo se, tih hi mipui ngaihndan pawh niin kan hria a. Tin, sorkar hnathawkte pawh an hnaah phur taka an thawh theihna tur chuan an hmuh tur hi chu hmu thei hram se kan tih avangin Divisible amount kha sorkar hnathawk hlawh atan a tam zawk tak kha a kalta a, chu chu ka sawifiah duh a.

Tin, chulovah chuan Earmark Fund-in a lo kal kan tih kha, tunlai hian tunhmaa Plan Fund inpek ang kha a ni ta meuh lova, Project leh Scheme behchhana inpek deuh zel anih avangin. Tun tuma kan Plan Fund pawh kha in han zir chian chuan scheme behchhan leh earmark, tin infrastructure atan heti zat kan hotuten hetilai atanga buatsaihna leh Planning Commission nena zu sawiho a ni a. Chutiang anih avang chuan chipchiarin kha kha ka zu luhkhung lovang a. Budget Speech-ah pawh khan kan tarlang a, chuvang chuan a Department-in nikuma a hmuh aia tam a hmu tur a ni tih hrim hrim lam kha kan Plan kalpui dan leh tun Twelveth 5th year plan-a kan priority kalpui dan emaw kan policy kalpui dan hi a ni ta chiah lo deuh a, chuvang chuan department 46-ah khan tunhma kha chuan kan Plan Fund 10% -a a pun chuan, 10%-a pung theuh tur anga inngaihna, khami chawthing kha han ti ve khanglang ila, kan herlum tawh lo a ni, a tharin kan kal a ni tih ka sawi duh a. Chutihruah erawh chuan kha Department-a mi kan chhawr erawh kha chu an hlawh hi chu an hmu tur a ni tih hi kan Chief Minister pawhin policy anga min sawipui anih avangin kan theih chinah chuan sorkar hnathawk kan duhsak lo thei lova. Tin, Corporation-a thawkte pawh hetia anmahni dinhmun kan singsak fel hma si hi chuan chhungkua eizawngtu ber te an ni a, chuvang chuan an hlawh leh an thawhchhuah lam ngaihtuah rih lovin, tun kum atan hi chuan an hlawh tur hi chu Department pawhin rawn chhut chhuak vek ula, hlawh an la tur a ni, tih hi kan Chief Minister hova kan sawihona thu a ni a. Chutiang chuan tun kan Budget-ah pawh hian Department hote pawn an rawn kalpui turah kan ngai a ni.

Chutiang bawkin Education Department-ah pawh nichina kan ngaihthlak tawh ang khan heng kan zirtirtute kum khata thla 8 hlawh emaw an la a, thla sawm pawh an lak ve chang a awm thin niawm tak a ni a. Tin chuti anih loh chuan a kum leha budget kha a inpawtkai chhova a tawpah kak a lo zau ta a, hlawh chungchangah an buai hle thin a ni. Chuvangin heng harsatna hi kuminah chuan Plan Fund kan hmu tha bawk a, harsatna nasa lutuk hi chu sutkian nise tiin chutiang anga inkaihruai chuan kan Plan Budget pawh kha Department tinin an buatsaih a ni a, chuvangin hlawh indaih turin Divisible amount atanga inpek vek a ni a, a bang kha a tam ta lo a ni. Tin, Un-tide Fund kan han dah lehna chhan kha Central Sponsor Scheme thenkhatah te, NEC-ahte heng hi kan infastructure leh kan Plan Fund-a a gap funding atana kan hman theih anih avangin 10% kan contribute tur kha Department-ah pek sa chin a awm a, la dah that chin tlem azawng a awm bawk a. Tunah NLCPR-ah pawh State matching share-ah te kan indaih tawh loh avangin kan hmuh theih tur ang kan hmu tawh lovin kan hria a; tun tumah hian DoNER lam pawhin

vbc 130 rawn inbuatsaih ula, tiin tunah hian chutianga kan Plan Fund a gap funding ang deuhva kan hmuh theih mai kan beisei a ni. Kan Chief Minister hi naktuk President swearing-in ah tel turin an rawn sawm ngawrh viau naa kal lo tura helai session ngaipawimawha awm tum a ni a; amaherawhchu, kan hotuten an han ngaihtuah a, kal mai rawh an ti a, min kalsan ta a. Chungte pawh chu a rawn ngaihven thei turah ngai ta ila. Kan sawi duah nachhan chu Ear-mark Fund nilo Un-tide Fund kan neihte hi khatianga a tangkai zawnga sem sem dam dam ti mai lova, tangkai taka kan hman theihna mai turin kan dah zawk a ni. Tichuan Department-ten hma an han la sang sang ang a, project-te an han siam ang a, chumi hmang chuan DoNER mai ni lovin, Central Ministry-ah te an project thehlutin sanction thei tur an rawn nei ang a; tichuan Un-tied Fund kan dah atang khan matching share kan lo thawh leh chuan cheng 10-in cheng 90 a lak theih/dawn theih ngaihtuahna, hma la thei deuh tanah chuan chutianga ang deuh chuan, a awm a ni. Tin, Central Scheme-ah pawh hian project han siam hrim hrim avanga min rawn sanction a, pawisa hmuh hrim hrim a ni tawh lova, project viable tak kan siam a, chutianga infrastructure-a kan tana mamawh ngeite kan neih theih chuan hmuh a har lem lovin a lang a, chuvang chuan chutianga ang zawng chuan hmalak tum a ni a, infrustrure-a kan duhthusam kan phak loh pawh hi a gap funding atan DoNER te, NEC-te hi hman kan tum a. Engemaw lai khan private leh engemaw NGO ang deuhthe hian Fund an hmu thei riau leh ngaihsak an hlawh viau a, keimahni lam pawh question a awm a, mahse kan State sorkarin sorkar deptt. leh a sorkar ngei pawhin heng hi infrastructure atan, social infrastructure atan, development infrastructure-ah te, deptt. funding atana kan mamawh chutianga awm chu anih avangin NGO insiamchawp leh inphuahchawp private concern ang deuh hlek hi chu priority pek loh niin; kan priority list-ah pawh hian telh loh ni se tiin Chief Minister hova kan meeting-ah ngaihtuah a ni tawh a. Chutianga chuan kan kal ta nghe nghe a ni.

Tin, chu lo leha chuan ka'n sawi leh duh chu, khami bakah khan kan Plan leh kan Budget-in a ngaihpawimawh lang thei mai kha kan Member tam takin an sawi kha lang thei maiah chuan kuthnathawktute, mirethei zawk te, chhanchhuah hi kan budget mai pawh ni lovin kan sorkar priority a nih avangin kan Budget-ah pawh hian tunah kan sawi ang khan NLUP-ah vaibelchhe 370 RKVY converge tur nen vaibelchhe 40, a vaiin vaibelchhe 410 kha kuthnathawktute tinzawn ran, anmahni direct-a zu address ngei, midang emaw khawi dangah emaw pawhpen theih loh sum dah a ni a. Tin, hei bakah hian RKVY pangngai a la awm a, kan ngaihtlak tawh ang khan, chu pawh chuan kan agriculture productivity tipung turin, production pawh tipung turin, agriculture crop husbandry leh, Allied Department-ten hemi an target crops leh items-a production tipung turin hmalakna tur lian tak a awm a, a vaiin vaibelchhe 148 a ni a, tichuan hemi mai atang pawh hian thingtlang mi te, kuthnathawktute, tunhmaa kawng min zawh khuma sorkar min au khum thin kha tunah hi chuan kha khan kan address ve ta a ni. A tam chu kan ti tawh lo, amaherawhchu, tunhmaa kan dinhmunte ngaihtuah leh, tunhmaa sorkar lo awm tawh zawng zawng thingtlang loneitute, anmahnia direct taka kan address-na thinah chuan tuna kan sorkarin NLUP leh Allied programme hmanga hma a lakna ang hi kan la hre ngai lo a ni. Chuvang chuan tunah hian kan sawi fo thin a, NLUP hi engti zawng pawhin a thatna tam tak a awm a, sawiselna tur pawh a awm a, tuna kan han tih phungah hi chuan khawimaw laiah chuan kan hotuten in han sawite pawh kha a dikna chen pawh chu a awm mai thei. Amaherawhchu, a tlangpui leh a pumpuia khaikhawmnaah chuan mirethei zawk te, khaweng hmuloten heng sum hmang hian anmahni theih tawh leh an thiamna zawnah an theih ang anga rahbi an lo intuk chuan, tihtakzeta titute hi chu an ding chhuak ang tih hi kan beisei a. Chutianga dingchhuakte pawh chu an rawn awm tan mek a, kan hmalakna hrang hrangah hian induhthawhna leh keimahni lamah pawh kan tan luat avanga loneitute a vau ang zawngah han inpuh theihnate pawh a awm a ni mai thei a, a

tulna chinte pawh a awm a ni. Amaherawhchu, hetiang taka thahnemngaihna aw pa berin a au chhuahpui loh chuan dik tak chuan kan inthlahdah thang tawh a. Dawn ve leh a hralh mai, silpouline pawh han dawn ve pawha helai khawpui chhung reng pawha hralh leh mai, chutiang chuan kan nih deuh thluah avangin tawngkam na deuha han invau hi a la tul ve rih niin a lang a. Chuvang chuan kan NLUP inkaihhrainaah te pawh khan invauna tawngkam anga ngaih theihte pawh khan kan hotuten dah tulin an hria a, kan dah ta hial a ni. Amaherawhchu, eng ang tawngkam leh vauna pawh nise hlawhtling ngei se kan induhsakna leh he programme hi hlawhchham lo se tia kan induhsakna a ni a, in hriatthiam tlan a tha awm e.

Tin, chu lovah chuan nichina kan sawi tak ang khan ka'n sawi leh hlek duh chu Department 46-ah hian kan normal Plan Fund kan tih thin pangngai Divisible amount atanga an dawn thin, a hmaa an hmuh ang zat hmu ta lo tih kha kan hre reng a ni. Amaherawhchu, kan sawi tak ang khan kan programme leh kan policy kan Plan kalpui dan kan ram mamawh nia kan hriat chu in sem den den nilo, a pung pawh 5%, 10%-a insem rual ni lovin. Department khan project a khawih mek kha a zawh chuan a dang lak leh tur a neih loh chuan a lo hmuh thin pangngai pawh pek leh thin chu project dang lak tur a neih chuan si loh chuan awmze nei lova pawisa hmamnate pawh a ni thei a . Chuvang chuan kumina kan Budget Fund allocation-ah pawh hian, chutiang deuhva kan kal avang chuan thenkhat chu hniam ta viaute pawh an awm thei a. Chutih rual erawh chuan kan NLUP leh RKVY kan tih atang hian Department thenkhat lo hniam hemi Development Department kan tih deuh, Agriculture leh Allied activities thingtlang loneitute nena inngheng rana hmalatute chu tuna an chanpual aia tha zawk mah hi heng NLUP leh RKVY atang hian an dawn tho avang leh a tam zawk an dawn avang hian kan kalphung hi tha turah chuan kan ngai a; chutianga kalpui chu kan ni a.

Tin, chu lovah chuan RKVY hi kan member-in an sawi kha tunhma pawhin a lo awm tih kha a tak taka kan hman chin hi chu keini hian state dangah 2007,2008-ah te pawh hmang thei tawh an awm na a, Agriculture-a kan Budget pun dan hian an norm-ah a phak lo hian kan avail thei mai lova, nuai sawmhnih khat lek lek chuan kan hmu a ni mai thei, ka Chiang chiah lova. Amaherawhchu, hetiang scheme pui taka kan hmuh theih takna hi chu 2009, 2010 kan Budget-ah NLUP-in min rawn vur tak avangin Agriculture lamah hian a norm ang kan pel thei ta a, chuvang chuan hetiang hian tam tham tak (crore 148 lai) Budget kan hmu thei ta a, kan hmu zel dawn bawka a ni.

Tin, chubakah chuan kan Budget-ah khan MLA Fund pun thu kha chu kha kan han sawi thliah thliah a, duhtusamah phei chuan nuai 50 tal te chu ni thei se. Amaherawhchu, kan Fund mamawhna kan han enin thingtlang lama lo neitute chawikanna lamah khan kan duhtawh bawka si avangin leh kan sawrkar hnathawkte hlawh kan ngaimawh lo thei bawka silo a, khami mi pawimawh pahnih ve ve tea kan insensona leh mamawh tur en khan tuna kan tih theih hi kan tih theih sang ber a nih hrih hi, tiin kan hotuten ngaihtuahna an hmang a ni.

Tin, chuloah chuan thil thar lo langte in han sawi thliah thliah a, tunhma chuan decentralization of power-te kha kan ti thin a, a hlawhtling mawh angreng khawp mai district lamah chuan. Chuvang chuan tunah hian administrative reform lam rilru kan sawrkarin a neihna ni pahfawm leh thingtlang lama kan mite mamawh enzuiin District Empowerment ti ta ila, chumi atan chuan kuminah hian District Development Board emaw, District Planning Board, district pangaah buatsaiha Fund-te pawh initial implementation atan khatiing khan dah a ni a.

Tin, Sinlung Hill Development Council hi a dinna pawh a rei tawh a, amaherawhchu, politics-ah engemaw harsatnate a lo awm thin avangin, an nih tur ang taka enkawl thei lo leh sawrkarin enkawl a duh ang taka enkawl hleihtheih loh hian a la awm deuh a, mahse boruak a tha chho zel turah pawh kan beisei a. Chuvang chuan tun tumah hian an tana fund kan dah thinah pawh nuai sawmngaa tihpun phawt a ni a. Tin, hemi bakah hian RKVY hnuai atangin khilai area chhung bik atan crore 3-in bultan phawt nise tiin earmark-a dahsa a ni a, tin, Horticulture leh Agriculture (crop husbandry) leh Soil Conservation-ten Scheme an siam sak ang a, chumi hmang chuan Sinlung Hill Development Council area chhungah hian hma an sawn theihna turin leh chhungkuate pawh eizawna ngeinghet tha an neih theih nan, nula leh tlangvalte pawhin Agriculture leh Allied activity lamah eizawna an hmuh a, chutiang lama tui mite tan chuan training thleng pawhin buatsaih tumna rilru puin a bultanna chutiang chuan dah a ni.

Tin, chuloah chuan ka'n sawi leh hlek duh chu kumtin interest kan chawi hi a tam hle tawh mai a, amaherawhchu, kuminah hian kum hmasa aiin 10.7%-in kan tlahniam dawn ta a ni. Hei hian a kawh chu lehlamah kan loan kan outstanding liability thleng pawh khan a nghawng a, a tlahniam ve thei zel ta tihna a nih rualin loan interest sang kha hemi kan ADB loan hmanga hma kan lo lakna khan min pui a, chuvang chuan tunah hian loan interest sang lutuk kha chu kan liquidate titih tawh a ni.

Tin, chuloah chuan kuminah pawh hian kan pawisa puk, kan borrowing kha a size 22.28% lain a tlahniam a. Tin, pension-a senso pawh 1.53% lain a tlahniam ta a ni. Hei hi New Define Pension Scheme kan hman tan tak vang pawh a ni a. Tin, chuloah chuan kan Fiscal Sustainability kha kan statement-ah khan kan han dah chhuak a. Khatah pawh khan kan Outstanding Debt kha Member zahawmtak Pu Lalduhoma'n a han sawi tak ang khan, kan GSDP atanga percentage lak pawhin 13th Finance Commission-in min beisei aia hniam feah kan indah thla thei dawn a, hei hi a lawmawm hlein kan hria. Tunah hian kan GSDP atanga 54.40% ang velah kan awm dawnin a lang a. Hemi Fiscal Correction Plan 13th Finance Commission-in min tuk ang chuan 82.3% ang talin in tlahniam tur a ni an tih ai chuan kan hniam dawn tain a lang a. Hei hi kan Financial management-ah pawh kan harsa chung chung pawha kan Chief Minister kaihhraina hnuaiyah hetiang kan thleng thei hi kan lawm khawp a. Chulo chu nichina kan sawi tak ang khan kan Plan Fund atanga kan hman tur induhthawhawm hle mahse kan State specific needs atana pawisa kan hman thinah khan 27.72% lain a pung a ni kuminah hian. Tichuan tam takah chuan induhthawhna leh heti zawk hi nise tihna te pawh a awm thei a. Amaherawhchu, tunah hian kan thiam ang tawka kan mithiamte pawhrawn a, kan Chief Minister kaihhraina hnuaiyah Budget hi Department-in heng kan Minister senior hote nena inrawn khawmin kanrawn chhawpchhuak ta a ni a. Tunah hian kan hriat angin sawi nawn pawh a ngai lova, Sixth Pay kan hman tak avang hian kan financial position hi a la tight em em a. Amaherawhchu, fimkhur taka kan kal hram hram avang hian overdraft lovin kuminah hian kan tlang thei a. Tin, Ways & Means pawh avail lovin kan awm thei hram hram a, a lawmawm hlein ka hria a. Hengah hian kan Finance Commissioner te, kan Chief Secretary leh kan Secretaries hote an thiam em em a, hna nasa takin hemi kawngah hian an thawkin sorkar an kaihruai a ni.

Tin, hma kan lakna tur leh kan tanhona tur chu tunah hian kan hlawh hian nasa takin kan financial burden hi min la delh rit reng a. Tunah hian D.A pung pawh anih tur angin kan la pe thei lova. Amaherawhchu, kan Federation leh kan sorkar hnathawk pawl hrang hrangte pawh an fel a, kan indawr reng a. Kan theih hmasak berah tihian kan dinhmun hi kan thlir reng ang a, kan release ang che u, kan tih angin 1st July khan 7% chu kan han release phawt a, a bak la awm pawh hi kan dinhmun awmdan anga thlir chhoh zel tur a ni ang a.

Chungah pawh chuan kan sorkar hnathawkten min dawhthei em em a, lehlamah chuan a neitu tak an nihna lai pawh a awm a. Tin, keini aia kan dinhmun hre zawk an nihna lai pawh a awm a, an chungah pawh lawmthu ka sawi a.

Tin, buhfai manah hian kum khatah 100 crore chuang kan hman a ngai a, a lo let leh hi a tam hlei thei lova. Chutiang bawkin Power kan leinaah hian a ni a. Member zahawmtak Pu Lal Thanzara khan ama chan lam deuh a ni a, a rawn sawi tawh a. Tunah hian harsatna dinhmuna kan din lai tak niin a lang a. Tun atanga rei vak lovah chuan kan ram hian heng potential kan neih atanga power kan siam chhuah hmang hian revenue tam tak kan earn thei dawn a ni tih kan hmu a. Chuvang chuan, a thim zawnga thlir lovin, kan power project-a chhe te te kan lo siam ho kha, khatih hun laia kan State sorkarin ama power leh Central lam pawhin in tih theih tawk tia an lo tih hmasak tir a ni a, rei tak kan tangkaipui a. A then chu close down ngai tawhte pawh ni mahse, vawiin thlenga power kan siamchhuah hi chu khatih hun lai ami kha a la ni ber zawk a ni. Kum engemawzat chhung chu power siamchhuah lamah hian kan chawl emaw tih tur a ni a. Chutah Thermal Power chu kan lo nei baw na a, 21 Mega Watt dawn lai chu a ni awm e. Mahse, a fuel a to lutuk avangin kan chhi ngam mang si lova, chuvang chuan ram dang atanga lo kal leh heng kan ram atanga kan hmuhchhuah te te hian kan intuamhlawm a. Mipui lam pawh an zahawm rualin, kan nghah peihthe pawh a tha a. Tin, a thim apianga politics pawh hi tlema extreme loh deuh hi chu a thain ka hria. Mombati sem han tih te, meihawl sem han tihte hi chu, han insawifiahna atan chuan thil tangkai tak chu a ni lova, haw fe rawh se, kan intihna emaw, kan indiriamna emaw a ni mah mahin ka hria. Lehlamah chuan kan mawh vek a ni. Kum 10 hma lamah lo sorkar tawh vek kan ni. Vawiina kan dinhmun kan thlen theihna leh kan thlen theih danah pawh hian mawh kan phur tlang a ni tih hi chu pawm tlang ila. Amaherawhchu, kan hmalam thlir erawh chu a eng dawn a ni. Power Project tuna kal mekte hi kan zawh chuan, Tuirial hi kum 2014-ah kan zo ang a. 60 Mega Watt pe thei a ni a. Chuta tanga revenue kan hmuh tur pawh chu thahnem tham tak a ni a. Tunah hi chuan Vaibelchhe 5127 vel kan Budget-a kan tarlan lai khan, keimahni thawhchhuahte chu Vaibelchhe 421 tih lek kha a ni mai a ni. 10%/9% pawh kan thawk chhuak mang lo a ni. Amaherawhchu, heng a lo thlen hun tun atanga kum 3, kum 4, kum 5, kum 7, kum 10, chutih hunah chuan kan Power atang ringawt pawh hian vawiina Plan Fund-ah heti zat kan hmu e, kan tih ang deuh thuk hi kan hmu phain ka ring a. Tin, chutihrual chuan kan Oil leh Natural Gas atang hian chutiang kan hmuh hunah chuan Mizoram hmalthir hi chu a eng dawn a ni. Chumi kan thlen hma chuan kan la thim rih a, nichhuak kan thlir kha a lo la thleng ve mai ang tih beisei ila.

Chutihrual chuan tunah hian kan member zahawmtak Pu Lal Thanzarana sawi tawh kha Palatana-ah khan investment kan siam a, kan neilo chung chung pawhin equity share kan thawh ve a. Hei hi hman theih mai anih hunah phei chuan tuna Power-ah kan indaihlohna leh tin, tuna power atana kan pekchhuah atangin 60% vel chu a lo lut thei hram a ni chauh a. Chutiang lek chu a ni, Budget-a kan pekchhuahah Revenue-a kan collect leh hi. Chungte chu a lo puitlin hunah chuan kan la eng dawn a ni. Chuvang chuan vawiina kan Budget-ah hian engkim sawisen a ni lova. Kan han sawina eng leh tuna han hmuh theih mai atang pawh hian hmabak eng tak kan hmaah hian a awm ang tih beisei ila. Chumi beiseina chuan tuna kan Budget, natukah Demand-te kan la sawi zel turah pawh ngaihtuahna tha tak hmangin kan thahnemngaihna inpawh tlangin, thawhhona rilru nen a thalo laiah erawh chuan indim lutuk chu ni chuang lovin chutianga sawiho zel tur chuan kan inbeisei a. Tichuan, heng kan Budget han pharh ang angte hlim tak leh uluk takin min lo thlir sak a, tin, min finchhuah a, taima takin min sawipui a. Chung atang chuan keimahni lamah pawh tangkaipui tur thil tam tak kan lo chhinchhiah a. Tin, vawiinah pawh thiamlo taka ka thusawi dawhthei taka min ngaihthlak sak reng avangin lawmthu ka sawi a ni. Ka lawm e Pu Speaker.

S P E A K E R : Hei, in han hawivel ang a, thutna ruak kha engatinge in ti mai thei a, nichina kan ngaihthlak ang khan kan Leader hi Delhi lama kal thut a ngai a. Tin, hetilaiah Minister Pu Zoram Sangliana hi a hritlang deuhva, minrawn dil a. Tin, Minister Pu Lalrinliana Sailo hi pawimawhah dar 4:20-ah thil tih tur an lo intuk a, Pu S.Laldingliana nen an chhuak a ni a. Tin, Pu Lalthansanga hi a hritlang deuh a. Chutianga awm chu a ni a, kan senior erawh hi chu kan hria a, chawhma lam min awmpui chuan a tawk viau a. Chu chu hetilaiah seat a lo ruak kha enge nita? intih tak khan ka'n sawi a ni. Le, vawiin atan chuan kan tihtur chu kan zo ta a, kan chawl tawh ang a, naktuk ni 25.7.2012 Nilaini zinglam dar 10:30-ah kan thukhawm leh dawn nia.

Sitting adjourned at 4:50 P.M.